

O LE EKALEZIA A IESU KERISO O LE AU PAIA O ASO E GATA AI • APERILA 2016

O Le Liahona

E Faapefea Ona Faailiaina Tusitusiga Paia? i. 20

Iloaina o Lo Tatou
Aposetolo Fou, o Elder
Ronald A. Rasband, i. 12

Ulugalii Matutua: Valaauina
e Auauna Atu, i. 26

Pe a Tauivi Tane ma
Ponokalafi, e Manaomia Foi
e Ava le Faamalologa, i. 34

Aoao e Ta se Viiga
i le 10 Minute, i. 54





*“Aua faauta, ua faapea
ona fetalai mai o le Alii,
o le a Ou faatusaina oe,
E, le aiga e o Isaraelu,
i se laau olive fanua, na
ave e se tagata ma tausi
i lona togaolive; . . .*

*“ . . . Ma amuia outou
ona talu ai sa outou
filiga e galulue faatasi
ma au i lou togaolive,
ma tausi au poloaiga,
ma toe aumai ia te au
le fua moni, ma ua lē
toe leaga lou togaolive,
ma ua lafo ese le leaga,
faauta, o le a outou
maua le olioli faatasi
ma au ona o le fua o
lou togaolive.”*

lakopo 5:3, 75

O olive, na umi se taimi
o atiina ae i atunuu
Metitereane, e i ai so
latou talafaasolopito umi
faaletusitusiga paia, mai
le lupe na aumaia se lau
olive ia Noa, i le Faaola na
aao atu i luga o le Mauga
o Olive, i le talafaatasa a
lakopo e uiga i laau olive.



O SAVALI

- 4 Savali a le Au Peresitene Sili: Valoaga ma Faaaliga Faaletagata Lava Ia**
Saunia e Peresitene Henry B. Eyring
- 7 Savali a Faaoga Asiasi: Afafine o lo Tatou Tama Faavavau**

TALA FAAALIA

- 12 Elder Ronald A. Rasband: Taitai Talenia, Tama Tuuto**
Saunia e Elder M. Russell Ballard
O se tane ma se tama agaalofo, sa atiae e Elder Rasband ni tomai faaletaitai e ala i tausaga o le aoaoina mai i pisinisi manuia ma taitai perisitua.
- 18 O Ia o le Epikopo?**
Saunia e Patrick J. Cronin III
Sa ou malamalama i le mafuaaga sa le talitonu ai o ia ua avea nei au ma epikopo. I le tolusefulu tausaga ua mavae, sa matuai ese lava le tagata sa ou i ai.

I LE FAAVAA

Faavaa i luma ma i totonu o le faavaa i tua: Ata na pueina e Les Nilsson. Faavaa pito i luma i totonu: Ata na pueina © RayTango/Thinkstock.

- 20 Faaliliuga o Tusitusiga Paia: I le Gagana a o Tatou Loto**
Saunia e R. Val Johnson
O le faitauina o tusitusiga paia i la tatou lava gagana, ua pei lava o le sau faaleagaga i le aiga.

- 26 Taimi o Faifeautalai Matutua**
Saunia e Peresitene Russell M. Nelson
Faamolemole tatalo e uiga i lenei avanoa e fatu ai ni taimi maoae faatasi o ni faifeautalai matutua.

- 28 Faifeau Faamisiona Matutua: E Manaomia, Faamanuiaina, ma Alofaina**
Saunia e Richard M. Romney
Ua iloa e uhugalii, o le auauna atu i se misiona e sili atu ona fetuutuunai, e le taugata tele, ma sili atu ona fiafia nai lo o le mea sa manatu ai.

- 34 Pe a Oo Mai Ponokalafi i le Aiga—e Manaomia Uma e Ava ma Tane le Faamaloloina**
Taofia le igoa
Ua faasoa mai e se epikopo le ala o loo ia fesoasoani ai e le gata i tane o e o loo tauivi ma ponokalafi, ae faapea foi a latou ava, o e e tutusa lava le manaomia o le faamalologa a le Faaola.

- 38 Tagatavaai i luga o le Olo**
Faatamaoaiga lou malamalama e uiga i perofeta e ala i le aoao i auala ua faapei ai i latou o tagatavaai i luga o olo.

MATAGALUEGA

- 8 Ataata: O Fetau ia Faatonuga?**
Saunia e Ruth Silver
- 9 Auaunaga i le Ekalesia: Faafetai mo Lau Auaunaga**
Taofia le igoa
- 10 Tala Faamamai o le Talalelei: O Le Perisitua: O Se Taula Mausali**
Saunia e Elder L. Tom Perry
- 40 O Leo o le Au Paia o Aso e Gata Ai**
- 80 Seia Tatou Toe Feiloai: Sailiga o Meaalofa Faaleagaga**
Saunia e Peresitene George Q. Cannon



44 Iloaina o Mea Taufaaesese a Satani

Saunia e Dennis C. Gaunt

E ala i le vaavaai mo eseesega i le va o pepelo a Satani ma aooaga a Keriso nai lo o mea e tutusa ai, o le a mafai ai ona tatou iloa mea tautaaesese a Satani.

48 Talaaga Ootoo o Talavou Matutua: Fuaina o Faamanu-iaga i Matakasa

Saunia e Mindy Anne Selu

E ui lava i le aumau ai i se atunuu e anoanoai puapuaa, ae e lagona e Solofo Ravelojaona ua tumu lona olaga i faamanuuiaga.



Vaai pe mafai ona e mauaina le Liahona o loo natia i le lomiga lenei. Faaitete: Ina ia mulimuli i lenei faaitete, mulimuli i le perofeta.

50 Mausali Faaleagaga: Fauina o se Vaa e Le Goto
Saunia e Elder Dale G. Renlund
E pei lava ona tatau ona fau ma le faaeteete se vaa, e mafai e i tatou taitoatasi ona maua le mausali i o tatou olaga i mata-upu faavae nei e fa.

54 Aooa e Ta se Viiga i le 10 Minute!
Saunia e Daniel Carter
Afai e te lei taina lava muamua se piano, ae sa e manao lava e aooa, o le auala lenei e te amata ai.

57 Tautino Atu e Togi le Solo
Saunia e Gretchen Blackburn
O le a ou faia soo se mea e faagata ai ona ou toe taina le piano, o lea la, ina ua fai mai ou matua e mafai ona togi lou solo pe a ou iloa ta ni viiga se 50, na faapea ona ou amataina loa.

58 Faateia, Faanoanoa, ma le Fuafuaga a le Atua
Saunia e Paola Çajupi
O le toe tepe i tua i le aafiaga aupito sili ona leaga o lou olaga, ua ou iloa ai nei sa faatasi lava le Tama Faalelagi ma au i le taimi atoa.

60 E Tusa Lava Pe e te Matamuli
Saunia e Elder José A. Teixeira
Faalagolago i le Alii, ma o le a Ia faamanuia oe i au taumafaiga e faasoa atu le talalelei.

62 O La Tatou Avanoa

63 Pepa Lautele o I Ai se Savali: O Lelei i le Vaai?

64 Fesili & Tali
E ulagia au i le aoga ona o le avea ma AAG. Ou te iloa e tatau ona ou tu atu mo ou talitonuga, ae e ese le faigata! E faapefea ona ou avea ma se tagata lototoa?



66 O Tali mai i se Aposetolo: O A Mea a Aposetolo e Fai?
Saunia e Elder David A, Bednar

67 Filemu i Lou Loto
Saunia e Carol F. McConkie
Ina ua ou vaai i le perofeta, ma faalogo i lana saunoa mai, sa ou lagonaina le filemu.

68 O Le Molimau a Ethan
Saunia e Larry Hiller
Sa foliga mai sa i ai molimau a tagata uma, vagana ai Ethan.

70 O Peso mo le Tama Faalelagi
Saunia e Angela Peña Dahle
O le leai o se tupe na toote, sa mafaufau ai Ana, "O le a se tatou mea o le a ai taeao?"

72 Mulimuli i Perofeta ma Aposetolo
Saunia e Jenna Koford
E mafai faapefea ona e mulimuli i le perofeta i le masina lenei?

74 Toa o le Tusi a Mamona: Na Salamo Alema

75 E Mafai Ona Ou Faitauina le Tusi a Mamona

76 Tala o le Tusi a Mamona: Ua Papatiso e Alema le Toatele o Tagata

79 Itulau e Valivali: O Le Sapati O se Aso Faapitoa

O Le Lomiga Faamaonia Faa-Samoa a le Ekalesia
a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson,
Henry B. Eyring, Dieter F. Uchtdorf

O Le Korama a Aposetolo e Toasefulua:

Russell M. Nelson, Dallin H. Oaks, M. Russell Ballard,
Robert D. Hales, Jeffrey R. Holland, David A. Bednar,
Quentin L. Cook, D. Todd Christofferson, Neil L. Andersen,
Ronald A. Rasband, Gary E. Stevenson, Dale G. Renlund

Faatonu: Joseph W. Sitati

Assistant Editors: James B. Martino, Carol F. McConkie

Fautua: Brian K. Ashton, Randall K. Bennett, Craig A.
Cardon, Cheryl A. Esplin, Christoffel Golden, Douglas D.
Holmes, Larry R. Lawrence, Carole M. Stephens

Pule Faatonusili: David T. Warner

Faatonusili o le Lagolago mo Aiga ma

Tagata o le Ekalesia: Vincent A. Vaughn

Faatonusili o Mekasini a le Ekalesia: Allan R. Loyborg

Pule o Mea Tau Pisinisi: Garff Cannon

Pule Faatonutonu: R. Val Johnson

Pule Faatonutonu Lagolago: Ryan Carr

Lagolago o Lomiga: Megan VerHoef

Au Tusitusi ma Faatonutonu: Brittany Beattie, David
Dickson, David A. Edwards, Matthew D. Flitton, Lori
Fuller, Garrett H. Garff, LaRene Porter Gaunt, Jill Hacking,
Charlotte Larcabal, Michael R. Morris, Sally Johnson Odekirk,
Joshua J. Perkey, Jan Pinborough, Richard M. Romney,
Mindy Anne Selu, Paul VanDenBerghe, Marissa Widdison

Pule Faatonusili Tusiata: J. Scott Knudsen

Faatonusili Tusiata: Tadd R. Peterson

Au Mamanu: Jeanette Andrews, Fay P. Andrus, Mandie M.
Bentley, C. Kimball Bott, Tom Child, Nate Gines, Colleen
Hincley, Eric P. Johnsen, Susan Lofgren, Scott M. Mooy,
Mark W. Robison, Brad Teare, K. Nicole Walkenhorst

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Connie Bowthorpe Bridge, Julie Burdett,
Katie Duncan, Bryan W. Gygi, Denise Kirby, Ginny J. Nilson,
Gayle Tate Rafferty

Tailolomi: Jeff L. Martin

Faatonusili Lolomiga: Craig K. Sedgwick

Faatonusili o le Tufatufaga: Stephen R. Christiansen

Mo le okaina o mekasini, alu i le store.lds.org po o le
Faletusi Tutotonu i Pesega. Telefoni 64127. Totogi o le
Mekasini: \$0.55 (Samoa) i le kopi. Totogi mo le Tausaga
Atoa \$6.60 (Samoa).

Auina atu tusitusiga ma faafesili i luga o le

initonet i le liahona.lds.org: pe meli mai i le *Liahona*,
Rm. 2420, 50 E. North Temple, Salt Lake City, UT 84150-
0024, USA; po o le i-meli: liahona@ldschurch.org.

O le *Liahona* (o lona uiga i le Tusi a Mamona o le "tapasa"
po o se "faatonuuala") e lomia i le faa-Alepania, Aminia
(Sasae), Pisilama, Palekeria, Kempupotia, Sepuano, Saina,
Kalaoitia, Siekisolovakia, Tenimaka, Take, Iglisi, Esitonia,
Fitit, Finelani, Farani, Siamani, Eleni, Hanikeri, Initu, Iselani,
Initonisia, Italia, Iapani, Kiripati, Korea, Lativia, Litunia,
Malakasa, Masela, Monokolia, Nouei, Polani, Potukale,
Romania, Rusia, Samoa, Saina (ua faaigofieina), Silovenia,
Sipaniolo, Suetena, Swahili, Tagaloka, Tahiti, Tai, Toga,
lukureini, Urutu, ma Viatename. (E esee lava gagana.)

© 2016 Puletaofia e le Intellectual Reserve, Inc. Ua taofia
aia tatau uma. Lomia i le lunaite Setete o Amerika.

E mafai ona kopi tala ma ata o le *Liahona* mo le toe
faaogaina i lotu po o le aiga ae ia le faia ai ni pisinisi. E le
tatau ona kopi ni tala po o ni ata pe afai o faasa mai i le
laina o loo ta'ua ai le e ona lea faatufugaga. Auina atu fesili
e uiga i le puletaofia i le Intellectual Property Office, 50 East
North Temple Street, Salt Lake City, UT 84150, USA; i-meli:
cor-intellectualproperty@ldschurch.org.

For Readers in the United States and Canada:

April 2016 Vol. 40 No. 4. O LE LIAHONA (USPS 311)
Samoa (ISSN 1045-0947) is published monthly by The
Church of Jesus Christ of Latter-day Saints, 50 East North
Temple, Salt Lake City, UT 84150. USA subscription price
is \$10.00 per year; Canada, \$12.00 plus applicable taxes.
Periodicals Postage Paid at Salt Lake City, Utah. Sixty days'
notice required for change of address. Include address label
from a recent issue; old and new address *must* be included.
Send USA and Canadian subscriptions to Salt Lake
Distribution Center at address below. Subscription help
line: 1-800-537-5971. Credit card orders (Visa, MasterCard,
American Express) may be taken by phone. (Canada Post
Information: Publication Agreement #40017431)

POSTMASTER: Send all UAA to CFS (see DMM 507.1.5.2).

NONPOSTAL AND MILITARY FACILITIES: Send address
changes to Distribution Services, Church Magazines,
P.O. Box 26368, Salt Lake City, UT 84126-0368, USA.

Manatu mo Afiati Faaleaiga

*O leni lomiga o loo aofia ai tusiga ma gaoioiga e mafai ona faaogaina mo afiati faaleaiga.
O se faaitaiga nei se tasi.*



"E Tusa Lava Pe E te Matamuli," itulau e 60: E mafai ona e faaogaina le tou afiati
faaleaiga e faasoa atu ai le talalelei! Ia talanoa o se aiga po o a ni popolega e faaiaiga
ai ona e faasoa atu le talalelei. E mafai ona outou tatalo o se aiga ina ia fesoasoani le
Alii ia e lagona le toa i le faasoina atu o le talalelei, ona tatalo lea po o ai e mafai ona
outou valaaulia i le afiati faaleaiga. Mafaufau e valaaulia tagata taitoatasi o le aiga e
tuuina atu molimau i le taimi o le lesona. Atonu e te filifili e aoao atu se lesona e uiga
i le Toefuataiga po o le ata o le faaolataga. Mafaufau e faamaumau ou aafiaga ma
lagona i au api talaaga.

FAAOPOPOGA O LOO MAUA I LE INITONETI

O loo maua le *Liahona* ma isi mea e faaogaina a le Ekalesia i le tele o gagana i le
languages.lds.org. Asiasi i le **facebook.com/liahona.magazine** (e maua i le gagana
Peretania, Potukale, ma le Sipaniolo) e sue ai savali musuia, manatu mo afiati faaleaiga,
ma mea e faaogaina e mafai ona e faasoa atu i au uo ma aiga.

AUTU I LE LOMIGA LENEI

E tau mai e numera le itulau muamua o le tusiga.

Agaga Paia, 44, 50
Alofa, 40

Aoao atu, 75

Aso Sapati, 79

Auauna atu, 9, 26, 28, 41

Avea ma Soo, 12, 26

Faailiga, 4, 10, 20, 41, 42,
50, 70, 72

Faamagaloga, 34

Faamaoni, 62

Faatoaogaina Mai, 18

Faatuatua, 34, 48, 58, 60

Faavauvau, 58

Faiaoga asiasi, 9

Galuega faafaifeautalai,
26, 28, 60

Iesu Keriso, 20, 34, 43, 58

Liua, 43, 58, 75, 76

Lototele, 48, 64

Meaalofa faaleagaga, 80

Mea taufaasese, 44, 63

Molimau, 64, 68

Musika, 54, 57

Natura paia, 7

Papatisoga, 75, 76

Perofeta ma Aposetolo,

10, 12, 66, 67, 72

Poloaiga, 8, 72

Ponokalafi, 34

Salamo, 18, 74

Sefuluai, 62, 70

Taleni, 40, 54

Tatalo, 41, 64

Toafilemu, 50, 67

Togiola, 34

Tusi a Mamona, 43, 44

Tusitusiga Paia, 20

Usiusitai, 8, 34, 62, 72

Valaauga, 18



Saunia e
Peresitene
Henry B. Eyring

Fesoasoani
Muamua i le Au
Peresitene Sili

Valoaga

MA

FAAALIGA FAALETAGATA LAVA IA

O le Ekalesia moni a Iesu Keriso ua toefuataiina mai ma ua i ai i le lalolagi i aso nei. O Le Ekalesia a Iesu Keriso o le Au Paia o Aso e Gata Ai sa taitaiina i taimi uma e perofeta ma aposetolo soifua, o e e maua e le aunoo le taitaiga mai le lagi.

O lena mamamu paia sa moni foi i aso anamua. Ua tatou aoao i le Tusi Paia: “E le faia lava se mea e le Alii o Ieova, ae faaalua lona finagalo i Ana auauna o perofeta” (Amosa 3:7).

Ua toe fetalai mai le Atua i o tatou taimi, e ala i le Perofeta o Iosefa Samita. Na Ia faaalua mai e ala i le Perofeta o Iosefa le talalelei a Iesu Keriso i lona atoatoa. Na Ia toefuataiina mai Lana perisitua paia ma ona ki ma aia tatau, mana, ma matafaioi uma o le mana paia o le perisitua.

I o tatou aso, o perofeta ma aposetolo soifua ua faatagaina e saunoa, aoao mai, ma taitai i le pule mai le Atua le Tama ma le Alii o Iesu Keriso. Na fetalai atu le Faaola i le Perofeta, “O le mea ua fai atu ai Au o le Alii ua Ou fai atu ai, ma Ou te lē faatoese mai ai au lava ia; ma e ui ina mavae atu le lagi ma le lalolagi, e lē mavae atu lava lau upu, ae o le a faataunuaina uma lava, pe i lou lava leo po o i le leo o au auauna, ua tutusa lava” (MF&F 1:38).

I konafesi aoao e faalua i le tausaga, ua faamanuiaina ai i tatou i le avanoa e faalogologo ai i le afioga a le Alii mo i tatou mai Ana auauna. O se avanoa ua sili atu nai lo se tau. Ae o le taua o lena avanoa e faalagolago lea i le pe

tatou te maua le upu i le uunaiga a le Agaga lava lea e tasi lea na tuuina atu ai i na auauna (tagai i le MF&F 50:19–22). E pei lava ona latou maua le taitaiga mai le lagi, e ao foi ona tatou maua. Ma e manaomia foi mai ia i tatou lena lava taumafaiga faaleagaga e tasi.

“Fai Lau Galuega”

O ni tausaga ua mavae sa talosaga mai ai ia te au se tasi o le Korama a Aposetolo e Toasefululua e faitau atu se lauga o le konafesi lea sa ia sauniaina mo le konafesi aoao. Sa avea au ma se sui laitiiti o le korama. Sa faamamaluina au i lona talitonu e mafai ona ou fesoasoani ia te ia ia maua upu na finagalo le Alii e tautala atu ai o ia. Sa ia fai mai ia te au ma se ataata, “Oi, o le 22 ai lea o le tusiga o le lauga.”

Ou te manatua le fautuaga sa tuuina mai ia te au e Peresitene Harold B. Lee (1899–1973) alofa ma agalelei, i se taimi na muamua atu ma le faamamafa maoae: “Hal, afai e te fia maua faaaliga, fai lau galuega.”

Sa ou faitau, mafaufau loloto ma tatalo e uiga i lena tusiga lona 22. Sa ou suesue i le mea sili ou te mafaia i le uunaiga a le Agaga Paia. E oo ane i le taimi na tuuina atu ai le lauga a lena sui o le korama, ua uma ona fai lau galuega. Ou te le mautinoa pe na ou fesoasoani i ai, ae ou te iloa sa suia au ina ua ou faalogo i le lauga na tuuina mai. Sa oo mai savali ia te au na sili mamau atu i upu sa ou faitauina ma sa ia tautalagia. Na sili atu ona anoa ia upu nai lo o upu



sa ou faitau i ai i le tusiga. Ma o le savali sa foliga mai sa mo au, na fetau lelei i ou manaoga.

E anapopogi ma tatalo auauna a le Atua ina ia maua le savali e finagalo o Ia ina ia latou tuuina atu ia i latou o e manaomia faaaliga ma musumusuga. O le mea na ou aoaoina mai i lena aafiaga, ma le tele o isi mea faapena o le, ina ia maua faamanuiaga maoae o loo maua mai le faalogo atu i perofeta ma aposetolo soifua, e ao ona tatou totogia e i tatou lava le tau o le mauaina o faaaliga.

E alofa le Alii i soo se tagata e mafai ona faalogo i Lana savali, ma Na te silafia loto ma le tulaga o tagata taitoatasi. Na te silafia le ituaiga faasaoga, le ituaiga faamalosiuga, ma le ituaiga upumoni o le talalelei o le a sili ona fesoasoani i tagata taitoatasi e filifili ai lona ala i le auala i le ola e faavavau.

O i tatou o e faalogo ma matamata i savali o le konafesi aoao, e i ai taimi e mafaufau ai pe a uma, “O le a le mea e sili ona ou manatuaina?” O le faamoemoe o le Alii mo i tatou taitoatasi o le, ina ia tatou tali atu: “O le

a ou le faagaloina lava taimi na ou lagonaina ai le leo o le Agaga i lou mafaufau ma lou loto, na tau mai ai le mea e mafai ona ou faia e faafiafia ai lou Tama Faalelagi ma le Faaola.”

E mafai ona tatou maua lena faaaliga faaletagata lava ia pe a tatou faalogo i perofeta ma aposetolo, ma a o tatou galulue i le faatuatua ina ia maua, e pei lava ona saunoa Peresitene Lee e mafai ona tatou maua. Ou te iloa e moni lena mea mai aafiaga, ma e ala i le molimau a le Agaga. ■

AOAO ATU MAI LENEI SAVALI

Mafaufau e faitau leotele le tala a Peresitene Eyring e uiga i le suesueina o le tusiga o le lauga i le konafesi a le sui o lana korama. Atonu e te fesili, “O le a le tau o le mauaina o faaaliga?” A uma ona outou talanoaina, e mafai

ona e valaaulia i latou e te asia e mafaufau loloto ma faagaioi se fuafuaga e maua ai savali o le konafesi aoao o loo loma “i lalo o le uunaiga a le Agaga lava lea e tasi na tuuina atu ai foi i auauna a le [Atua].”

Sa Fetalai mai le Tama Faalelagi ia te Au e ala i se Lauga o le Konafesi

Saunia e Anne Laleska Alves de Souza

Sa i ai ni ou faaluafesasi i mea e tatau ona ou suesue ai i le iunivesite. O le tele o tagata sa le lelei a latou tala na fai mai e uiga i le kosi sa ou manao e ave, o lea na ou tatalo ai i le Alii e vaai pe sa ioe o la i lau filifiliga.

Na oo mai lau tali i le aso na sosoo ai ao ou faitau i se lauga o le konafesi aoao i le *Liahona*. Sa ou lagoina na pei na fetalai mai le Tama Faalelagi ia te au e le mafai ona la filifili mo au—o le faaiuga leni e tatau ona ou faia toatasi. Sa ou iloina e tusa lava po o le a le mea na ou filifilia, o le a tatau ona ou galue malosi ina ia faamanuiaina ai.




Ou te iloa sa tali mai lau tatalo. O le faamaoniga a le Agaga Paia na fesoasoani ia te au e faia ai se faaiuga. Ua ou aooina e tuuina atu au taumafaiga sili ona lelei ma iloa o le a fesoasoani mai le Tama Faalelagi ia te au.

E alala le tusitala i Sergipe, Pasila.

TAMAITI

Mulimuli i le Perofeta

Operofeta ma aposetolo e saunua mai mo le Tama Faalelagi ma Iesu Keriso. Latou te aoao mai ia i tatou auala e mulimuli ai ia Iesu. Mulimuli i auala e maua ai nisi o mea ua talosagaina i tatou e le perofeta ma aposetolo e fai.



Ia suesue ma le agaga tatalo lenei savali ma saili ia iloa mea e faasoa atu. E faapefea ona faateleina e le “O Le Aiga: O Se Folafolaga i le Lalolagi” lou faatuatua i le Atua, ma faamanuia ai i latou e te pui puia e ala i faiaoga asiiasi? Mo nisi faamatalaga, alu i le reliefsociety.lds.org.

Afafine o lo Tatou Tama Faavavau

Ua aoao mai e tusitusiga paia ia i tatou e faapea, o “tatou o ni fanau a le Atua” (Galuega 17:29). Na taua e le Atua ia Ema Samita, le ava a le Perofeta o Iosefa Samita, o “lo’u afafine” (MF&F 25:1). Ua aoao mai le folafolaga i le aiga o i tatou taitoatasi “o se afafine agaga faapelepele . . . a ni matua faalelagi.”¹

“I le malo [i le muai olaga], sa tatou aoao ai e uiga i lo tatou faasi-nomaga o tamaitai e faavavau,” na fai mai ai Carole M. Stephens, fesoa-soani muamua i le au peresitene aoao o le Aualofa.

“O la tatou malaga faaletino i le lalolagi sa le’i suia ai na upumoni.”²

Ua silafia e lou Tama o i le Lagi lou igoa ma silafia ou tulaga,” o le saunoaga lea a Elder Jeffrey R. Holland o le Korama a Aposetolo e Toasefululua. “Na te faafofogaina au tatalo. Na te silafia ou faamoemoga ma au miti, e aofia ai ou popolega ma atugaluga.”³

“E taitasi i tatou ma auai ma o loo manaomia i le aiga o le Atua,” na



saunoa mai ai Sister Stephens. “E eseese uma aiga faalelalolagi. Ma a o tatou faia le mea silisili e mafai ona tatou faia e fatuai ai ni aiga masani malolosi, o le avea ai ma tagata o le aiga o le Atua e le faalagolago i soo se ituaiga o tulaga—tulaga faalefaa-ipoipoga, tulaga faamatua, tulaga faaletupe, tulaga faaleagafesootai, po o ituaiga o tulaga tatou te tuuina i luga o ala o faasalalaua faaleagafesootai.”⁴

Mau Faapoopo

Jeremia 1:5; Roma 8:16; Mataupu Faavae ma Feagaiga 76:23–24

FAAMATALAGA

1. “O Le Aiga: O se Folafolaga i le Lalolagi,” *Liahona*, Nov. 2010, 129.
2. Carole M. Stephens, “O Le Aiga e Ou Le Atua,” *Liahona*, Me 2015, 11.
3. Jeffrey R. Holland, “I Tamaitai Talavou,” *Liahona*, Nov. 2005, 28.
4. Carole M. Stephens, “O Le Aiga E Ou Le Atua,” 11.
5. Tagai i le Gospel Topics, “First Vision Accounts,” topics.lds.org.



Faatuatua, Aiga, Toomaga

Mai lo Tatou Talafaasolopito

I lana tala o le Uluai Faaaliga,⁵ ua faamaonia ai e le Perofeta o Iosefa Samita le tele o upumoni—e aofia ai le, e silafia e lo tatou Tama Faalelagi o tatou igoa.

Sa tauivi le taulealea o Iosefa e fia iloa po o le fea ekalesia e auai ma mau ai le taitaiga i le lakopo 1:5. Na tonu ia Iosefa o le a ia fesili atu i le Atua.

I se tasi taeao o le tautotogo i le 1820, sa alu atu o ia i le togavao e tatalo ai, ae na vave lava ona osofia e se mana pogisa. Sa ia tusia e uiga i leni mea:

“I lea lava taimi o le atu-atuvale tele, na ou vaaia ai se malamalama faaniutu i luga ae tonu lava o lou ulu, ua sili atu le pupula i le la, ua alu ifo malie lava seia oo mai i ou luga.

“Sa lei pine lava ona oo mai ae ou faalogoina ua laveaiina au mai le fili na taofia au. Ina ua oo mai le malamalama i ou luga, sa ou vaaia ni Tagata e toalua, o lo laua pupula ma le mamalu e lē mafaamatalaina, o tutu mai i ou luga ae i le ea. Sa fetalai mai le tasi o i laua ia te au, ma fofoga mai ia te au i lou igoa ma fetalai mai, ao tusi ane i le tasi—O Lou Atalii Pele leni. Faalogo ia te la!” (Iosefa Samita—Talafaasolopito 1:16–17).

Mafaufau I le Mea Lenei

E faapefea ona aafia au filifiliga i lou iloa o oe o se afafine o le Atua?

O FETAUI IA FAATONUGA?

Saunia e Ruth Silver

O se malaga tietie uila na faatalitonuina ai au i le manaomia ona siaki e le aunoa o le faafanua a le Alii o le auala i le olaga.

O ni nai tausaga ua mavae, sa ou alu ai i se malaga tietie uila i Farani faatasi ma lou uso, uso-faaletulafono, ma lana tama teine. I taeao taitasi sa tuuina mai ai ia i matou ni itulau se tolu o faatonuga auiliili lea, afai e mulimuli tonu lava i ai, o le a taitai atu ai i matou i lo matou taunuuga o le aso. Ao vili atu a matou [uila] i lalo o togalaau, e faatonu i matou e faatonuga ia matou “o i le 165 futu (50 m) i matu, ona liliu lea i le agavale ma o mo le 330 futu (100 m).” E matele lava ina tuuina mai e faatonuga ni faailoga ma igoa o auala.

I se tasi taeao sa matou vilivili atu ai i lalo o se auala manaia ae na vave ona iloina ai ua le fetau a matou faatonuga ma le teritori. O le vave ai ona leiloloa, sa tonu ai matou te toe foi i le mea mulimuli sa matou iloa sa sao le mea na matou i ai, e vaai pe mafai ona matou faavasegaina le mea [matou te] o i ai.

E sao lava, ina ua matou taunuu iina, sa matou tau ai i se faailoga laititi o le auala, sa taua i a matou faatonuga, ae matou te lei iloa atu. E lei umi ae

matou toe o loa, ma faafetaui lo matou agai i luma ma faatonuga, lea sa faapea ona fetau lelei lava.

Sa avea le aafiaga ma se faatusa lea na taliina ai sau fesili le malamalama sa i ai: Aisea, o le a toe pau ese ai se tagata ua i ai se molimau o le talalelei? Sa manino mai ia te au, a tatou ui i se afega sese (agasala) pe ua le mulimuli i poloaiga a le Atua, ona le toe fetau [foliga sao] loa lea o faatonuga (o le afioga a le Atua). O le faafanua, e pei ona sa i ai, ua le toe fetau i le teritori o loo tatou i ai. Afai tatou te leo se mamao ese, e mafai ona tatou iloa o tatou lava ua sasi ma e tatau ona tatou toe foi (salamo) pe toe tautino e ola e pei ona poloaia ai e le Atua, i le mea na tatou iloa sa tatou mulimuli sao ai i le ala.

E masani lava a le fetau ia faatonuga ma le mea o loo tatou i ai, ona tatou fesiligia lea o faatonuga. Nai lo o le toe foi i tua, tatou te tuuaia faatonuga ona teena uma ai lea. Mulimuli ane, i le lafoaia ai o le vaaiga mamao o loo tatou taunuuga, tatou te leiloloa ai, ma feseseai solo i auala e foliga

mai, i se le tumau, e matuai manaia lava ae o le a tatou le oo ai i le mea e manaomia ona tatou o i ai.

O aso uma lava tatou te maua ai le avanoa e suesue ai i tusitusiga paia. Ma o le tai ono masina, tatou te maua ai le avanoa e faalogologo i se konafesi aoao a le Ekalesia. Pe le o taimi ea nei e mafai ona siaki ai a tatou faafanua o le auala ma ia mautinoa o loo tatou i ai i le mea e tatau ona tatou i ai? I se tasi taimi, ao ou faalogologo i le konafesi, sa ou lagonaina ai e faapea, e ui i loo tatou le atoatoa e pei ona i ai, ae e mafai ona tatou iloa o loo tatou i ai i le ala sao pe afai o loo fetau lelei nei faatonuga ia i tatou.

E pei ona o le a ave atu i tatou i taunuuga o lenei olaga e ala i le mulimuli i taitaiga sao, o le suesueina o tusitusiga paia ma le faalogo i fautuaga a perofeta soifua, e mafai ai ona tatou siakia loo tatou auala ma fetuunai pe afai e tatau ai, ma iu ai ina tatou taunuu atu i loo tatou aiga selesitila. ■

O le tusitala, o le sa nofo i Colorado, ISA, sa maluu i le tausaga ua te'a.



FAAFETAI MO LAU AUAUNAGA

Taofia le igoa

O oe o se faataitaiga tonu lava o na tamaitai o e, talu mai aso o Navu, na auauna atu i le tasi ma le isi e ala i faiaoga asiasi agaalofa ma musuia.

Ou te le iloa lou suafa, po o le a lou matua, po o se isi lava mea e uiga ia te oe. Pau lava le mea ou te iloa o oe o le faiaoga asiasi o Ioana, ma ou te talisapaia ma lou loto atoa lau auaunaga maelega.

Ou te iloa e le faigofie le asiasi atu i se uso ua le toaga mai e pei o Ioana (ua suia le igoa), lau tama teine faaletulafono, aemaise lava pe afai e tau le sagisagi fiafia atu o ia. Ou te masalo sa le manao foi e te sau i le taimi muamua. Ae na faamatala mai e Ioana ia te au, ua avea oe ma se uo moni ia te ia, e te afe atu e vaai po o a mai o ia ma talia o ia i le tulaga e pei ona i ai.

I le 19 tausaga talu ona faaiipoipo Ioana i lou atalii, o le taimi muamua lenei ua ia taua ai le i ai o se faiaoga asiasi. Talu ai nei sa ia faamatala mai ai lou asiasi soo atu ia te ia ma lou magafagafa ma agalelei i taimi uma. Fai mai o ia, sa e fesoasoani atu i ni nai taimi ao mai ma sa e ofo atu foi e ave le afafine a lau tama i Tamaitai Talavou.

Mo le 10 tausaga ua mavae, sa nonofo ai o ia, lau tama tama, ma lo laua aiga i le faitau selau o maila le mamao mai ia i matou. Sa ou tatalo



ia faapea ona alolofa ma tausia i latou e isi e pei ona ou faia ai, ma sa ou aioi atu ma loimata i le Tama Faalelagi ina ia aapa atu isi ia i latou e pei o le a ou faia ai pe afai e nonofo latalata mai. Mai faamatalaga a Ioana, o oe o le tali i au tatalo.

E tusa lava pe le usitai Ioana ma lau tama tama i le Upu o le Poto ma le o atu i le lotu, ae o i latou lava o ni tagata lelei ma e alolofa i le la fanau. Mo se mafuaaga e le iloa, sa le punitia ai lau vaai i le asu o le sikaleti a Ioana. Sa e le faauigaina o ia e ala i le, pe na alu atu i le lotu. Sa e faamasani ia te ia ma iloa ai o ia o se tina agaalofa e manao i lana tama teine ia alu i le lotu ma maua se molimau. Ma ina ua faia

se taotoga o Ioana, sa e aumaia taumafataga o le afiafi e aunoa ma le mafaufau pe o ia lava na mafua ai ona oo nisi o faafitauli i lona soifua maloloina.

Ou te matuai faafetai ona o oe o se faataitaiga i le afafine o lou atalii. E mafai ona ia vaai atu ia te oe o se tasi e alofa i tagata uma, ma faia mea uma e te mafaia e faaali atu ai le popole alofa. Sa ia faamatala mai ia te au, i se tasi aso, sa lei i ai sau taavale, sa outou sava-

vali mai ai ma lau fanau laiti i le silia ma le maila i lona fale, e aumai ni kuki.

Sa e fai atu ia te ia, “Sa ou mafaufau mai lava ia te oulua ma lou tina ma sa [ou] manao e fai se mea manaia mo oulua—ona pau lava.”

Maimau pe ana mafai ona ou tau atu ia te oe lou matuai talisapaia o lou tuuto i lou valaauga o se faiaoga asiasi. O oe o se faataitaiga tonu lava o na tamaitai o e, talu mai aso o Navu, na auauna atu i le tasi ma le isi e ala i faiaoga asiasi agaalofa ma musuia. Ua e faaalua lena auaunaga ma le alofa e ala i lou asiasi atu ma le faapelepele i lau tama teine faaletulafono e le toaga i le lotu.

Faafetai. ■



Saunia e Elder
L. Tom Perry
(1922–2015)

O le Korama
a Aposetolo
e Toasefululua

O LE PERISITUA: O SE TAULA MAUSALI

O leni tusiga sa saunia e Elder L. Tom Perry, i aso e lua a o lei maliu, ina ia faasoa atu i le au perisitua arona.

O le malosiaga silisili i lou olaga o le perisitua a le Atua. Ou te talitonu o le a avea foi o se taula mautinoa mo outou alii talavou. Ae ina ia i ai lona mana i lou olaga, e tatau ona e malamalama i ai ma faaaogaina.

Uluai Aafiaga i le Perisitua

Sa ou ola ae i se siosiomaga lelei i Logan, Iuta. Sa leai ni ou popolega ao ou laitiiti e uiga i meaai po o le fale po o le aoga. Ae masalo ona o le faigofie o le olaga, sa ou manaomia ai se mea e pipii i ai o le a taula ai au.

Mo au o lena taula o le perisitua a le Atua. Sa ese se tulaga na ou i ai ao ou tuputupu ae. Sa valaaaina lou tama e avea ma epikopo ina ua tasi lou tausaga, ma sa avea o ia ma ou epikopo mo le 19 tausaga. O lana taitaiga faale-tamā ma faaleagaga sa o se fesoasoani tele lea ia te au.

Ou te manatu o le mafuaaga sili lena sa ou tulimatai atu ai i le mauaina o le Perisitua Arona i le atoaga o lou 12 tausaga. Ou te manatua le aso faapitoa sa ou lagonaina ai lima o lou tama i luga o lou ulu ao ia faauuina au. Ina ua mavae lena, sa ou siitia atu i tofi o le Perisitua Arona

ma maua ni valaauga sa ou matuai fiafia i ai.

O le tufaina o le faamanatuga sa sili ona faapitoa ia te au. E mafai ona vaaia i tagata e tautino atu i latou lava e usitai i le Alii ma tausi Ana poloaiga, a o latou aai ma feinu i faatusa o Lona tino ma le toto.

Tuputupu Ae i le Malamalama o le Perisitua

A o faagasolo pea le taimi, sa ou faauu mai le aoga maualuga, ma i le uma ai o se tausaga i le kolisi, sa valaaaina loa au i se misiona. Sa ou fiafia i ona minute uma, ma sa ou alofa i au soa. O se tasi [o au soa] na faapitoa lava ona avea ma se malosiaga ia te au. Sa tele ni mea na ou aoaoina mai ia te ia ao faataunuaina o maua tiutetauave.

Ona sa aafia le atunuu i le taua, ina ua ou foi mai mai lau misiona sa ou auai loa i le Marini a le Iunaite Setete. Ina ua uma le taua, sa ou toe foi i le kolisi, faaipoipo, ma amataina se aiga. O ni fesiitaiga faamanuiaina i le galuega na aveina atu ai au i le tele o nofoaga i le salafa o le Iunaite Setete, lea sa tele ni mea na ou aoaoina ai ao ou auauna atu i le tele o valaauga o le perisitua. Na iu ina ou tuvae i Boston, Massachusetts, lea sa ou auauna atu ai o se perisitene o le siteki. O iina sa valaaaina ai au e avea

ma se fesoasoani i le Toasefululua ma i le mavae ai o le 17 masina, [sa valaaaina loa] i le Korama a Aposetolo e Toasefululua.

O Lesona na Aoaina o se Aposetolo

O a ni mea ua ou aoaoina i le avea ai o se tasi o le Korama a le Toasefululua?

Ua ou aoaoina o loo i ai se taiala, se taula, ma se puipuiga i le perisitua.

Sa i ai lava i taimi uma le perisitua. Ao lei sau Atamu i le lalolagi, sa ia te ia le perisitua. Ao taapeape solo le fanau a Atamu faatasi ma le perisitua, sa alagatatau ai ona faatulaga le faiga na tuuina atu ai le perisitua. Na faia e le Alii lena mea e ala i le valaaaina





o Aperamo e pulefaamalumu i lona aiga o e umia le perisitua. Sa faaaauina pea lenei faatulagaga i lalo o Isako ma Iakopo, o le na suia mulimuli ane lona igoa ia Isaraelu.

I seneturi mulimuli ane, sa faapea ona oo ai le fanauga a Isaraelu i le faatagataotauaina. Na auina atu e le Alii ia Mose e laveai i latou, ae ina ua ia faia, sa faamaonia e i latou lava, latou te lei saunia o se nuu mo le Perisitua Mekisateko. O lea na tuua ai i latou ma le Perisitua Arona seia oo i le taimi o le Faaola.

E ese le malie o le mea na muai fai e le Faaola ina ua Ia amataina Lana galuega. Sa ia faatulagaina le Perisitua Mekisateko. Sa ia valaauina Aposetolo e toasefululua, ma aoao i latou i tulafono ma le faatulagaga o le perisitua. Sa ia valaauina Peteru e avea

ma Aposetolo taitai, ua faavaeina ai se faasologa o le pulega i Lana Ekalesia. I lena vaitaimi ma lenei vaitaimi, o Iesu Keriso e filifilia Lana Aposetolo taitai e pulefaamalumu i le Ekalesia, ma o le Faaola e aoao mai ia te ia i ona tiute faaleperisitua.

O lea la, o le perisitua e i ai se laina tuusao mai lo tatou Alii ma le Faaola e ala mai i le Aposetolo taitai i le isi Aposetolo ma oo atu ai i isi e umia le perisitua i le Ekalesia. Ua tuuina mai ki o le pulega i le au Aposetolo, ma afai e i ai na ki i luga o le lalolagi, o le a taitaiina i tatou e le Alii lava Ia. O lenei taitaiga faalelagi e pui puia ai i tatou ma faamautinoa mai ia i tatou, o le a le alu ese lava le Ekalesia mai le upumoni. O le a tumau pea le ogatasi aua e le o taitaiina e se tagata o le faalelagi. O loo taitaiina e le Alii.

Aoao i Aoaga Faavae o le Perisitua

O le fautuaga sili lava ou te tuu atu mo outou alii talavou o le, ia suesue i aoaga faavae o le perisitua, malamalama i le mana o loo ia te outou i le faaaogaina o tou perisitua, ma aoao i auala e mafai ona faamanuaina ai o outou olaga ma olaga o isi.

Ou te folafola atu afai o le a e aoao i aoaga faavae o le perisitua ma faataunu'u ou tiute o le perisitua, o le mautinoa lava le avea o le perisitua ma taula o le a e saogalemu ai faaleagaga ma aumai ia te oe le olioli tele. Ia avea ma se korama moni o le perisitua. Aapa atu i au uo ma aumai i latou i lau korama. Ia fatu ai se usoga i lau korama lea o le a avea ma faavae tumau mo o outou olaga. ■

Elder Ronald A. Rasband

TAITAI TALENIA,
TAITAI FAAMAONI

Saunia e Elder M. Russell Ballard

O Le Korama a Aposetolo e Toasefululua

E lei masalomia lava e Ron Rasband o le a ia auauna atu faamisiona. Na pau le fesili a le 19 tausaga sa i ai a o tatalaina lona valaauga o le misiona o *fea* o le a ia auauna atu ai.

“Na faamisiona lo’u tama i Siamani. Na faamisiona lo’u uso matua i Siamani. Na faamisiona lo’u uso faaletulafono i le lumanai i Siamani,” o lana tala lea. “Sa ou faapea o le a ou alu i Siamani.”

Ae sa i ai isi fuafuaga a le Alii. Nai lo lona, na valaauina Ron i le Misiona a Setete i Sasae, na faamautu i le Aai o Niu Ioka, ISA. O le le fiafia, na ave ai lona valaauga i lona potu, tootuli i autafa o lona moega, fai se tatalo, ma soona susue lava ana tusitusiga paia, ma amata ona faitau:

“Faauta, ma tagai ua ia te au ni tagata e toatele i le nofoaga lenei, i itulagi faataamilo ai; ma o le a tatalaina se faitotoa aoga i itulagi faataamilo i le *laueleele lenei i sasae*.

“O lea, na tuu atu ai e Au o le Alii oulua ia oulua o mai i le nofoaga lenei; ona ua faapea ona tatau ai ia te au mo le faaolagata o agaga” (MF&F 100:3–4; faaopoopo le faamamafa).

O le taimi lava lona, na faamautu atu ai e le Agaga Paia ia Ron o lona valaauga i le Misiona a Setete i Sasae sa le o se mea sese.


“Sa ou aluese mai le faanoanoa i le mauaina o lou uunaiga faatusitusiga paia muamua mai le tele e faapea o le nofoaga lea e finagalo le Alii ou te alu i ai,” o lana tala lea. “Sa



avea lona ma se aafiaga faaleagaga e sili ona taua mo au.”

O lana misiona i Setete i Sasae sa avea ma vaega muamua o le tele o valaauga o le Ekalesia o le a aveina o ia i nofoaga na lei mafaufauina lava e alu i ai. Ma o valaauga taitasi—o se faiaoga, epikopo, fautua maualuga, peresitene o le misiona, Fitugafulu, Peresitene Sinia o Fitugafulu, ma Aposetolo a le Alii o Iesu Keriso—ua taliaina ai e Elder Ronald A. Rasband le finagalo o le Alii, ma faaauau pea ona faalagolago i Lona Agaga a o ia auauna atu i fanau a le Atua.

Luga i le taumatau: Elder Ronald A. Rasband o se peresitene o le misiona i le Aai o Niu Ioka i le 1998. Taumatau mamao: O Elder Rasband ma lona tuafafine, o Nancy Schindler; tina; ma uso, o Russell ma Neil. Taumatau: Faatasi ai ma ona matua a o avea ma se tamaitiiti e fitu tausaga.



Na fanau mai i ni Matua Lelei

I lana lauga muamua o se Aposetolo a Iesu Keriso, na faaalua ai e Elder Rasband le agaga faafetai loloto mo ona tuua. “Sa ou fanau mai i ni matua lelei i le talalelei,” na ia fai mai ai, “ma faapea foi i laua i ni matua lelei e oo atu i tua i le ono o augatupulaga.”¹

O lona tina, o Verda Anderson Rasband, o se taitai alofa o le sa faafaileleina le fiafia o le tama talavou o Ron i tusitusiga paia. O lona tama, o Rulon Hawkins Rasband, o se perisitua faamaoni o le sa faaitaitaia ia uiga mama o le galue malosi.

Na soifua mai i le aso 6 o Fepuari, 1951, i le Aai o Sate Leki, Iuta, ISA, o Ronald A. (Anderson) Rasband sa na o le pau lea o le tama o le mafutaga a ona matua. Na faaiipoipo ma tatalaina le la faaiipoipoga, ma sa ola ae Ron i lalo o le tausiga faaopoopo a ona uso matutua e toalua ma se tuafafine matua.

“O ia o se tuufaatasiga a o matou matua, o lea sa matou alolofa uma ia te ia,” o le tala lea a lona tuafafine, o Nancy Schindler. “E lei faatagaina e Ron Tina ma Tama e tu le tasi i autafa o le isi



pe nonofo faatasi e aunoa ma ia i le oga-totounu o i laua.”

O Ron sa avea lava ma se tama lelei, peitai sa ia tautino mai sa i ai sona itu ulavale.

“Na sili atu nai loo ni nai taimi, na o ou faiaoga [Peraimeri] i lou tina, le peresitene o le Peraimeri a le siteki, ma fai i ai, ‘O Ronnie Rasband o se tamaitiiti laitiiti faigata,’” o lana

tala lea. “Ae latou te lei fiu ia te au. Sa latou faaali mai ia te au le alofa tele ma valaaulia au e foi atu i le vasega.”²

O le olaga faatamaitiiti o Ron sa faaogatonu i le Ekalesia—fonotaga a le uarota, pati a le uarota, taumafataga i le afiafi a le uarota, ma autaaalo a le uarota. A le pisi o ia i le falelotu o le Uarota Muamua a Cottonwood, o loo ia faigaluega i ni galuega e le masani ai, faia ni gaoioiga a le Sikauti, ma le faaaluina o taimi ma uo. I le fale, e taulai atu le taimi o le aiga i tusitusiga paia, taaloga, ma feau.

“Na aoao au e lo’u tama e uiga i le galue e ala i lana faaitaitaiga,” o lana tala lea. “Na aoao au e lo’u tina e uiga i le galue i le tuu o au e fai.”

Na aveina e le tama o Ron se loli e tilivaina falaoa, e ala i luga i aso uma i le 4 i le vaveao ma toe foi mai i le fale i le leva o le po i po taitasi. Sa nofo lona tina i le fale e tautino le fanau, ma faaopoopo i tupe maua a le aiga i le gaosia ma le faatauina atu o pepe leise meataalo.

O le tomai faanatura a Ron e taitai, faamatuu atu, ma faataunuu mea—lea o le a aoga lelei mo ia i ona tiutetauave



faalegaluega ma faale-ekalesia—na faamaonia le aoga mai na muai taimi.

“Sa tofia Ron e moaina le vao,” na manatua e lona tuafafine. Ae o Ron, e pei o Tom Sawyer a Mark Twain, sa i ai se auala o le faatosinaina o ana uo e fesoasoani.

“Ou te vaai atu i fafo, ma o loo i ai iina lana uo mamae, o loo moaina le vao mo ia,” o le tala lea a Nancy. “O le vaiaso na sosoo ai o le isi o ana uo o loo moaina. Sa na o lona nofo i luma o le poletito ma talie ma talasua faatasi ma i latou a o latou faia ana feau.”

Sa tauivi matua o Ron i tulaga tautupe, ae sa i ai i le aiga le talalelei. “E le’i tele lava ni a matou tupe,” o le tala lea a Ron, “ae e le’i aafia ai lava lo’u fiafia.”

Uo ma Taitai Faatuatua

O le tuputupu ae, sa faamanuiaina Ron i ni uo lelei ma ni taitai perisitua faatuatua, e aofia ai lona perisitene o le siteki ao laititi mo le 14 tausaga—o James E. Faust (1920–2007), o le na auauna mulimuli ane i le Korama a Aposetolo e Toasefululua ma i le Au Perisitene Sili. Na fiafia le aiga o Ron i se sootaga vavalalata ma Perisitene Faust ma lona aiga. “Sa ia faatatau lava ia te au o se tasi o ana fanau tama Cottonwood aua sa ia fesoasoani e faafaiileina au,” o lana tala lea.

Sa lei i ai se taimi o Ron mo taaloga a le aoga aua o le taimi lava sa ia oo ai i le aoga maualuga sa i ai lava sana galuega, ae sa ia faaavanoa lava le taimi mo ni faigauo faamaoni lea sa i ai pea i le olaga atoa.

“Na ou faamemelo lava ia Ron i taimi uma mo lona ituaiga tagata, ae sa lei atoatoa o ia,” o le tala lea o le uo o le olaga faatamaititi o Kraig McCleary. Faatasi ai ma se ataata, sa ia faaopoopo mai, “sa ou fai atu ia te ia afai e te oo i le lagi, o le a ou oo atu foi iina aua na tutusa lava mea sa ta faia ao tuputupu ae.”

Na alu ese atu Ron mo lana misiona i le amataga o le 1970, ae sa mafaufau Kraig e tolopoina le galuega faafaifeautalai seia mavae lena vaitau o le tautoulu o le tutuli manu. O le taimi lena sa valaau mai ai Ron mai lana misiona.

“Ou te le iloa pe faapefea ona ia maua se faatagaga e valaau mai ai, ae sa ia aoaiina au i le le fiafia e uiga i le alu sa’o atu i la’u misiona,” o le tala lea a Brother McCleary. “O le mea moni, ou te lei tolopoina.”

Sa taua e Ron lana misiona o se aafiaga “matagofie”. “Sa faamanuiaina au e le Alii i le tele o aafiaga faavavega, siitia ai le faatuatua,” o lana tala lea. “O la’u misiona, sa tele se aafiaga mo lo’u olaga faaleagaga.”

Na faaaluina e Ron se vaega o lana misiona i atumotu o Bermuda. O lana perisitene o le misiona, o Harold Nephi Wilkinson, e auina atu na o “faifeautalai e usiusitai atoatoa” iina aua e na o ni nai taimi lava na te asiati atu ai ia i latou.

Mai le amataga o le la faaipogaga, e faamuamua e Elder ma Sister Rasband le Alii. Na faaipogaga i le aso 4 o Setema, 1973 (lalo), na iu lava ina faamanuiaina i laua i ni afafine se toafa ma se atalii (luga). Itulau faafeagai: O Jon Huntsman le matua, o se paaga faapisinisi ma se faufautua a Elder Rasband, na te valaauina Elder Rasband o se “taitai talenia o le malosi faamaoni.”



“Sa tuua lava na o i matou, ae sa lei popole le peresitene ia i matou,” na manatua e Ron. “Sa matou faataunuuina le galuega.”

O Le “Tamaitai e Moemiti i ai” o Delta Phi

Ina ua maea lana misiona i le 1972, na maua e Ron se galuega, lesitala i le Iunivesite o Iuta i lona tautoulu, ma auai i le Delta Phi Kappa, o se kalapu a le kolisi mo faifeautalatai ua maea misiona. I gaoioiga faafiafia a le kalapu, sa ilogofie ai ona ia vaaia se tamaitai talavou lalelei e igoa ia Melanie Twitchell. O Melanie o se tasi o “tamaitai e moemiti i ai,” na filifilia a le Delta Phi o le sa fesoasoani i gaoioiga auauna atu a le kalapu.

E pei o Ron, sa sau Melanie mai se aiga malosi o le Au Paia o Aso e Gata Ai. O lona tama, o se taitai militeli, ma e le faatagaina e lona tina le fesiitai soo o le aiga e avea ma alofaga mo le le auai i le lotu.

Sa faagaetia Melanie i le agalelei, faaaloalo, ma le malamalama o Ron i le talalelei. “Sa ou fai ifo ia te au lava, ‘O ia o se tagata ofoofogia ma e le afaina pe ou te le tafao faamasani lava ma ia. Sa na o lou manao lava e avea ma ana uo mamae.’”

A o tuputupu ae le la mafutaga, sa faamautu atu e le Agaga ona lagona e uiga ia Ron ma lona tautinoga i le Alii. E lei umi ae oo atu le la faigauo i se mea na taua e Melanie o se “mafutaga e pei o mafutaga i totonu o tusi.”

Fai mai Elder Rasband o ia o se soa moni lava mo ia. “O Melanie sa tutusa lava o ia ma au i le tuuto atu i le talalelei ma le talatuu. Sa avea i maua ma uo mamae, ma o le taimi lena sa ou fai atu ai ia te ia ma te faaiipoipo.”

Sa la faaiipoipo i le aso 4 Setema, 1973 i le Malumalu o Sate Leki. Talu mai lena taimi, na ia fai mai, na fesoasoani lana “soa lē manatu faapito e faavavau e mamaniina au e pei o le omea i totonu o se soo ua sili ona faaleleia a Iesu Keriso. O lona alofa ma le lagolago, faapea le ma fanau e toa 5, o latou taitoalua ma fanau a fanau e 24, ua lagolago ina ai a’u.”³

“Tatou O”

A o auauna atu o se peresitene o le korama a toaina o lana uarota a tamaiti aoga ua faaiipoipo, na masani Ron ia Jon Huntsman le matua, o le faufautua a fautua maualuga a le uarota. Sa vave faagaetia Jon i le auala na faagaoioia ai e Ron le korama.

“Na i ai ni ona tomaitai faaletaitai ma faafaalapotopotoga maoae,” o le tala lea a Elder Huntsman, o le sa auauna atu o se Fitugafulu Eria mai le 1996 i le 2011. “Sa ou faapea o se mea uiga ese i se alii talavou o loo i ai pea i le kolisi ona mafai ona faafoeina se korama i sea ituaiga auala.”

Mo le tele o masina, sa vaavaai ai Jon ia Ron o faaliliuina manatu i faatinoga ao ia faamaeaina ona tiute faaperisitua. Ina ua i ai se avanoa sinia tau maketi i le kamupani a Jon—lea o le a avea ma Faalapotopotoga Vailaau a Huntsman—sa faia lana faaiuga o loo ia Ron ni tomaitai sa ia manaomia ma sa ofaina atu ia te ia le galuega. Sa amata le galuega i le vaiaso na sosoo ai i Ohaio, ISA.

“Sa ou ta’u atu ia Melanie, ‘Ou te le aluese mai le aoga ma siitia atu,’” o le tala lea a Ron. “Na ou galue i lo’u olaga atoa e faauu mai le kolisi, ma ua ou latalata lava i lau sini.”

Sa faamanatu atu e Melanie ia Ron o le mauaina o se galuega lelei o le mafuaaga lea o lona i ai i le aoga.

“O le a se mea o loo e popole i ai?” na ia fesili ai. “Ou te iloa tapena ma siitia atu. Sa ou faia i lo’u olaga atoa. O le a ou tuu atu ia te oe e valaau atu i lou tina i po uma. Ta o.”

Sa mautu le talitonuga o Jon ia Ron. I lalo o le vaaiga a Jon, sa vave lava ona alualu i luma Ron i le kamupani tuputupu ae, sa avea ma peresitene ma pule sili i le 1986. Sa mamao mea sa ia malaga ai mo le kamupani—i totonu lava o le atunuu ma faavaomalo. E ui i le pisi o ona taimi faatulagaina, sa taumafai lava Ron ia i ai i le fale i faaiuga o vaiaso. Ma pe a ia malaga, e na te alu ma ave i nisi taimi tagata o lona aiga.

“Pe a i ai o ia i le fale, e na te faia ia lagona e le fanau lo latou faapitoa ma le alofaga,” o le tala lea a Melanie. Na te auai i a latou gaoioiga ma taaloga i soo se taimi e mafai ai. O Jenessa MacPherson, o se tasi o afafine e toafa a le ulugalii, na fai mai o tiute faale-ekalesia a lona tama i Aso Sa e masani ona taofia mai o ia mai le nonofo faatasi ma le aiga i le taimi o sauniga Lotu.





“Matou te tau po o ai e nofo i ona autafa i le lotu aua o se mea e seasea ona tupu le i ai o ia iina,” o lana tala lea. “Ou te manatua le tuuina o lo’u lima i lona lima ma mafaufau ia te au lava ia, ‘Ana mafai ona ou aoao ia pei o ia, o le a ou i ai i le ala sao ma o le a avea atili faapei o le Faaola.’ O ia lava o lo’u toa manumanu.”

E manatua e le atalii a le ulugalii, o Christian, ia ni manatua faamama’i o le “taimi o le tama ma le atalii.” E lei tumau ni faigauo ma uo ona o le fesiitai soo o le aiga, na ia fai mai ai, “ae sa avea lava lo’u tama ma a’u uo sili i taimi uma”—e ui o se tasi e fia tauva.

Pe o le togiina o se pasiketipolo faatasi ai ma Christian, taaalo i se taaloga togi le laupapa faatasi ai ma ona afafine, po o le fagogota ma aiga ma uo, e fiala lava Ron e manumalo ai.

“A o matou tuputupu ae, e na te le *tuuina* se tasi e manumalo,” o le tala lea a Christian. “E tatau ona matou galulue i ai, ae na faaleleia atili ai i matou. Ma na faaauau pea lea aga masani ma fanau pele a ana fanau.”

I le tele o tausaga, na mafai e le aiga o Ron ona iloaina le ala na faalatele ai e le galue i tofiga faaletaitai a le Ekalesia lona gafatia e faaalua le alofa ma le agaalofa, faaalua lagona o le Agaga, ma uunaia isi e faia le mea sili latou te mafaia. Ina ua mavae le fanau mai o le atalii o le fanau a Ron ma Melanie o Paxton, na faalagolago tele le aiga o Ron i le malosi ma le lagolago faaleagaga a Ron.

O Paxton, na fanau mai ma se faaletonu, sa mafatia i le tele o faafitauli o le soifua

maloloina lea sa tofotofoina ai le aiga faaletino, faalelagona, ma le faaleagaga. Na taua e Elder Rasband le malaga lea na sosoo ai ma le fanau mai o Paxton “o se tofotofoga faigata mo le aoaoina o lesone faapitoa e faatatau i le faavavau.”⁴

I le taimi o le olaga puupuu e tolu tausaga o Paxton i le lalolagi—ina ua tele ni fesili ma laiti ni tali—sa tu Elder Rasband e avea ma se poutu faaleagaga, o le taitaia o lona aiga i le faaaogaina o le mana o le Togiola a Iesu Keriso.

Faatasi ai ma le faasilasilaga o lona valaauga fou, e lei tetei le toatele o tagata o le aiga ma uo. “O i latou o e sili ona silafia o ia,” o le tala lea a Christian, “na maualuga le siiina o o latou lima ina ua lagolagoina o ia o se Aposetolo.”

“O Le a Ou Alu e Auauna Atu”

I le 1996, i le 45 o tausaga, sa i ai Ron i le ogatotonu o se galuega faamanuiaina i le taimi na oo mai ai le valaauga e auauna atu o se peresitene o le misiona i le Misiona a Niu Ioka Niu Ioka i Matu. E pei o le au Aposetolo anamua, sa ia “tuua loa lea o [lana] upega” (Mataio 4:20).

“O le taliaina o le valaauga sa na o se sekone na alu ai,” o le tala lea a Elder Rasband. Sa ia fai atu i le Alii, “Afai e te



Tauagavale pito i luga: O Elder ma Sister Rasband ma tagata o le Ekalesia i New Delhi, Initia, ia Novema 2015. Luga: O Elder ma Sister Rasband i le taimi o lana auaunaga o se peresitene o le misiona i le Aai o Niu Ioka, 1996–99; faatasi ai ma le atalii a le la tama o Paxton, o le sa fesoasoani i le aiga ia iloa “lesone faapitoa e faatatau i le faavavau”; ma i le sauniga o le maatulimanu o le Malumalu o Sacramento Kalefonia.

finagalo ou te alu e auauna atu, o le a ou alu e auauna atu.”

Sa alu Ron ma ave se lesona na ia aoaoina ma lona aafiaga faalegaluega: “E sili atu le taua o tagata nai lo se isi lava mea.”⁵ Faatasi ai ma lena malamalama ma ona tomai faaletaitai ua faaleleia, ua ia sauni e amata se auaunaga faamisiona i le malo o le Alii.

Na manatu Ron ma Melanie o le galuega faafaifeautalai i le Aai o Niu Ioka e faigata ma fiafia. Sa vave ona faamatuu atu e Ron tiutetauave i faifeautalai—uunaiaina o lo latou faamaoni, ma aoao atu, fausiaina, ma siitia i latou i le faagasologa.

I le 2000, i se taimi puupuu e valu masina talu ona maea le misiona a Ron ma Melanie, sa valaauina ai Ron e avea ma Fitugafulu, lea na faamanuia ai e lana sauniuniga, tomai, ma le tele o taleni le Ekalesia. I le avea ai ma se tasi o Fitugafulu, sa ia auauna atu o se fesoasoani i le au Peresitene o le Eria i Europa Tutotonu, fesoasoani i le vaaiga o le galuega i atunuu e 39. E ui ina sa ia tuua le kolisi i le silia ma le 40 tausaga talu ai, ae sa ia tumau ai pea o se tagata aoga faamaoni, faafeiloaia faiaoga mai le Usoga matutua ao ia vaaia ia Eria o Amerika Matu i Sisifo, Matusisifo, ma Eria e tolu o Iuta; sa auauna atu o se Faatonu Sili o le Matagaluega o Malumalu; ma sa auauna atu i le Au Peresitene o Fitugafulu, galulue vavalalata ma le Toasefululua.

Talu ai nei, na matauina e Elder Rasband, “O se faamamaluga tele ma se faamanuiaga mo au le avea ma se aupito itiiti i totonu o le Toasefululua ma aoao mai ia i latou i soo se auala, ma i soo se tulaga.”⁶

“O Mea Ua Latou Silafia, Ua Ou Iloa”

E lua ni ata o loo teuteuina ai le puipui o le ofisa o Elder Rasband. O le tasi o ni faifeautalai Mamona o loo aoaoina atu se aiga i Tenimaka i le vaitau o le 1850. O le lona lua o le uluai faifeautalai o Dan Jones o loo tala’i ao tu i luga o se vaieli i le Motu o Peretania. O ata (i luga taumatau) o loo faamanatu atu ia Elder Rasband ia ona lava tuua.

“O nei paionia anamua na tuuina atu a latou mea uma i le talalelei a Iesu Keriso ma tuua se talatuu mo a latou fanau e mulimuli ai,” na ia molimau mai ai.⁷ O le mea na tuleia tuua a Elder Rasband i luma i le lotolotoi o faigata ma sauaga o le mea aupito sili ona faagavaa ai o ia mo lona valaauga fou: o se malamalama ma se molimau mautinoa i le Alii ma Lana galuega.



“E tele naua mea ou te aoao ai i lo’u valaauga fou,” na ia fai mai ai. “Ou te lagona le lotomauualalo tele e uiga i lena mea. Ae o loo i ai se vaega e tasi o lo’u valaauga e mafai ona ou faia. E mafai ona ou molimau atu ‘i le suafa o Keriso i le lalolagi ato’ (MF&F 107:23). O loo soifua o Ia!”⁸

I le avea ai ma se tasi e tupuga mai paionia, na ia faapoopo mai: “O mea sa latou lagonaina, ua ou lagonaina. O mea na latou silafia, ua ou iloina.”⁹

Ma o mea latou te faamoemoe i ai ia latou fanau, ua faaitaitaia i le olaga, aoaoga, ma le auaunaga a Elder Ronald A. Rasband, o le o loo mulimuli i a latou faaitaitaiga ma faamaluina a latou measina a o ia agai atu i luma o se tasi o molimau faapitoa a le Alii. ■

FAAMATALAGA

1. Ronald A. Rasband, “Ou te Tu ma Ofo,” *Liahona*, Nov. 2015, 89.
2. Ronald A. Rasband, “Friend to Friend: Golden Nuggets,” *Friend*, Oct. 2002, 8.
3. Ronald A. Rasband, “Ou Te Tu ma Ofo,” 89.
4. Ronald A. Rasband, “O Lesona Faapitoa,” *Liahona*, Me 2012, 80.
5. Ronald A. Rasband, press conference, Oct. 3, 2015.
6. Ronald A. Rasband, molimau, faigalotu a le Matagaluega o le Perisitua ma le Aiga, 1 Tes., 2015.
7. Ronald A. Rasband, “Ou Te Tu ma Ofo,” 89.
8. Ronald A. Rasband, molimau.
9. Ronald A. Rasband, lauga o le Aso o Paionia, Tapeneko, Aai o Sate Leki, 24 Iulai, 2007.

Ona sa ou le toaga i le lotu i tausaga ua mavae, o lea sa le talitonu ai se tagata o le ekalesia na iloina au i lena vaitau na valaauina au e aveva ma se epikopo.

Saunia e Patrick J. Cronin III

I le taimi o se fonotaga a komiti taitai perisitua, na lipoti mai ai e a matou faifeautalai faamisiona se tagata sa lei i ai ona pepa faamaumau i le matou uarota. Sa vave ona ou iloina le igoa ma taua ai sa ma i ai faatasi ma ia i le uarota e tasi i ni tausaga se tele ua mavae.

Sa fai mai se tasi o faifeautalai, “Toe, epikopo, sa ia taua lena mea ma sa foliga mai sa faateia ona ua aveva oe ma epikopo.”

Sa ou fesili atu ia i laua, “O le a lana tala?”

Sa la fai mai, sa vaaia lona matuai tei ma faapea mai, “O *Ia* o le epikopo?”

Sa ou ata ma faamatala atu sa iloa au e lenei tuafafine o se tagata ese lava i le 30 o tausaga ua mavae.

Ao ou toe mafaufau i lenei mea na tupu i se taimi muli-muli ane, sa ou mafaufau i le tele o suiga na i ai lou olaga i le aluga o le 30 ma ona tupu o tausaga lea na aveva ai i matou ma lou aiga o ni tagata o le ekalesia. Sa ou iloa le toatele o tagata o le matou uarota mo le 20 tausaga ma auauna atu o se peresitene o le paranesi ma se epikopo, ae na leai se tasi o nei tagata o le au paia na iloina au i le 30 tausaga ua mavae. E ui lava sa i ai taimi na ou faasoa atu ai ni mea na tutupu i lou olaga ua tuanai e aoao atu ai e uiga i le salamo ma le Togiola a Iesu Keriso, ae e le iloa e le toatele o le uarota le maoae o le malaga na i ai lou olaga i le Ekalesia.

Sa faailoa mai le Ekalesia ia i matou ma lou aiga ia Me 1979, ma sa vave ona ou iloa o le mea lenei na tatau ona

matou i ai. Sa matou papatiso ia Iuni, ma o le taimi muamua sa matou toaaga uma, ae sa lei umi ae ou le toe alu [i le lotu] ma toe foi i amioga tuai. Sa lei i ai moni lava ni ou masalosologa e uiga i le moni o le talalelei ma le Toe-fuataiga, ae ou te lei manatu sa ia te au mea na manaomia e aveva ai ma se tagata lelei o le Ekalesia.

I le 1982, ona o le faaauau pea o lou faatautala i le ava malosi, na talosaga ai lou toalua, o le sa lei toilalo lava lona faatuatua, e tatala le ma faaipoipoga. O le taimi lena sa nonofo ai lo matou aiga i Okalahoma, ISA, ae sa ou toe foi atu i Ilinoi, ISA, lea sa ou ola ae ai. Sa ou oo i le tulaga lea sa toetoe lava a leiloa ai le mea e tasi na taua moni ia te au: o lou aiga.

Sa amata ona ou tulivae i le tatalo i le taeao ma le afiafi i se Atua o le sa ou le toe mautinoa pe na i ai, ma afai sa i ai o *Ia*, sa ou faapea ua leva ona ia faagaloina au. Ae ui i lea, mo le tolu masina sa ou tatalo ai ma le faamaoni. I se tasi taeao po, a o ou tuuto atu i le tatalo, sa oo mai i ou luga se lagona maoae o le matuu atu [o se avega], ma na ou iloina ai o loo soifua le Atua, ma sa *Ia* silafia au, ma e alofa o *Ia* ia te au. Sa ou iloa ai foi o le a ou lē toe pai lava i se isi mataua o le ava malosi.

I lena lava afiafi na ou maua ai se valaau mai lou toalua e faailoa mai o le a ia lafoina mai ia te au pepa o le tatalaga o le faaipoipoga e saina. I le taimi o lena talanoaga na faafuasei lava ona ia fai mai, “Ua i ai se mea ua matuai ese lava e uiga ia te oe. Ou te le talitonu o le a e

Ia O LE EPIKOPO?



toe inu, ma o le a ou saeia ia pepa nei.” Sa ma toe faatasia, ma o le lua tausaga mulimuli ane, sa ia fanauina ai le ma atalii lona tolu.

Atonu e manatu se tasi o le a ou toe foi i le toaga atoatoa i le Ekalesia, ae o au o se tagata faigata. Sa ou toe foi atu mo se taimi ma sa faapea foi ona maua se valaauga o se faiaoga i le korama a toeaina. Ae sa lei umi ae amata ona ou lagona le le agavaa e aoao atu ma toe oo ai ina [ou le] toe toaga.

I le 1991 sa matou siitia atu ai i se paranesi laititi. O ni nai masina a o lei oo i le aso fanau lona valu o le ma atalii laititi, sa fesili ai lou toalua, o le peresitene o le Peraimeri, ia te ia po o ai e manao e faia lona papatisoga. Ioe sa manao i lona tama e faia le sauniga. Sa fai atu lou toalua ia te ia, atonu o le a le tupu lena mea. Na te lei taliaina lena tali, ma amata loa le galuega o le faatoagaina mai o lona tama. Sa fai lava si ona faalealofa, ma e lei leva ae avea au ma le taitai Sikauti, ma mulimuli ane na ou papatisoina ma faamauina ai lou atalii.

O masina e valu na sosoo ma lou toaga mai, sa tele ni mea na tutupu ai. Sa

faamauina i matou o se aiga i le Malumalu o Chicago

Ilinoi, ma sa toe valaauina au e avea ma se faiaoga i le korama a le au toeaina, ae o le taimi la lenei e lei togia lau solo. Ona valaauina lea o au o se fesoasoani i le au peresitene o le paranesi, ma e lima masina mulimuli ane ae valaauina au e avea ma peresitene o le paranesi. Pe tusa o se masina talu ona valaauina au, ou te manatua sa ou mafau, “o *au* o le peresitene o le paranesi?”

Sa ou fai atu i le toatele o le Au Paia sa tauivi i le aluga o tausaga, afai e mafai ona ou alualu i luma i totonu o le talalelei, e mafai foi e soo se tasi. E tau lava o le malamalama i le mana moni o le Faaola ma Lana Togiola ma fai mea e manaomia e o mai ai ia te Ia.

O le a faavavau pea ona ou faafetai i lou toalua ma lau fanau ma i faiaoga uma faamaoni o aiga, taitai o korama, epikopo, ma isi Au Paia faamaoni o e na faia se faataitaiga matagofie mo au. O se faamanuiaga le auauna ai i le Alii ma le Au Paia i nei tausaga e 20 tausaga ua mavae. Ua faamanuiaina lou olaga e sili atu nai lo soo se mea lava e mafai ona ou mafauina. ■

E alala le tusitala i Iuta, ISA.

FAALILIUGA O TUSITUSIGA PAIA:

I LE **Gagana** A O TATOU **Loto**

Olenei aafiaga ua masani ai i latou o e o loo aafia ai i le faaliliuga o tusitusiga paia mai le faa-Peretania i isi gagana. E tupu faafia lava:

Sa oo atu se tagata talavou Aremania o loo uuina se kopi o le Tusi a Mamona na lei leva ona faaliliuina i lana gagana, i se tasi o le vaega sa fesoasoani i le faaliliuga: “Faafetai lava,” sa ia fai atu ai. “Ua ou faitau i le Tusi a Mamona i le faaPeretania. Ua ou faitau i le Tusi a Mamona i le faaRusia. Ua ou faitauina i le faa-Iukureini. Ae, faatoa oo mai i le taimi na ou faitauina ai i le faaAremania, sa ou le malamalama lelei i ai. Ina ua ou faitau i ai i le faaAremania, sa iu ina fetau lelei lava. Sa pei lava o le sau i le aiga.”

Sau i le Aiga

Afai o le talalelei a Iesu Keriso o le tatou aiga faaleagaga, e sao lelei lava la le lagona o le lagolelei ma le masani ai. I le aiga tatou te malolo ai. Tatou te tausia ai i tatou lava. Tatou te talanoa faatasi ma i latou tatou te alolofa i ai, i le gagana na aoaoina ai i tatou i tulivae o lo tatou tina. O le gagana lenesi a o tatou loto, ma talu ai o le loto o le mea lea e tatau ona oo atu i ai le talalelei, o lea e taua tele ai le faitauina o tusitusiga paia i le gagana a o tatou loto.

Ua faailoa mai e le Mataupu Faavae ma Feagaiga e moni lenesi mea. O iina ua faaali mai ai e le Alii e faapea, e ala mai i ki o le perisitua o loo umia e le Au Peresitene Sili, “o le a faaali mai ai le aao o le Alii i le mana, i le faatalitonuina o atunuu . . . e uiga i le talalelei o lo latou olataga.

**E TELE AAFIAGA O LOO FAAALIA AI LE AAO O LE ALII I
LE GALUEGA O LE FAALILIUGA O ANA TUSITUSIGA PAIA.**

Saunia e R. Val Johnson
Mekasini a le Ekalesia





*E sili atu ona
mamana le pai mai
o tusitusiga paia pe
a faitauina i lo tatou
lava gagana—
o le gagana a
o tatou loto.*



O le Tusi Mamona atoa na lolomiina i gagana e 89, ae o vaega na filifilia na faaliliuina i isi gagana e 21.

“Aua o le a oo mai, i lena aso, o le a faalogo ai tagata taitoatasi i le atoatoaga o le talalelei i lana lava tautala, ma i lana lava gagana, e ala mai ia te i latou ua faauuina i lenei mana, e ala i le taitaiga a le Faamafanafana, e liligi ifo i luga o i latou mo le faaaliga o Iesu Keriso” (MF&F 90:10–11).

Na faamatala e Jim Jewell, o le sa galue i le vaega o le faaliliuga o tusitusiga paia i le laumua o le Ekalesia, se tala i le patino e mafai ona lagonaina ai tusitusiga paia pe faaliliuina i le gagana o le loto:

“I le faaliliuga o le Tusi a Mamona i le faa-Sesoto [Sesotho], o le gagana tautala i le malo o Aferika o Lesoto [Lesotho], sa matou manaomia ai le maua o se tagata e fesoasoani ia i matou e iloilo le galuega a le au faaliliu. Sa faailoa mai e le supavaisa o le galuega faatino, o Larry Foley, se tagata o le Ekalesia mai Lesoto o se tagata sa faauu mai i le Iunivesite o le Setete o Iuta. I Lesoto, o aoga e faia i le gagana Peretania, o lenei la tamaitai ma lana fanau sa aooga i le faaPeretania mai lava i le vasega muamua e oo i luga, ae sa latou talanoa lava i le fale i le faa-Sesoto.

“Sa malie o ia e galue i le faaliliuga. O lana iloiloa o mataupu na matou auina atu ia te ia sa aoga moni lava. Sa masani ona matou auina atu ni fesili maoti e faatatau i le vaogagana ma le faatulagaga o le gagana, ma sa ia tuuina mai ni manatu faaaliga aoga. Ae peitai, sa matou matauina sa ia valivaliina i le lanusamasama le tele o fuaiupu sa le faatatau i a matou fesili. Ina ua matou fesiligia o ia e uiga i fuaiupu sa valivaliina, sa ia fai

mai: ‘Oi, o fuaiupu na sa matuai ootia ai lou loto, ia sa ou le malamalama atoatoa i ai i le faa-Peretania. Sa ou valivaliina ina ia mafai ona ou faasoa atu i lau fanau.’”

O Se Faataitaiga mo le Faaliliuga o Tusitusiga Paia

O le faaliliuga o le Tusi Paia e i ai se talaaga umi ma le matagofie, e amata mai i le faaliliuga o vaega o le Feagaiga Tuai mai le Eperu i le

faa-Eleni. Mulimuli ane, na faaliliuina ai le Tusi Paia mai le faa-Eleni i le faa-Latina, ma mai le faa-Latina, faa-Eperu, ma faa-Eleni i se anoanoai o isi gagana.¹ O se taunuuga la, e le faaliliuina ai e Le Ekalesia a Iesu Keriso o le Au Paia o Aso e Gata Ai le Tusi Paia i ni gagana eseese ae faaoga lomiga ua uma ona taliaina ua moni e le au Kerisiano e tautatala i na gagana.²

O le mea lea, o le tele o le galuega faaliliu o tusitusiga paia e faia e

“AUA O LE A OO MAI . . . O LE A FAALOGO AI TAGATA TAITOATASI I LE ATOATOAGA O LE TALALELEI I LANA LAVA TAUTALA, MA I LANA LAVA GAGANA, E ALA MAI IA TE I LATOU UA FAAUINA I LENEI MANA” (MF&F 90:11).



O LE FAAGASOLOGA O LE FAALILIUGA O TUSITUSIGA PAIA



1

Faamaoniga e Faaliliu

- O le faaliliuga o Tusitusiga Paia e talosagaina e le Au Peresitene o le Eria pe a o faatupulaia le aofai o tagata o le Ekalesia e tautatala i le gagana, ma pe a ua faaliliuina i le gagana ia mea atu e faaoga a le Ekalesia.
- E iloiloaina le talosaga e nisi o komiti i le laumua o le Ekalesia, e aofia ai sui o le Korama a Aposetolo e Toasefululua ma le Au Peresitene Sili.

Vaega o le Faaliliuga

Vaega tomua:

- Ua filifilia se faaliliuga ua i ai o le Tusi Paia mo le faaogaina e le Ekalesia.
- E muamua faaliliu mea atu e faaoga: *O Mataupu Autu o le Talalelei* (e aofia ai aooga faavae atu, faapea foi ma le igoa o le Ekalesia, o tatalo o le faamanatuga, o le tatalo o le papatisoga, ma Mataupu Faavae o le Faatuatua), o le tamaitusi *O Le Molimau a le Perofeta o Iosefa Samita*, ma se itulau o le uepi i le LDS.org.
- E mafai foi ona faaliliuina saunoaga o konafesi aoa o le gagana.

Vaega 1:

- Tusi a Mamona, Mataupu Faavae ma Feagaiga, ma le Penina Tau Tele (pe tusa o galuega o le 10 tausaga).
- O tusitusiga faavae e pei “O Le Aiga: O Se Folafolaga i le Lalolagi,” “O Le Keriso Soifua: O Le Molimau a le Au Aposetolo,” viiga filifilia, ma le *Talai Lau Talalelei*.

2

le Ekalesia, o le Tusi a Mamona (o le [tusitusiga paia] muamua ua faaliliuina), o le Mataupu Faavae ma Feagaiga, ma le Penina Tau Tele. O le gagana ua faaliliuina mai ai nei tusi o le faa-Peretania, o le gagana na faaalii mai ai i latou e le Perofeta o Iosefa Samita, o le gagana a lona loto. O le faagasologa e faaogaina e faaliliu ai tusitusiga paia i gagana e le faa-Peretania, e tatau ona masani i ai tagata aooga o le talafaasolopito o le Ekalesia. E tai pei lava o le faagasologa e tasi lea sa faaoga e le Perofeta e faaliliu ai le Tusi a Mamona i le faa-Peretania.

O Iosefa Samita sa o se tamaititi faifaatoaga faatauvaa, sa lei tele sona aotauina. Ae sa ia te ia ni uiga auaumama ma le gafatia na manaomia e le Alii mo le galuega lea sa manaomia ona fai. E moni lava, sa saunia Iosefa ma lona aiga ma faatulaga e faia lenei lava galuega.³

Sa tuuina atu foi ia Iosefa le fesoasoani—i le lagi ma le olaga nei—i le faaliliuga o faamaumauga o sa Nifae. Sa asiasi mai le agelu o Moronae ia Iosefa i tausaga taitasi mo tausaga e fa ao lei faatagaina o ia e aumai faamaumauga. Tatou te le iloa mea uma na aoaoina ai e Moronae le Perofeta, ae o ana asiasiga e foliga mai sa saunia ai o ia faaleagaga ma faalemafaufau mo le galuega i luma atu.⁴

Na muai saunia foi e le Alii ia “faaliliu upu” o se auala e faaliliu ai se gagana ua leiloa. Na faamatalaina o ni maa manino e lua na fusua i ni augutu uamea, o nei [maa] ma se meafaigaluega faapena na taua o se maa vaai, sa fesoasoani i le perofeta e faaliliu

ai le faamaumauga sa Nifae i le faa-Peretania. Sa lei faamatalaina auiliili mai e le Perofeta le faagasologa; sa na ona ia molimau mai e faapea, sa ia faaliliuina le Tusi a Mamona e ala “i le meaalofo ma le mana o le Atua.”⁵

E faaopoopo atu i le fesoasoani faalelagi sa tuuina mai ia te ia, sa maua foi e Iosefa le fesoasoani faaletino i le tulaga o tusiupu o e na gaosia kopi tusitusia lea na iu ina faatulaga e isi le taina, lolomiina, tologiina, ma le tufatufaina atu i le lalolagi.

E pei o tapenapenaga ma le fesoasoani na maua e Iosefa i lana galuega faaliliu, o i latou ua faasafuaina atu i ai le galuega o le faaliliuga o tusitusiga paia i aso nei ua sauniaina e le Alii ma tuuina i ai le fesoasoani i la latou galuega—i le faalelagi ma le olaga nei.

O Se Galuega Faafaaliga

Sa faatumuina le faagasologa faigata i se malosiaga faaleagaga lea atonu e sili ona faamatalaina “o le faaaliga e ala i a fonono.” O tagata e toalua pe toatolu o e ua filifilia e avea ma faaliliutusi e au faatasi ma isi i le faiga o le galuega. E i ai a latou supavaisa i le laumua o le Ekalesia, tagata i le lotoifale e iloiloaina [faaliliuga], o se vaogagana e faatatau atu i ai,⁶ taiala o le faaliliuga, polokalama komepiuta, ma le lagolago faale-ekalesia lea e tau atu lava i le Au Peresitene Sili. (Tagai i le siata o loo avatu ai.) A tuu mai e le Au Peresitene Sili le faamaoniga faaiu o se faaliliuga, ona faatulaga loa lea o le taina o le galuega, lolomiina, ma tufatufa atu. Ona sa saunia foi i se mamamu faafuainumera, e faapea foi



ona tuuina ai i luga o le LDS.org ma i le polokalama Gospel Library.

O lenei taumafaiga tuufaatasi e tele ma musuia. E aofia ai le gauai tuuto i le tulaga o anotusi ma le tulaga o mamamu faaletino o loo momoli atu ai. O faaliliuga e iloiloaina i le tele o tulaga, ae maise lava i se tulaga faale-ekalesia lea e sailia ai le faamaoniga a le Alii. Seiiloga lava e tuuina mai lena faamaoniga ona agai loa lea i luma le faaliliuga. E ui e lei faafaaliga tonu i le ala na faaliliuina ai e le Perofeta o Iosefa Samita le Tusi a Mamona, ae o le faagasologa sa manino lava le tai-alaina e le Alii—e ala i Ana meaalofa ma e ala i Lona mana.

E le faapea ai la o le faaliliuga ua atoatoa i le taimi muamua na maea ai. E masani lava, o le aluga o taimi ma iloiloga faaopoopo a i latou e suesuea tusitusiga paia e fautua mai ai ni faaleleiga atili i le kalama ma le vaogagana pe maua ai foi ni mea sese i le faatula-gaga o le taina po o sipelaga. E seasea lava faia ni suiga i le faamaninoga o aoaoga faavae. Pe a faia nei mea, e faia i lalo o le taitaiga a le Au Peresitene Sili.

E Tuuina Mai e le Alii

E lagolago e le Alii lenei galuega o le faaliliuga i isi foi auala. E masani ona lipotia mai e le au faaliliu i le laumua o le Ekalesia e faapea, a tulai mai se tulaga e manaomia, e tuuina mai e le Alii.

O se tasi o le tele o faataitaiga, na manaomia ai se tagata faaliliutusi mo le faaliliuga ma le pueina o mea e faa-aoga a le Ekalesia i le faa-Mam (e faaleoina “mum,” o se gagana e tupuga

mai i le gagana Mayan, e tautalagia i Kuatemala). Sa i ai i uluai faifeautalaina valaauina i Kuatemala se faifeautalaina lona tamamatua sa tautala faa-Mam. Sa ola ae le faifeautalaina se taulaga ma sa na o le faa-Sipaniolo sa tautala ai. Ae o po uma lava e sau ai lona tamamatua ia te ia i miti ma aoao o ia i le gagana Mam. Sa avea lenei alii faifeautalaina talavou ma faaliliutusi atu o le faa-Mam i le Ekalesia.

E masani lava, o le galuega faaliliu e faia i le osigataulaga tele faaletagata lava ia. E faalagolago i tulaga tautupe, o nisi o faaliliutusi e foi atu a latou auaunaga ae o isi e totogi ina ia i ai ni o latou taimi e tuuto atu i le faaliliuga.

O le alii na avea ma se tasi o faaliliutusi faa-Urutu sa liliu mai i le Ekalesia i Pakisitana a o galue ai o se faiaoga. O se taunuuga o lona liliu mai, sa aveesea ai lana galuega; aveesea ai lona fale, lea sa tuuina atu i ai e le aoga lea sa faiaoga ai; ma sa aveesea foi le aoga mo lana fanau. Sa oo atu se supavaisa faaliliutusi a le Ekalesia ia te ia e uiga i le avea o se faaliliutusi ma ofoina atu se tau talafeagai mo ia. Ina ua mavae ona galue o se faaliliutusi mo ni nai masina, sa oo atu le alii i le supavaisa ma talosaga atu ma le faaeteete tele pe mafai ona faatau mai e le supavaisa se peniutu mo ia. O le peniutu sa ia faaaogaina ua uma le vaitusi. Ma o le taimi lea na faatoa iloa ai e le supavaisa ma foia se sasi a le ofisa na iu ai ina maua e le faaliliutusi le itiiti atu o le mea na tatau ona totogi ai o ia.

Ae e pei foi ona faamanuiaina e le Alii ia Iosefa Samita i auala na mafai ai

Vaega 2:

- E anoanoai isi mea e faaaoga e mafai ona talosagaina, e pei o le mekasini o le *Liahona*, tusi lesona o le seminare ma inisitituti, tusi lesona mo aoaoga i Aso Sa, viiga ma pese a tamaiti, mea e faaaoga o le malumalu ma talafaasolopito o aiga, ma faaliliuga o faasalalauga mo siteki ma risone.

Vaega Galulue Taua

Vaega o le au faaliliu:

- E toalua pe toatolu ni tagata o le Ekalesia e agavaa mo le malumalu ma e lava le malamalama ma le atamai i le talalelei.
- E fesoasoani i ai se taiala i le faaliliuga o lea fuaiupu ma lea fuaiupu, o se lomifefiloi, ma se supavaisa o faaliliuga i le laumua o le Ekalesia.

Komiti o le iloiloga faale-ekalesia:

- E toatolu i le toalima ni alii ma ni tamaitai o e o ni taitai o le Ekalesia i le eria.
- E valaauina ma vaetofia e fesoasoani e iloilo le faaliliuga mo le faigofie ma le malamalama o le faitauga ma le sao o aoaoga faavae.
- E le faia ni suiga o faaupuga seiiloga e malilie autasi i ai le komiti ma o suiga e ogatasi ma le taiala o le faaliliuga.

Tagata o le Ekalesia e avea ma tagata iloilo:

- E iloilo foi e tagata o le Ekalesia i le lotofale le faaliliuga.
- Latou te tuuina atu ni manatu faaalii i le manino ma le talafeagai o le faaupuga.
- O le manino o le faaliliuga e mautinoa ai e mafai e le Agaga Paia ona molimau i le moni o aoaoga.

O le faagasologa o le faaliliuga o tusitusiga paia e aofia uma ai le mafaufau ma le loto, faapea ma tomai faalemafaufau ma le malamalamaaga sao ma loloto faaleagaga.

ona faamaea lana galuega, ua faamanuia ai e le Alii Ana faaliliutusi. Mo se faataitaiga, o le faaliliutusi o tusitusiga paia faa-Lativia sa o se loia, o le sa aoga faaloia i Rusia, lea sa liliu mai ai i le talalelei toefuataiina. I Lativia, sa faatuina ai lana pisinisi. Sa avea foi o ia o se peresitene o le paranesi. Sa matuai pisi lava o ia, ae sa manaomia o ia e le Ekalesia ma lona tomai i le faa-Peretania.

Na ia talosagaina se taimi e tatalo ai e uiga i le talosaga aua o le taliaina o le a faapea ona, e pei ona ia tau atu i le sui o le Ekalesia, “le lava ai ni meaaia a lana fanau.” Ina ua uma ona tatalo, sa ia filifili e talia ae sa ole atu i le Alii e faamanuia o ia i auala e faia ai se galuega faigata, faasaulala faaleagaga, ma alu ai le taimi.

Sa amata ona vave alu i lona ofisa loia e tasi le itula e vave ai i aso uma

ma faaaoga lena itula e faaliliu ai le Tusi a Mamona. Sa ia faamaeaina lelei lava ao lei atoa le lima tausaga lea e masani ona alu i le faagasologa. O le mea moni, o se tasi lenei o faaliliuga aupito sili ona vave talu mai le faaliliuina e Iosefa o le Tusi a Mamona i le pe tusa ma le 60 aso.

E anoanoai nisi aafiaga e mafai ona faamatalaina e faaalua ai le aao o le Alii i le galuega o le faaliliuga o Ana tusitusiga paia. O [aafiaga] uma e tautino manino mai ai o Lana galuega lenei ma e taua tele i Lona finagalo. Ua Ia saunia tagata e faia Lana galuega. Ua saunia meafaigaluega latou te manaomia e faatelevave ai le galuega. Ma Na te musuia ma faamanuia i latou i le gasologa o le galuega.


O le taunuuga o se lalolagi ua faatamaoagaina i le afioga a le Atua, ua tuuina mai i Ana fanau i le gagana o le loto. ■

I LE GALUEGA O LE FAALILIUGA O TUSITUSIGA PAIA A LE ALII, UA MANINO LAVA O LANA GALUEGA LENEI. UA IA SAUNIA TAGATA FAAPEA MA MEAFAIGALUEGA LATOU TE MANAOMIA E FAATELEAIINA AI LE GALUEGA, MA IA MUSUIA MA FAAMANUIA I LATOU I LE ALUGA O LE GALUEGA.



FAAMATALAGA

1. Tagai i le faasologa e valu-vaega, “How the Bible Came to Be,” na saunia e Lenet H. Read na lomiaina i le *Ensign* i le va o Ianuari ma Setema 1982.
2. Tagai, mo se faataitaiga, “Church Edition of Spanish Bible Now Published,” mormon-newsroom.org.
3. Tagai i le Matthew S. Holland, “O Le Ala i Palamaira,” *Liahona*, Iuni 2015, 14–19.
4. Tagai i le Kent P. Jackson, “Moroni’s Message to Joseph Smith,” *Ensign*, Aok. 1990, 12–16.
5. Iosefa Samita, i le faatomuaga o le Tusi a Mamona. Mo se faamatalaga lautele e uiga i le faaliliuga a Iosefa Samita o le Tusi a Mamona, tagai i le Gospel Topics, “Book of Mormon Translation,” topics.lds.org.
6. O le vaogagana ua faauigaina ai upu uma i tusitusiga paia faa-Peretania ina ia mafai ona malamalama lelei ai faaliliutusi i uiga o upu. E masani lava, o upu e sili atu ma le tasi se uiga, o lea, e ao ai i faaliliutusi ona faalagolago i le talaaga, musumusuga, ma le galulue faatasi e faailoa mai ai le tali sao. O nisi taimi, e na o le Au Peresitene Sili lava e mafai ona foiaina ni fesili e faatatau i le faauigaga.



**Saunia e
Peresitene
Russell M. Nelson**

Peresitene o le
Korama a Aposetolo
e Toasefululua

Taimi o Faifeautal'ai

*O se tasi o au'ala sili ona lelei mo
se ulugalii matutua ina ia faia se
manatuaga maoae o le au'auna
atu faatasi i se misiona.*

MATUTUA

Pe a galo e a tatou uo e 60 pe 70 tausaga le matua galo ia se mea, e masani lava ona tatou tausua e faatatau i le galo o manatuaga o se “taimi o le matua.” Ae ou te manao e talanoaina se isi ituaiga o taimi o [tagata] matutua —o se taimi maoae o le manatua lea o le a tumau e faava-vau. O le taimi lea pe a iloa e se ulugalii matutua faamisi-ona o loo la faia le mea e finagalo i ai le Alii la te faia. I ia taimi e manatua ai latou te iloina e faapea:

- O loo i ai ia i latou se olaga atoa o aafiaga e faasoa atu, ma taleni, o tomai, o malamalamaaga faaletalalelei e mafai ona latou faaaogaina e faamanuia ai isi.
- O a latou faataitaiga o se faamanuiaga i a latou fanau ma fanau a fanau.
- A o au'auna atu i latou ua latou faia ni faauoga tumau.
- Ua faateleina le malosi o a latou faaipoipoga i aso uma.
- O le au'auna Atu i Lona suafa e suamalie.

Taimi i le Atiaeina

Au uo ulugalii matutua e, o taimi faapena e tatau ona atiaeina mo le toatele o outou. Mafaufau i le tala na faamatalaina e Elder Jeffrey R. Holland o le Korama a Aposetolo e Toasefululua e uiga i se ulugalii matutua na au'auna atu i Chile sa mafai ona faia. Na maliu ai le matua o se tasi o alii faifeautal'ai talavou. Sa mamao lava le Peresitene o le misi-ona sa lei mafai ai ona vave oo atu i le faifeautal'ai.

“Ae sa i ai se ulugalii [matutua] agalelei sa au'auna atu i le eria,” o le tala lea a Elder Holland. “Sa la omai ma nonofo

faatasi ma lena faifeautal'ai ma tausua i le alofa ma faamafanafana ia te ia seia oo ina mafai e le peresitene o le misiona ona fesooteai patino mai i le alii faifeautal'ai. Sa matou maua ni faifeautal'ai talavou maoae i la matou misiona, ae e leai se faifeautal'ai nofofua talavou na mafai ona faia le mea na mafai ona faia e lena ulugalii.”¹

O o latou tomai i lena taimi sa na o se faailoa atu o le agalelei i se taimi na manaomia ai. Latou te le'i popole e uiga i le tautala i soo se gagana e ese mai i le gagana o le alofa faa-Keriso. Latou te le'i popole e uiga i le misia o se aso fanau a fanau o fanau po o se faamanuiaga o se pepe, e ui ina taua na mea na tutupu. Sa latou popole e uiga i le mea e mafai ona faaaoga ai i latou e le Alii e faamanuia le olaga o se tasi o Ana fanau. Ma ona sa latou naunau, sa mafai ona Ia tuu atu ia te i latou e fai ma sui o Ia.

E Seasea Ona Talafeagai le Au'aunaga

O le mea moni, e leai se faifeau faamisiona matua e iloina e talafeagai le tuua o le aiga. E faapena foi Iosefa Samita, Polika Iaga, Ioane Teila, po o Uilifoti Uutilafi. Sa i ai foi a latou fanau ma fanau a fanau, ma sa latou alolofa i o latou aiga e pei o i tatou. Ae sa latou alolofa foi i le Alii ma mananao e au'auna atu ia te Ia. I se aso o le a mafai ona tatou feiloai i nei tagata faamaoni o e na fesoasoani e faavae lenei tisipenisione. Pe a tatou faia, o le a tatou olioli tatou te lei aloese mai le au'auna atu pe a tatau ona tatou au'auna atu.

O nisi atonu latou te mananao e auauna atu a o nofonofo pea i le fale. Ina ua aafia Aase Schumacher Nelson i le pepe o le tino (e leai se sootaga) ma iu ai ina i ai i se nofoafaataavalevale, sa fefe o le a le faataunuu lona manao i lona olaga atoa e alu i se misiona ma lana tane o Don. Ona talanoa atu lea o se tuaoi ia i laua e uiga i lana misiona auaunaga i le Ekalesia i le faleteuoloo a se epikopo. I le faamalosiua, sa la talanoa i se supavaisa i le fale, faamaea le la fomu e fautuaina atu ai, ma sa valaauina e auauna atu mo aso e lua i le vaiaso i se faleteuoloo sa lataane i lo la aiga.

“E faigofie le malolo ma mafaufau, ‘Oi, e le toe manaomia au,’” o le tala lea a Aase Nelson. “Ae o lenei ou te lagona ua manaomia *au*. Ma sa avea lea ma se molimau ia te au.”



O se ulugalii i Seoul, Korea i Saute, o loo olioli i le fiafia o le auauna atu faatasi.

E Mautinoa Lava e Manaomia Oe

Afai e faaosoosoina oe e mafaufau e le manaomia oe, sei ou faamautinoa atu ia te outou o loo manaomia outou. E leai se peresitene o le misiona i le Ekalesia o le a le fiafia i le maua o ni ulugalii faaopoopo e auauna atu i lana misiona. E faamalolosia e tagata matutua toeaina ma tuafafine laiti. Latou te tuuina atu le lagolago e fesoasoani ai i isi ia sili atu le auaunaga i o latou lava tiutetauave. Ma e mafai ona e vaai faalemafaufau i le uiga i se taitai o le na faatoa avea ma se tagata o le ekalesia mo ni nai tausaga le faigofie o le mauaina o le lagolago mai tagata o le Ekalesia ua lava le tomai? O ulugalii matutua e masani lava ona avea o se tali moni i tatalo a epikopo ma peresitene o paranesi.

Matou te uunaia peresitene o misiona e saili atu i ulugalii e taulima ai manaoga a latou misiona. E tatau i Epikopo ona saili atu i ulugalii e mafai ona auauna atu. O loo lisiina i le LDS.org itulau ma itulau o avanoa mo ulugalii matutua. Ae o le mea aupito sili, atonu e o ifo ulugalii i o latou tulivae ma ole atu i le Tama Faalelagi pe sao le taimi mo i latou e auauna

atu ai faatasi i se misiona. Mai agavaa uma, o se *manao* e auauna atu atonu e sili ona taua (tagai i le MF&F 4:3).

A o ou viia galuega a faifeautalai faamisiona matutua, ua ou iloa e toatele e mananao e auauna atu ae e le mafai ona faia lena mea. E manaomia le tapulaa lea ua tuuina mai e ala i le tausaga po o le soifua maloloina le lelei e tatau ona iloilo, a o faia i manaoga taua o tagata o le aiga. A mumu le manao i totonu ae o loo i ai na tapulaa, e mafai e isi ona avea ma ou lima ma vae, ma e mafai ona e saunia tupe e manaomia.

Ulugalii matutua, e tusa lava po o ai outou po o fea o tou i ai, faamolemole ia tatalo e uiga i lenei avanoa e fafufutuai ai taimi maoae faatasi o faifeautalai matutua faamisiona. O le a fesoasoani le Tama Faalelagi ia tou iloa le mea e mafai ona outou faia. ■

MANATUA

1. Jeffrey R. Holland i le Joseph Walker, “Elder Jeffrey Holland: LDS Church Desperately Needs More Senior Missionaries,” *Deseret News*, Sept. 14, 2011, 3.



Pito i Luga: E fono e le aunoa le au Malmrose ma Peresitene Robison e talanoa i auala e faaoga ai a laua taleni a o laua auauna atu i isi. Pito i luga: Fai mai faifeautalai talavou i le nofoaga autu e aoao i Accra, Ghana, o le maua o le lagolago mai ia Elder ma Sister Malmrose e pei lava o le i ai o se tina ma se tama lona lua o loo galulue i o latou autafa.



MAI LE AIGA PO O LE ALU ESE MAI LE AIGA

Pe auauna atu mai le aiga po o le alu ese mai le aiga, ulugalii matutua faa-misiona, "o mai e fesoasoani" i uarota ma paranesi, ofisa o misiona, nofoaga autu mo tagata asiasi, malumalu, misiona i le totonu o le taulaga, tofiga faafomai, nofoaga autu o punaoa mo galuega, polokalama o le ola tutoatasi, polokalama o le toe manuia mai i mea na fai ma vaisu, talafaasolopito o aiga, faasaoina faamaumauga, o le Ofisa o Aoga a le Ekalesia, va i fafo, tautua o fesoasoaniga alofa, ma isi mea. Ma e manaomia le anoanoai o ulugalii.



Faifeau Faamisiona Matutua:

E MANAOMIA,
FAAMANUIAINA,
MA ALOFAINA

O le auauna atu o se ulugalii faamisiona e mafai ona sili atu ona fetuutuunai, e le taugata tele, ma e sili atu ona fiafia nai lo le mea e te manatu i ai.

Saunia e Richard M. Romney

Mekasini a le Ekalesia

“E MAFAI ONA E SAU E FESOASOANI?”

O se fesili sa taliina muamua e Gerald ma Lorna Malmrose o Uosigitone, ISA. Sa la fai atu ioe ina ua talosagaina i laua e lo laua epikopo sa i ai muamua, o le sa avea i le taimi lea o se peresitene o le misiona, pe mafai ona la galulue faatasi ma ia i West Indies. Sa laua toe fai atu ioe ina ua valaauina i laua e lo latou peresitene o le siteki e faia se misiona tautua i le laumua o le Ekalesia i le Aai o Sate Leki, Iuta, ISA, e galulue i komepiuta ma le taulimaina o tagata faigaluega.

Ina ua toe valaauina lo laua epikopo sa i ai muamua ma le peresitene o le misiona, o Reid Robison, o le taimi la leni e avea ma peresitene o le nofoaga autu e aoao ai faifeautalai i Accra, Ghana, sa ia fesili atu pe o le a toe fesoasoani atu le au Malmrose.

“Sa ma iloaia e mafai ona ma faalagolago i le Alii,” o le tala lea a Elder Malmrose. “O lea sa ma filifili ai e toe faalagolago atu ia te Ia.” Sa laua fai atu ioe, faatumu a laua fomu e fautua atu ai, maua mai le la valaauga, ma e lei leva ae i ai loa i Ghana.

Auauna Atu o se Ulugalii

O aafiaga o le au Malmrose ua faaalua ai nisi o mataupu faavae e uiga i ulugalii matutua ua auauna atu i ni misiona lea atonu e le malamalama i ai le lautele [o tagata]:

- *E lua ituaiga o misiona:* (1) O le Peresitene o le Ekalesia e valaauina ulugalii matutua e auauna atu a le mai i o latou lava aiga pe o ese mai le aiga. (2) O le peresitene o le siteki e valaauina ulugalii faamisiona tautua i

le Ekalesia e faatumu mo se taimi le tumau manaoga i le lotoifale pe faalisone, mai le 8 i le 32 itula i le vaiaso. E masani ona latou nonofo ma auauna i le lotoifale ae o nisi taimi e mafai ona auauna ese mai i aiga.

- *Ua uunaia peresitene o Misiona e sue ulugalii o e mafai ona faafetauia manaoga i a latou misiona, ma e mafai e ulugalii ona faailoa mai mea latou te mananao i ai.* “Matou te le o faapea atu e mafai e ulugalii ona piki ma filifili a latou lava tofiga faamisiona,” o le faamalalama mai lea a Elder Jeffrey R. Holland o le Korama a Aposetolo e Toasefululua. “O se valaauga o se valaauga lava. . . . [Ae] matou te talanoa atu ia tatou ulugalii matutua e uiga i tulaga e mananao i ai i a latou auaunaga, ma e tuuina atu manatunatuga uma e tuu i latou e auauna po o fea lava ma po o le a le faiga o a latou auaunaga.”¹
- *E soalaupule peresitene o misiona ma ulugalii e uiga i auala e sili ona faaaoaga ai o latou tomai ma gatafia.* “Ina ia maua le aafiaga aupito anoa i le avea ai ma se ulugalii matutua,” na saunoa ai Peresitene Robison, “e tatau ona outou maua le avanoa e galulue ai i eria tou te faamemelo i ai, ma se mea e i ai sou tomai lea tou te lagona ai e i ai se mea tou te ofoina atu.”

Mo se faataitaiga, na silafia e Peresitene Robison o Elder Malmrose e tautala i le faa-Farani, e aoga aua o le toatele o tagata Aferika e tautatala i le faa-Farani. “Sa ou vaai faalemafaufau ia te ia o auai i femalagaaiga ma galue i visa,” o le tala lea a Peresitene Robison. “Ae ina ua taunuu mai o ia iinei, sa ou lagonaina e le o le mea lena sa fiafia moni i ai o



IA FAAVANOVA OUTOU LAVA

“Matou te manao-mia lava le anoanoai o ni ulugalii matutua. . . . la faavanoa outou lava. . . . E i ai ni nai taimi i o outou olaga o le a outou olioli ai i [le tele] o lagona matagofie ma le faamalieina e maua mai le [auauna atu] faatasi i le galuega a le Matai.”

Peresitene Thomas S. Monson, “Ao Tatou Toe Potopoto Faatasi,” *Liahona*, Nov. 2010, 4.



ia. O lea sa ou valaauliaina ai o ia e faaoga ona tomai i komepiuta. Ua ia sefeina i matou mai le tele ma le tele o itula.” E fesoasoani foi Elder Malmrose i faifeautalai, ae maise lava o faifeautalai e tautatala faa-Farani, e saunia igoa ma fai galuega o le malumalu mo o latou aiga. O Sister Malmrose, o se tagata lagolago faamaonia i fomai, sa tofia e galulue faatasi ma le fomai ma le tausionifua a le misiona.

Ua la Saunia le Ala

E pei o le au Malmrose, ua iloa e isi ulugalii, a latou faalagolago i le Alii, o le a Ia saunia le ala. O le mea lena na tupu ia Alvin ma Corazon Rieta o Kawit, Cavite, i le atu Filipaina.

“E lua tausaga ao lei faia le ma faaiuga e auu atu, sa amata ai ona ma faatulagaina ni fuafuaga mautu mo le pisinisi a le matou aiga,” o le faamatala mai lea a Elder Rieta. “Na uma ona faauu le ma atalii ma le afafine mai le kolisi ma e mafai ona sui ia i maua, ae sa ma mafaufau po o ai o le a foia faafitauli o le pisinisi ma o le a foi se tali mai a o matou paaga i a matou fuafuaga.”

Sa popole foi Sister Rieta i le tuua ai o lona tina ua matua. “Sa ou fefe ina nei maliu o ia ao ma toesea ai,” na ia fai mai ai. “Sa ou lagonaina foi le le talafeagai ma le luitau o le aoaoina atu o le talalelei.”

Sa latou soalaupule faatasi ma lo laua epikopo ma se ulugalii na auu atu talu ai nei i Davao. “Sa tuuina atu uma a latou molimau malolosi e faapea, o le a taiala e le Alii ia ulugalii taitoatasi ia iloa le ala e taulima ai a latou fuafuaga i le fale, o latou aiga, ma tupe mo a latou misiona,” o le tala lea a Sister Rieta.

Fai mai Elder Rieta, “A o matou sailia le taitaiga, sa faapea ona talanoaina ai o matou atugaluga—sa sologa manuia a matou pisinisi e ui lava i luitau, sa faailoa mai e a matou paaga le olioli ma le lagolago, ma sa atili felatai ai lo matou aiga i le tausiga o lo matou tina mai. Sa amata ona matou malamalama o le a fesoasoani moni le Alii ia i matou.”

O loo galulue nei le au Rieta e lagolago i tagata o le ekalesia ma le autaitai i le Misiona a Filipaina Cagayan de Oro.

Mea e Tele e Mafai Ona Faia

O nisi o ulugalii e mafaufau i tulaga faatapu-laa faaletino, ae e le faapena Keith ma Jennilyn Mauerman o Iuta, ISA. O tausaga ua mavae, ina ua mavae le fa masina talu ona la faaiipoipo i le Malumalu o Los Angeles Kalefonia, sa faapea ona valaauina ai Keith ma auina atu i le taua. I le avea ai ma se taitai o fitafita e fepuna mai i fafo o vaalele, sa savali ai o ia i luma o isi fitafita ae na faapea ona pa ai se maina na tatao i le eleele. Sa faapea ona mumutu uma ai ona vae. Ina ua taunuu mai o ia i le aiga, sa faanatinati atu Jennilyn i ona tafatafa.

“Sa ou iloina e le tatau ona ou popole,” o le tala lea a Keith, “aua ua uma ona ma faaiipoipo mo le faavavau. Sa lagolagoina au e lou toalua i lenei taimi atoa. O le a ia lagolagoina au i aso uma.”

Ina ua litaea Sister Mauerman, na laua fili-fili loa e auu atu i se misiona. Ae mata o le a i ai se faafitauli ia Elder Mauerman ona e mumutu uma ona vae? “E i ai lava i taimi uma mea e le mafai ona ou faia,” o lana tala lea, “ae e ese le tele o mea e mafai ona ou faia, sa ma iloa o le a i ai se avanoa mo i maua.”

A o faatumuina a laua fomu e fautuaina atu ai, sa ia faailogaina ai se pusa e tau atu ai sa auu ona i ia i le militeli. E lei umi ae la maua se valaau mai le Sootaga Militeli o le Ekalesia. “Sa i ai sau kata e faailoa ai au, lea o le a mafai ai ona ma ulufale i nofoaga autu o le militeli, o lea na latou talosagaina ai le ma faatagaga e fautua atu i maua mo se misiona i sootaga i le militeli.”

Sa valaauina le au Mauerman e auu atu i se nofoaga autu o le militeli i Karolaina i Matu, ISA. Na faamatalaina e Elder Mauerman: “Fai mai le faailo o loo i le faitotoa ‘Fort Bragg, Aiga o le Au Fepuna mai Vaalele.’ Ina ua faafeiloai i maua e leoleo o le nofoaga autu faatasi ma le mau tauave a le au fepuna mai vaalele, o le ‘Ia Tau Lava i Lalo!’

o le taimi muamua lea na ou faalogo i ai i le tele o tausaga. Sa pei lava o le aiga, e ui ou te lei oo muamua i Fort Bragg. Sa ou iloaina o le valaauga o le ma misiona, sa matuai fetau lelei lava ma e silafia e le Alii au.”

“Sa ma aoaoina atu lesona e uiga i le faalagolago o le tagata ia te ia lava, ma le malosi ma e uiga i le faamalolosia o faaiipoipoga,” o le tala lea a Sister Mauerman. “I le amataga ma te lei mananao e faasoa atu le ma tala, ae na ma iloa ai o le faasoa atu e faia ai se eseesega tele. Na tilotilo mai fitafita ma o latou taitoalua ia i maua ma faapea mai, ‘Afai e mafai ona oulua faia, matou te mafaia foi.’”

le iloa e Sister Romrell faaPotukale. Ae peitai, o le suesue ma taumafaiga, na fesoasoani e toe faafoi mai ai tomiai o Elder Romrell i le faa-Potukale ae tuputupu ae ai ia Sister Romrell. Sa faapena foi se ukulele.

“Ou te lei fuafua lava e aumai,” o le tala lea a Sister Romrell, “ae na musuia Elder Romrell e aumai, ma e ofofofia le vaaia o mea ua ia faia. A o matou aoao atu i tagata saililili ma galulue i le toe faatoaagaina mai ma faaau-meia, e manaia tele le faaaoga e faapepese ai tagata i viiga. Matou te aoaoina le gagana, ae aumai e viiga se agaga malosi faatasi ma i latou.”



O le faatoilaloina ai o atugaluga i mea tautupe, ua auauna atu ai Elder ma Sister Rieta i lo laua lava atunuu, o le Atu Filipaina.



Mo le au Mauerman, o le auuana atu i sootaga i le militeli ua matuai fetau lelei lava. Ua la fai mai, “E pei lava o le sau i le aiga.”



Na musuia e aumaia se ukulele, ua faaaoga ai e le au Romrells e faasoa atu ai le gagana lautele o musika ao laua asiasi i aiga ma usu viiga.

Sa maua e le au Mauerman se aafiaga lelei i Karolaina i Matu, o lea na talosagaina ai i laua e toe auauna atu. O le taimi nei la te malaga ai mo le tusa ma le 40 maila (64 km) mai lo latou aiga i Orem agai i le Aai o Sate Leki e faalua i le vaiaso e auauna atu i le ofisa o le Sootaga Militeli o le Ekalesia. La te aoaoina foi ulugalii matutua i le nofoaga autu e aoao ai faifeautalai i Provo, lea la te iloa ai, e toetoe o vaega uma e aofia ai se tagata o le ua avefa ma faalavefau ina ia mafai ona auauna atu.

Gagana a le Lalolagi Atoa

O le valaauina i le Misiona a Pasila Cuiabá, sa faapea ona popole ai Randy ma Lou Ellen Romrell o Iuta. E ui lava ina sa auauna atu Elder Romrell i Pasila o se faifeautalai talavou, ae ua faapea ona galo ai lana faa-Potukale. Ma sa

E ui o loo atiina ae pea ona tomiai faa-Potukale, ae ua lelei ai lava lana pese i musika. “O musika e aumaia faatasi ai tagata,” o lana tala lea. “E tusa lava pe ou te le malamalama i mea uma latou te fai mai ai i le taimi o se asiasiga, a matou pepese, matou te fesootei.” Sa valaaulia i laua e talanoa atu i aoga e uiga i le aso fiafia a Amerika o le Aso Faafetai, sa usuina ai e le au Romrell ia viiga o le faafetai—sa taina i le ukulele. Ma e faaaoga foi e Sister Romrell se mea fai faili ua sili atu ona masani ai, o le piano, e ta ai viiga i le lotu.

Ma le faa-Potukale? “E tusa lava pe le lelei lau tautala, ae o le aoaoina o ni nai upu e fesoasoani lea,” o lana tala lea. “E tele lava se aafiaga o le tau lava ina fai atu talofa ma le faafeiloaia o tagata. Tuu atu ia latou iloa o loo e aoao [i le gagana]. Ia faafaigofie ma faalagolago i le Agaga.” Ma o le mea moni, o le Agaga o le isi lea gagana e mafai ona faasoa atu e tagata uma.



“[AVEA AU] PEI NA E TOFIA”

“Pe a ou mafaufau i le manaomia tele o faamisiona matutua, ou te mafaufau lava i lena viiga peleina, ‘Ou te Alu i Mea e te Tofia’ (Viiga, nu. 169) ma lana savali, ‘Avea au pei na e tofia.’ ”

Elder Dallin H. Oaks o le Korama a Aposetolo e Toasefululua.



MANAOMIA ULUGALII

“O le matou savali i a tatou ulugalii matutua e faigofie lava: matou te manaomia tele outou. O loo matou faia mea uma matou te mafaia e faafai-gofie ai ona outou o. . . . O loo manaomia lava i nei vaitaimi. O loo i ai tagata o loo manaomia outou. Faamolemole—o [e fai ni misiona].”

Elder Jeffrey R. Holland o le Korama a Aposetolo e Toasefululua, *Deseret News*, Sete. 14, 2011.

Auaunaga i le Aiga

O Paul ma Mar Jean Lewis mai Iuta ua uma ona auauna atu faatasi i ni misiona se tolu (Malumalu o Palemaira Niu Ioka; Malumalu o Hong Kong Saina; ma Kalaotia, Serepia, ma le Silovenia i le seminare ma inisitituti). Sa sauni i laua e toe auauna atu i se isi [misiona] ae fesili atu loa le peresitene o le siteki ia i laua, “Pe e te lua mananao e auauna iinei lava i la tatou siteki, e lagolago i le misiona o loo tatou nonofo ai?”

“E toatele ulugalii, pe a latou mafaufau e uiga i le auauna atu i se misiona, e popole po o le a le mea o le a fai i o latou fale ma a latou taavale po o mea o le a latou misi ai i o latou aiga,” na fai mai ai Elder Lewis. “Sa mafai lava ona ma nonofo i lo ma fale ma ave la maua lava taavale. Ua faamalosiaina i maua e o i gaoioiga faaleaiga, pau lava le mea ia le faalavelave ai i tiutetauave faafaifeautalai. Sa ma i ai lava foi iinei mo le fanauga o le tama a le ma tama.”



O le auauna atu mai le aiga, e fafia le au Lewise e faamasani i faifeautalai faamisiona ma tagata o le latou lava siteki.



E avatu e le au Sorensen i tamaiti aoga i le Atu Kuki ni maa laiti e faamanatu ai ia i latou ia tumau le “mausali ia Keriso.”

“Ma te fou mai iinei, ma sa o se avanoa manaia tele,” o le tala lea a Sister Lewis. “Matou te galulue faatasi ma alii ma tamaitai faifeautalai talavou, maua se fegale-galeaiga vavalalata ma le peresitene o le misiona, o atu i fonotaga a itu ma sone, ma galulue ma taitai misiona a uarota.” La te asiasi atu foi i tagata sailiili ma i latou o e ua le toaaga mai.

Fai mai Sister Lewis, “Ua matou feiloai i ni tagata lelei lea na semanu matou te le iloaina lava, e aofia ai nisi o e ua se ese mai le ala. O le vaaia ua latou toe foi mai, maua sauniga, ma o atu i le malumalu o se faamanuiaga matagofie.”

Faamanuiaga o le Aiga

I le isi itu, o Jill ma Kent Sorensen, e o mai i le siteki lava e tasi, fai mai, o se tasi o auala sili ona lelei e faamalosi ai lo laua aiga o le auauna ese mai le aiga. Fai mai Sister Sorensen, “O se tasi o alofaga autu e tuuina atu e ulugalii e le o ai, o fanau a fanau, fanau ua faaipoipoina e i ai luitau, fanau teine o le a fanauina ni pepe, matua matutua—ma isi tulaga faapena. O le aiga o se mea e ave i ai le faamuamua, ma e te misia na mea i aso uma. Ae o le o i se misiona e auina atu ai se savali mamana o le galuega faafaifeautalai e taua tele.”

Ma le isi, na taua e Elder Sorensen, “ua tele auala e fesootai ai i le taimi lenei aua ua mafai ona e siakia i latou i taimi uma.”

O le malaga faafaifeautalai a le au Sorensen sa amataina i le tolu tausaga ua mavae, ina ua talosagaina i laua e le epikopo e tali faeasaite faalemasina mo ulugalii o loo mafaufau e auauna atu faamisiona. Fai mai Sister Sorensen, “Ina ua mavae ona talanoa soo e faatatau i ai, ua tataua lava ona ma o foi i maua ia!” Sa la mauaina se valaauga e auauna atu i le Atua Kuki, lea sa auauna atu ai matua matutua o Jill i le 50 tausaga talu ai.

O le taimi nei, faatasi ai ma isi tiute, ua talosagaina ai i laua e aoao vasega o le Tusi Paia i aoga.

“Matou te talanoa e uiga ia Keriso o le papa,” o le tala lea a Elder Sorensen. “Ma te tuu atu i tamaiti aoga se tamai maa ma



I le lalolagi atoa, ua fai mai ulugalii e faapea, e faaopoopo atu i le fesoasoani i isi, o le auauna atu faatasi ua faamalositia ai a latou faaipoipoga ma aumaia latalata atili ai i latou i le Tama Faalelagi.

uunaia i latou e tumau pea le mausali i le papa o Keriso. O le taimi nei, soo se mea lava ma te o i ai, e fai mai tagata, ‘Papa mausali!’ pe a latou vaai ia i maua.”

O Mai e Fesoasoani

Afai o loo e mafaufau i se misiona faafaifeautalai po o se misiona tautua a le Ekalesia, o le a fesili atu nei ulugalii uma ia te oe le fesili lava e tasi na fesili ai Peresitene Robison ia Gerald ma Lorna Malmrose: “E mafai ona lua o mai e fesoasoani mai?” Ma o le a latou tau atu ia te oe, po o le a lava le auala e te auai ai, e mautinoa lava le folafolaga lena: E manaomia oe, e mafai ona e saofaga, ma o le a faamanuiaina ma alofaina oe. ■

FAAMATALAGA

1. “Elder Jeffrey Holland: Ua Matuai Manaomia e le Ekalesia a le AAG Ni Faamisiona Matutua,” *Deseret News*, Sete. 14, 2011, deseretnews.com.

AVANOA E TELE E AUAUNA AI

Tagai i avanoa o loo i ai nei, faalogo mai ia i latou o loo auauna atu i le taimi nei, ma sue tali i fesili i le lds.org/callings/missionary.

UA FAIGOFIE ATU NAI LOO SE ISI LAVA TAIMI

O aiaiga faavae fetuutuunai ua faigofie ai i ulugalii ona auauna atu.

- O ulugalii tautua a le Ekalesia e mafai ona nonofo lava i le fale ma auauna atu i le lotoifale.
- O ulugalii e mafai ona auauna atu mo le 6, 12, 18, po o le 23 masina. E mafai ona latou auauna atu i atunuu i fafo mo le itiiti ifo ma le 18 masina pe a latou totogia le femalagaiga.
- E mafai e ulugalii ona ave se malologa puupuu, e totogi lava e i latou, mai a latou misiona, e masani lava e mo le 7 i le 10 aso, e toe foi ai i le aiga mo ni faalavelave tuga faaleaiga.
- O fale e i ai o latou tau faatapulaaina. E le sili atu ma se aofai faatulagaina mo fale, e aofia ai le nonofo ai, mea aoga ma meafale, e totogi e ulugalii.
- O fale o le a saogalemu ma lelei. E aumai e misiona po o ofisa o eria ia fale e mama, talafeagai meafale, ma taugofie.
- O fuafuaga faatulagaina e tau le mamafa. E le o faamoemoeina ulugalii e mulimuli i le faatula-gaga lava lea e tasi o itula galulue ma gaoioiga e pei o faifeautalai nofofua talavou.
- O fesoootaiga ma aiga e tupu soo. E mafai e ulugalii ona fesootei atu i o latou aiga i ni taimi e tele atu nai lo le mea ua faataotoina mo faifeautalai nofofua talavou.



PE A
**Oo Mai Ponokalafi
i le Aiga—
E MANAOMIA UMA E
Ava ma Tane le
Faamaloloina**

*Ua ou vaai au lava ia
i le mana o le Faaola e
faamalolo ai ua oo mai
i ava e faapea foi ma
tane pe a tauivi tane ma
ponokalafi.*



Taofia le igoa

I totonu o lau uluai ono masina o se epikopo, sa i ai ni nai ulugalii i lau uarota na o mai ia te au ma le maui-tinoa ma tau mai ia te au le tauiviga a le tane ma le faaaogaina o ponokalafi. I nisi tulaga, o le ava sa matuai faateia mai le faatoa iloaina o le mealilo faataumaoui; o isi sa iloaina mo ni masina po o tausaga.

Na ou lagona le alofa i nei ulugalii taitasi ma na lagona-ina le mana togia o le Faaola a o ou fautua atu e le aunoa

ma le faaeteete i uso taitasi e fesoasoani ia i latou e “lulu ese filifili . . . na te vave saisai ia te [i latou]” (2 Nifae 9:45).

E ui i lea, atonu o le sasaa tele mai o le Agaga na ou mai, a o ou feiloai atu i a latou ava. Ua ou iloa ai, e ui o nisi o manua e fou ma o isi o mailaila mai le tele o tausaga o le iloaina, o nei tuafafine uma lava ua taulimaina se tiga faaleagaga loloto e mafua mai i fesili e pei, “O le a se mea na ou faia ua mafua ai ona le tosina mai o ia ia te au?” po o le “Aisea e manao ai o ia e vaai faalemafaufau ia te ia lava ma se isi tagata ae le o au?”

Ona o le tane ua solitulafono, e faigofie mo le epikopo ona lagona e sili ona manaomia e le tane ona maua ki e tatala ai le mana faamalolo o le Faaola, ae sa ou aooina o le manaomia e le ava ina ia faamaloloina i le tiga ma le puapuagatia e tutusa lava ma le manaomia e le tane ia faamaloloina i le agasala ma le faananau.

I lana lauga i sa Nifae, na tausalaina ai e le perofeta o Iakopo ia alii mo a latou amioga lē faamaoni i a latou ava, “o le toatele o o latou lagona [sa] agavaivai lava ma e mamā ma maaleale i luma o le Atua, o se mea ua fiafia i ai le Atua” (Iakopo 2:7). Sa ia faaauiu: “Ua outou tuimomoina loto o a outou avā agavaivai . . . ona o a outou faataitaiga leaga i o latou luma; ma ua alu ae masūsū o o latou loto i le Atua e faasaga ia te outou” (Iakopo 2:35). Ua ou molimauina nei masūsū e au lava ia. E masani lava ona puna ae e le na o lagona loloto o le ava i le faalataina na mafua ona o le faaaoga e lana tane o ponokalafi, ae faapea foi mai upu le faaaloalo ma amioga leaga e masani ona aliae o se taunuuga o lana tauiviga i totonu. O le mea moni, e le o se mea e le masani ai, mo se tamaloa ua aliae ona mausa ona tuuaia lona toalua mo ana amioga, ma taua ai ni gaioiga eseese ua ia faia pe lēi faia foi. O le mea e faanoanoa ai, e le o se mea foi e le masani ai mo le ava ona amata talia ma iu ina talitonu i nei tuuaiga.

Sa nonofo se tasi o na ulugalii i lou ofisa i na o ni nai aso talu ona uma ona faailoa atu e le tane se mausa o ponokalafi na pagatia ai o ia talu mai lona talavou. A o faalogologo atu i se lesona a le Aualofa e faavae i le lauga a Sister Linda S. Reeves i le konafesi aoao ia Aperila 2014, “O le Puipuiga mai le Ponokalafi—o se Aiga e Taulai ia

Keriso,” na amata ona iloa e le ava amioga faitio tele a lona toalua ia te ia i le tele o faanaunauga na faamatala e le faiaoga. Ina ua maea le lesone, sa ia faafetoaia lona toalua i le fesili, ma sa ia tautino mai ai le mea lilo lea sa ia nanaia mo se taimi umi lava. O lona talitonuga ua faaleagaina ua tuufaatasia nei ma se inoino ua mu saesae. I le taimi o la matou feiloaiga muamua, sa la tauivi e vaai pe faapefea ona mafai ona faaauau le la faaipoipoga. Sa ou faamautinoa atu ia i laua sa i ai le faamoemoe, tuuina atu ni uluai fautuaga, ona valaaulia lea o i laua e toe foi mai ma matou fono taitoatasi.

Faatasi ai ma tatalo faatauana sa ou faia i le sauniuniga mo na fonotaga, sa ou iloiloia foi fautuaga na tuuina mai i le Ministering Resources on LDS.org, ae maise lava i le punaoa mo le lagolagoina o taitoalua o tagata e faaogaina



O AUALA E MAFAI ONA FESOASOANI AI TAITAI PERISITUA

Ao galulue faatasi taitai ma taitoalua o tagata o le ekalesia o loo tauivi ma ponokalafi, o a latou taumafaiga e faamautino e lagona e nei taitoalua le lagonaina ma malamalama i ai, e mafai ona tutusa lava le taua ma soo se fautuaga e mafai ona latou ofo atu. Mafaufau i fautuaga nei mai le Ministering Resources [Punaoa o le Auauna Atu] (ministering.lds.org):

- Fono faatasi e le aunoa ma tuuina atu le lagolago.
- la faamamafa atu le gafatia e le Faaola ona tuuina mai le faamalologa patino mo le toalua o le tagata e faaogaina ponokalafi (tagai i le Alema 7:11 ma le Mataio 11:28–30).
- Pe a talafeagai ai, valaaulia le tagata e mafaufau e auai i se fonotaga a le vaega lagolago e ala i le polokalama o le toe manuia mai vaisu po o se vaega lagolago talitusa faapena.

- Fesoasoani i le toalua ia malamalama e mafai ona ia maua ana lava musumusuga e iloa ai le auala e fautulaga ai ni tuaoi manino i le mafutaga ma i le aiga.
- Fesoasoani i le toalua ina ia maua se uo faatuatua po o se tagata o le aiga, o le e mafai ona tuuina atu le lagolago anoa i se tulaga faifai pea.
- Fesoasoani i le tagata o loo faaogaina ponokalafi e tali atu mo ana amioga ma lagolago lona toalua.
- Mafaufau e faasino atu le toalua o le tagata e faaogaina ponokalafi i fesoasoani faapolofesa po o faufautua. Faailoa mai punaoa i le lotoifale e tuuina atu auaunaga e ogatasi ma mataupu faavae o le talalelei.



Lalo: Sa matuai faanoanoa lava Kerri ina ua ia iloa luitau a lana tane i ponokalafi, ae sa ia maua le faamoemoe ma le faamalologa e ala ia Iesu Keriso ma Lana Togiola.

ponokalafi, lea na ou faitau ai i mea nei: “Faailoa atu lou alofa ma le manatu popole mo ia lava, e faapea foi mo lana tane. Faamanino atu e le nafa o ia ma le faaaogaina o ponokalafi po o le amio leaga a lona toalua ma e le o faamoemoeina e onosaia ia amioga faatautala.”

A o ma feiloai ma lenei tuafafine, sa ou mulimuli i lenei fautuaga ma faaopoopo i ai le faamautinoaga o faatinoga a lana tane sa le faatatau ia te ia, e le o se mea na ia [ava] faia pe sa lei faia foi, ae nai lo lena sa faatatau i se feteenaiga i totonu o lona [tane] lava loto. Sa ou matauina le oo ae o se malosiaga o le toomaga ma le mafanafana i ona luga a o amata ona ia malamalama i nei upu, ma lagonaina le faamautinoaga a le Agaga na moni lava. I le faaiuga o le faatalanoaga, sa ia talosaga mai pe mafai ona ou tuuina atu sona faamanuiaga faaleperisitua. Sa ou iloaina sa na o au le tagata e mafai ona ia liliu atu i ai mo se faamanuiaga, ona sa ia manao ina ia tausia pea le le faalauaitelaina o lona tulaga mai le aiga ma uo.

Ina ia fesoasoani i le faagasologa o le faamalologa, sa ou valaaulia ai le tane e auai i se vaega o le Au Paia o Aso e Gata Ai i le lotoifale o le toe faaleleia o vaisu, ma sa ou faamalosiau i lona toalua e auai atu i le vaega faapena mo taitoalua ma tagata o le aiga. Sa ia faamatala mai ia te au le faamafanafanaga sa ia lagonaina mai le feiloai ai ma isi tuafafine o e na malamalama i mea sa ia mafatia ai, ma le faamoemoe na tuuina mai ia te ia e vaai atu ai i ulugalii o e sa ua

lenei lava tofotofoga e tasi ma sa mafai ona manumalo faatasi ai.

Ua mavae nei ni nai masina talu mai la matou fonotaga muamua ma lenei ulugalii, ma ua tuputupu ae lou alofa ma le popole mo i laua o se taunuuga o a matou fegalegaleaiga e tele. E ui ou te iloa o lo la ala faifai pea o le a le aunoa ma mea faalavafau, ae o se fiafiaga ia te au le iloa o masina faaopoopo taitasi ua tausia ai e le tane o ia lava ia saoloto mai le tuinanau ma ponokalafi, ma vaaia le faateleina o le taua ma le mautinoaga o lona ava, lea ua iloa lelei lava.

I faatalanoaga talu ai nei ma i laua, o le matamataita ma loimata mai a matou uluai fonotaga ua suia i ataata soo ma e oo lava i le ata leoleoa. Ae atonu o le taunuuga silisili o le faamoemoe—faamoemoe e le gata e mafai ona faaauau le la faaipoipoga ae faapea foi ona i ai le gafatia e ave ma se mea matagofie ma le faaeaina.

Ae paga lea, ua ou iloa e le o ulugalii uma e oo i ai lenei taunuuga lava e tasi. O nisi faaipoipoga e le mafai ona manuia pe afai e musu le tagata e faaaogaina ponokalafi e alualu i luma. Ae ui i lea, e tusa lava po o le ala ua filifili e le tane, ua ou aaoaina o le fautuaga e auauna atu i ava e musuia. Ou te faamoemoe e leai se tuafafine i lenei tulaga o le a lagona e le amanaiaina o ia, sese ona faamasinoina, po o le le malamalama i ai o lona epikopo. O le auaunaga a le epikopo o se ala taua lea e faaali mai ai e le Faaola Lona mana e faamalolo atoatoa ai loto taitasi—e oo lava ia i latou o e “ua tuia i manua loloto” (Iakopo 2:35). ■



FAUTUAGA MA FAAMAFANAFANAGA MO TAITOALUA

“O tatou o taitai o loo popole tele foi i taitoalua ma aiga o i latou o loo mafatia mai le vaisu o ponokalafi. Sa augani mai Elder Richard G. Scott: ‘Afai o e saoloto mai se agasala matuia, aua nei e pologa fua i taunuuga o agasala a se isi tagata. . . . E mafai ona e lagonaina le agalofa. . . . Ae e le tatau ona tauave i ou lava luga se lagona o le noatiaina mo na amioga.’ Ia iloa e le o tuua na o oe. E i ai se fesoasoani. O fonotaga o le faaleleia mai vaisu mo taitoalua o loo maua, e aofia ai fonotaga e faia i telefoni, lea e faataga ai taitoalua e valaau mai i se fonotaga ma auai mai i o latou lava fale.”

Linda S. Reeves, fesoasoani lua i le au peresitene aoao o le Aualofa, “Puipuiga mai Ponokalafi—o se Aiga e Taulai atu ia Keriso,” *Liahona*, Me 2014, 16.

Tagatavaai I LUGA O LE OLO

“Ierusalem e, ua ou tofia e leoleo i luga o ou pa, latou te le faalologo e atoa le ao e atoa foi le po: ae faapea lava pea o outou o e tautauina leova, aua nei filemu outou.”

Isaia 62:6

Tagatavaai

O tagatavaai sa o ni leoleo sa faatulagaina i luga o se puipui po o totonu o se olo, ina ia mafai ona vaavaai solo mo, ma lapatai mai e uiga i ni mea matautia e agai mai mai se mea mamao. Sa faafaigaluegaina i latou e puipuia aai faapea foi ma tovine, fanua, po o laufanua e faatataa ai lafumanu.

Ituaiga o Olo


O olo i puipui o aai na masani ona fausia i faitotoa, po o i tulimanu (tagai i le 2 Nofoaiga A Tupu 26:9).

O olo i le faitotoa ma le tulimanu sa tuuina atu ai ni tulaga maualuluga lea e iloa atu ai mea matautia e agai mai ma tau faasaga atu ai i osofaiga a le fili (tagai i le 2 Nofoaiga Tupu 26:15).

O olo e malupuipuia

sa masani o ni fausaga e tutu lava na o latou e fausia i luga o ni tulaga maualuluga po o isi nofoaga na fuafuaina. O nisi taimi sa lava lo latou tetele e avea ma se sulufaiga mulimuli mo le faitau aofai o se aai atoa pe afai sa osofaia i latou (tagai i le Faamasino 9:46–52).

O olo i tovine, fanua, po o laufanua e faatataa ai lafumanu sa o ni fausaga laiti e fesoasoani e puipui ia laautoto ma lafu mai tagata gaioi ma meaola (tagai i le 2 Nofoaiga Tupu 26:10; Isaia 5:2; 27:3). E masani lava, o le fogafale pito i lalo sa o se potu na teu ai meafaigaluega.





O LE TIUTE IA LEOLEO

“I le gasologa o seneturi, ua faatau-nuu ai e perofeta lo latou tiute pe a

latou lapatai atu i tagata e uiga i mea matautia o loo i o latou luma atu. Ua noatia Aposetolo a le Alii i le tiute e leoleo, lapatai, ma aapa atu e fesoasoani ia i latou o loo sailia tali i fesili o le olaga.”

Elder M. Russell Ballard o le Korama a Aposetolo e Toasefululua, “O Le Atua o Loo i le Foeuli,” *Liahona*, Nov. 2015, 25.

MEA MONI MAI LE TUSI PAIA



I le Feagaiga Tuai, o nisi taimi e faatusaina ai le Alii i se olo malupuipua po o se olo o le sulufagiga (tagai i le Salamo 18:2; 61:3; Faataoto 18:10; 2 Samuelu

22:3), ae o nisi taimi e faatusaina ai perofeta i tagatavaai (tagai i le Isaia 62:6; Ieremia 6:17; Esekielu 3:17; 33:7; Hosea 9:8; Mika 7:4).

“Ua ou faia oe ma tagatavaai i le aiga o Isaraelu: o le mea lea ia e faalogo mai ai le upu a lou gutu, ma e apoapoai atu ia te i latou mai ia te au,” (Esekielu 3:17; tagai foi i le Esekielu 33:1–7).

Tagatavaai i luga o le olo:

E i ai se tulaga maualuga e vaai mai ai. I le avea ai ma auauna ua valaauina ma faamaoniaina e le Atua, o perofeta ua vavaeina mai le lalolagi, faalatalata atili atu ia te Ia, ma faatagaina e vaai i mea mai se vaaiga sili atu ona faalelagi.

Iloa mea e le mafai ona iloa e isi tagata uma. “Ae o se tagatavāai e mafai ona iloa e ia mea ua mavae, ma mea foi o le a oo mai, ma o le a ala mai ia te i latou ona faaali mai o mea uma lava, po o, lona uiga, o le a faaali mai ai mealilo, ma o le a faamalamalama mai ai mea ua natia, ma o mea ua lē iloa o le a faailoa mai e i latou, ma o le a faailoa mai foi e i latou mea semanu e lē mafai ona faailoa mai” (Mosaea 8:17).

E mataala. Ua i ai i perofeta se tiutetauave paia e lapataia i tatou i mea matautia o loo agai mai, ma o le a latou faaauau pea ona faia lea mea e tusa lava po o a manatu o tagata lautele po o mea e lilifa i ai tagata.

E lapatai mai i mea a o lei taitai oo mai. “O se perofeta e tausalaina agasala ma valoia ona taunuuga. O ia o se folafola o le amiotonu. I nisi taimi, e mafai ona musuia ai perofeta e valoia le lumanai mo le manuia o tagata” (Taiala i Tusitusiga Paia, “Perofeta,” [lds.org/scriptures/gs](https://www.lds.org/scriptures/gs)).

Ofo atu le saogalemu ma le puipuiga. O le mulimuli i lapataiga a perofeta, e mafai ai ona tatou maua le saogalemu ma aloese ai mai mala e ono oo mai ia i tatou, taitoatasi pe aoao, pe afai tatou te le usitai. ■



O SE AVANOA LONA LUA

O le taimi muamua sa ou feiloai ai ia te ia, sa ou uuina lau vaiolini.

Sa ia soso latalata mai ia te au a o ou savali atu i le potuai, ma na tau le pusa o lau vaiolini i lou vae.

“Vaiolini,” sa fai mai ai a o latalata mai o ia.

“Toe,” na ou fai atu ai.

Ou te lei matuai talanoa lava i se tagata sa i ai ni manaoga faapitoa ma sa ou le iloa se isi tala e fai atu. Sa taumulimuli mai ia te au i lau laulau ma saofai i ou autafa, ma faasino atu i le pusa o lau vaiolini.

“Vaiolini,” na ia toe fai mai ai.

Sa ou tatalaina le pusa o lau [vaiolini], ma sa matuai fiafia o ia. Sa ia soona iniina ia uaua. Sa tatavale lou fatu ina ua ou vaai faalemafaufau i le motu o se uaua mai lau vaiolini, ma faapea ona ou tapunia faaeteete ai le pusa. Sa ia opoina au ao lei aluese atu.

Sa ou vaai soo ia te ia i le mavae ai o lenei [feiloaiga].

“Vaiolini,” sa fai mai ai Viliamu ina ua latalata mai.

Soo se taimi lava sa vaai mai ai ia te au, na te opoina au ma sogi mai i luga o lou ulu.

Mo le taimi na totoe o le aoga maualuga, sa ou taumafai ai i taimi uma e alo mai ia te ia pe a ou vaai atu o sau. Pe a ona maua au ma faasoo au i ana fusi ma ni sogi susū, ou te onosaia lava mo ni nai sekone i se ataata fai faamalosi ona ou savali vave ese lea e aunoa ma le fai atua o se upu.

“Oi, lei,” sa ou memumemu ai ina ua ou vaaia o ia i lau konaseti mulimuli i le aufaili a le aoga maualuga. Ina ua uma le konaseti, sa savalivali malie mai o ia i le mea sa matou tutu ai ma au uo i fafo o le fale faafiafia.

Sa meimei i tua au uo ao sau o ia ia te au ma se ataata, ma faaloloa mai ona lima mo se opo.

“Viliamu!”

Sa ou faliu ma iloa atu se tamaitai o tamoemoe agai mai ia i matou.

“Faamalie atu,” sa ia fai mai ai, ma lave mai lona lima i le lima [o Viliamu]. “E fiafia tele Viliamu i le vaiolini. Sa aioi mai e aumai o ia i le konaseti i le po nei. Ta o, lau pele.”

Ana le oo mai i lena taimi, ou te lei iloaina lava lona igoa. Sa ou feiloai ia Viliamu i le

lua tausaga na tea atu, ae sa ou faaluina le tele o le taimi e alo ai mai ia te ia, na faapea ona ou le faia ai se taumafaiga e faamasani lelei ai ia te ia. A o ou vaai atu i le

o ese atu o Viliamu ma

lona tina, sa faapea ona faatumulia au i le maasiasi.

O tausaga mulimuli ane, ina ua uma ona ou faaipopo, sa ou fanauina ai se tamaitiiti aulelei e le atoatoa le malosi o lona mafaufau o le sa ma faaigoaina ia Spencer. E masani ona tau ou mafaufauga ia Viliamu ao ou vaavaai atu i lau tama tama, ma ou manatunatu pe mata o le a i ai ni aafiaga faapea o Spencer. Pe mata o le a alo tagata mai ia te ia ona e kisi soo pe fufusi tele ana opo? Pe mata o le a lē nofonofono lelei lana tupulaga ona o ona tulaga faatapulaaaina?

Ina ua fa masina le matua o Spencer, sa ou aveina o ia i le falemai o le matou lotoifale mo se siaki faatulaga. Ao ou aveeseina o ia mai le taavale, sa ou iloa atu ni tagata se toalua o o ese mai le falemai. I lou le talitonu, sa ou iloaina o Viliamu ma lona tina.

“Viliamu!” Na ou valaau atu ai ina ua ma latalata atu i ai, ma le tata leo-tele o lou fatu.

“Talofa!” Sa savali lemu agai mai o ia i le paka o taavale, ma se ataata tele na susulu ai ona foliga. Sa faaloloa mai ona lima ma uu atu ou lima i se faatalofa naunautai.

“O a mai oe?” Sa ou fesili atu ai ia te ia.

“Vaiolini,” na ia fai mai ai, ma sa susulu mai le fiafia i ona foliga.

Vaiolini. Sa ia manatuaina foi au. “Toe,” sa ou tali atu ai i se ata tagi, “Ou te taina le vaiolini.”

A o matou talanoa, sa siiie lou loto i le tatalo mo le alofa mutimutivale o se Tama oi le Lagi alofa o le Na Ia silafia lou moomoo ia ou toe feiloai ia Viliamu. Ou te faafetai ona na silasila mai le Atua ia te au—o se tina talavou tauivi sa lofituina i faafitauli o le soifua maloloina o lau tama tama, ma popole mo lona lumanai—ma tuuina mai ia te au se aafiaga na faamanatu mai ai ia te au ua Ia silafia i tatou. ■

Kaylee Baldwin, Arisona, ISA





Sa ou faalogoina le tuuina atu e le fafine o ni siliva na pei e le mafaitaulia i luga o le fata e totogi ai lana pili.

ALU E FESOASOANI I AI

Sa ou tu i le laina i se pamu kesi. SI luma atu o au, sa talosaga atu ai se tina ma ni tamaiti laiti se toalua mo se kesi e \$3 ma ni ipu aisa kulimi vanila se lua.

O le vaai muamua lava na mafai ona ou iloa ai e le tele ni a latou mea o le olaga nei sa i ai. O tamaiti sa leai ni seevae ma ofuina ni lavalava tuai ma masaesae.

Sa ou faalogoina le tuuina atu e le fafine o ni siliva na pei e le mafaitaulia i luga o le fata e totogi ai lana pili.

Ina ua uma ona totogi lau kesi, sa ou savali i fafo ma tilotilo atu i le taavale a le tina. O se ituiga taavale tuai lea atonu e le umi ona alu ae uma le kesi na utu.

Sa ou lagona sina faanoanoa alofa mo lenei tina e toalua le fanau, ae na ou faaolaina lau pasika ma

amata loa au fuafuaga o le aso.

E lei atoa se minute talu ona ou tietie atu i le alatele e fesootai ai aai ma taulaga, ae oo mai loa se leo ia te au: “Alu e fesoasoani i ai.” E faalua ona sau le uunaiga.

Sa lulu lou ulu, ma faapea ai ua alu. Ae o le a lau tala o le a fai atu ia te ia?

Sa manino le oo mai faatolu o le leo: “Alu e fesoasoani i ai!”

Sa ou toe liliu ma alu atu i le pamu kesi, ma taumafai e mafaufau po o le a lau tala e fai atu ia te ia pe afai sa i ai lava iina.

Ina ua ou taunuu atu, sa ou vaaia le matalatala o faitotoa o lana taavale. Sa i ai o ia i le nofoa o le avetaavale, ae o lana fanau laiti e toalua sa aai fiafia a laua aisa kulima i le nofoa pito i tua.

Sa ou faia se tatalo puupuu, e ole atu ai i le Tama Faalelagi po o le a lau

tala e tatau ona fai atu. Sa fai mai le leo lava lea e tasi ia te au, “Faailoa i ai oe ma fesili i ai pe na te manaomia se fesoasoani.” Sa ou oo atu i lana taavale ma faailoa atu lou igoa. Sa ou tau atu ia te ia sa musuia au e fesili atu pe na te manaomia se fesoasoani.

Sa amata ona tagi ma fai mai, “Na faatoa uma lava lau tatalo ia Iesu, e auina mai se tasi e fesoasoani ia te au.”

Sa tali mai le Tama Faalelagi i lana tatalo. Sa ou totogia e utu faatumu lana taavale i le kesi ma tuu atu ia te ia le numera telefoni a se tasi o le matou korama o le au toeaia sa sue ni ana tagata faigaluega i lena taimi. Ou te le iloa le mea na tupu mulimuli ane i lenei tina talavou, ae ou te faafetai ona sa ou mulimuli i le uunaiga e fesoasoani atu ia te ia. ■

Thomas Robbins, Kalefonia, ISA

AUA LE FANAINA!

Sa ma saofafai ma Papu i totonu o le ma taavale leoleo, e faatalitali mo se faailoga o se minoi i le auala. Na amata i le lua itula na muamua atu le ma suesuega faalilolilo ina ua ma vaايا le taavale sa taua mai i le leitio a leoleo e nofouta i ai.

“O loo faaaoga e le au faomea ni laaumalosi,” o le tala lea a le faailo. “E toalua alii, e faaaaupegaina uma.

E lei leva atu ona vaaia i laua i se taavale lanumoli. Fai mai molimau e sauā tele le aualii ma ua sauni e faapapa ia fana.”


Sa tutupu i le eria se faasologa o faomea faaaaupegaina, ae e ui lava i a matou taumafaiga sili ona lelei, na faafia ona sosola le au faomea. Sa vave ona sola ese ma lou mafaufau ia nei manatu, ina ua ou vaaia atu i ni

tagata se toalua o omai i fafo o se fale i le auala pogisa ma tulioso i totonu o le taavale lanumoli. Sa faapea ona la agai mai i le mea sa ma i ai.

Sa ou faapea atu, “Talosaga mo se vaega faaleoleo.” “Ua o atu i laua o loo masalomia i le itu i matu mai lo ma tulaga.”

Sa oso ae i luma o le taavale ia leoleo nana e toalua sa ofu savili i

E ui i le vevesi o lea taimi, ae sa ou faalogoina ai se leo. Sa toafilemu ae sa faatonu mai ma le malosi: “Aua le Fanaina!”



se taavale e le faailogaina, ao ma mulimuli atu ma Papu. Ina ua oo atu a matou taavale e tolu i luga o se alalaupapa, sa faafuasei ona tu faalava le taavale a le ma au faaleoleo i luga o le alalaupapa i luma o le taavale lanumoli ae ma paka atu ai i tua, e poloka ai le au masalomia. O le taimi lava lena, sa tu ai le taavale ae tau fai faapupuna ia tagata e toalua.

“Feosofi mai i fafo o le taavale ma tuu lua lima i luga o lua ulu!” O lau faatonu atu lea ina ua ou alu i fafo ma lau taavale. Sa leai se tasi na tali mai.

O le uumauina ai o le laaumalosi ma sauni ai e fana, sa ou toe poloai atu ai “Feosofi mai i fafo o le taavale ma tuu lua lima i luga o lua ulu. Fai nei loa!”

Na faafuasei ona ea ae le avetaavale ma faasaga mai ia te au. Sa ou iloa atu se meafaitino siliva na iila mai i ona lima.

O au aoaoga faaleoleo ma le faautauta sa faatonu mai e tatau ona eu le amoti e laveai ai lou ola. Ae e ui i le vevesi o lea taimi, sa ou faalogoina ai se leo. Sa toafilemu ae sa faatonu mai ma le malosi: “Aua le Fanaina!”

Sa ou manatu o le a fanaina au i lea taimi, ae sa ou faatalitali mo se tasi i totonu o le taavale e faapa muamua lana fana. Nai lo lena, sa tuu i luga e le avetaavale ona lima, ma sii i luga ae o lona ulu le mea na foliga i se fana, ma faapalasi ona lima i luga o ona vae.

“Faamalō!” Sa ou fai atu ao ou nanati atu i le taavale. “Aua nei minoi!”

Sa pei lena taimi o se ata i le televise—seia oo ina ou iloa o le au solitulafono saua sa i totonu o le taavale, o le mea moni o ni teine talavou matatau se toalua. O le mea lea na ou

manatu o se fana, sa na o le talauga o le fusipau o le nofoa.

E lei leva ae matou iloa, sa nono atu e teineiti le la taavale i a lau uo tama. La te lei iloa pe na faapei ia alii.

“Sa ou faapea ua e oti, Call!” Na fai mai ai Papu mulimuli ane. “Sa toetiiti lava a ou faapaina le fana. Ou te le iloa pe aisea na ou le faia ai.”

O le tala foi lena a leoleo nana e toalua ia sa i ai i le taavale e lei faailogaina, e ui sa nao au lava na lagonaina le leo. Ou te iloa e na o le mana o le lagi na mafai ona laveaiina na teineiti e toalua mai le oti, ma alii leoleo e toafa mai le faia o se measese matautia. O lenei aafiaga na ou maua ai se malamalamaaga mautinoa e faapea, e mafai ma o le a faasalavei mai lo tatou Tama Faalelagi mo lo tatou lelei. ■ Taofia le igoa

AOAO I LATOU E FAITAU LE TUSI A MAMONA

I le taimi o le ma auaunaga i le Misiona a Suitselani Sineva, sa valaauina ma vaetofia ai au e aveva ma peresitene o le paranesi, ae na valaauina lou toalua o se peresitene o le Aualofa. Sa ma galulue faatasi ma lo maua malosi atoa e toe faamalosi le paranesi sa tau faamalosi. E ui lava sa faatulagaina i le 1960, ae sa lei vaaia lava e le paranesi ni papatisoga mo le tele o tausaga ma e lei auina atu foi se faifeautalati i le misiona mo le 15 tausaga.

Sa iloa lelei lava lo matou manao-miaina o le fesoasoani a le Alii ina ia maua ai ni fofo mo le tele o faafilemu na feagai ma le paranesi. Ina ua uma ona ou tatalo e uiga i luitau o le paranesi, sa fetalai mai le Agaga o le Alii ia te au, “Aoa atu i tagata o le ekalesia e faitau le Tusi a Mamona, ma o le a faamanuiaina ai oe.”

O le taimi lava lena, sa matou faia ai ni fuafuaga e faatautino tagata uma o le ekalesia e amata faitau le Tusi a Mamona.

Sa mulimuli mai ai ni taunuuga maoae. Sa toe foi mai le toafilemu ma le Agaga i le paranesi. Sa auai ni aiga fou i le Ekalesia. O le faaosofia e ala i lona manao e auauna atu, sa alu ai se alii talavou i se misiona. Na faamalolosia le tele o faaipoipoga sa luitauina, ma sa faateleina le vavalalata o aiga. O loo faaauau pea ona alualu i luma lenei paranesi i le taimi nei.

Ua matou molimauina ma tagata o le paranesi le mana faavavega o le Tusi a Mamona. E moni lava o le maaauau o la tatou tapuaiga ma a tatou molimau o le talalelei ma ia Iesu Keriso. Ma te alolofa tele i ai ma o maua loto atoa. O se punavai o le malamalama e le uma ma e le masuia.

O lenei aafiaga na aoaoina ia i maua e faapea, o le Tusi a Mamona o le auala mautinoa lava lea e fesoasoani ai i o tatou uso ma tuafafine e o ese mai i fafo o ataata o le pogisa faaleagaga lea e ufitia ai le lalolagi. O lenei tusi e aumaia ai le toafilemu, olioli, fiafia, ma se naunautaiga malosi e mulimuli i le Faaola o Iesu Keriso. ■

Emilien Rioux, Quebec, Kanata

Iloaina o Mea Taufaaesese a Satani

Saunia e Dennis C. Gaunt

Sa ou tuuina ni tala Amerika se lua i totonu o lau atotupe i le faleoloa ae tau ai lau vaai i se tasi o tala pepa. Sa ou faapea o le lanu meamata sa fai si vaivai nai lo le lanu o isi, o lea na ou iloiloaina atili ai. Ona ou matauina lea o le ata o Peresitene George Washington sa lei manino lelei mai. Sa oo lava foi i le pepa sa ese lava le faalogona. O se tupe tautaaesese! Sa faafesuiai mai e le faatauolua i se tala pepa moi ae ave atu le tupe pepa tautaaesese i le pule o le faleoloa.

E tele lava ina ou mafaufau i lena tala pepa tautaaesese talu mai lena taimi. Sa ou mafaufau po o le a se umi talu ona faaoga ai ma pe toafia ni tagata na faavaleaina ai i le aluga o tausaga. O le mea moni, ana ou le mataala, semanu e faavalea ai foi ma au. Ae a faatusatusa i le mea moi ma taulai atu i eseesea nai lo o mea e tutusa ai, e mafai ona ou iloa ai sa o se tupe tautaaesese.

Ua tumu le Tusi a Mamona i faataitaiga o tautaaesese faaleagaga, o e na mulimuli i auala a Satani o le pepelo ma le faavaleaina o isi e maua ai a latou mea. O le sutesueina o a latou

togafiti ma vai, e amata ai ona tatou iloa a latou measese ma sasi i le ala lava e tasi lea e amata matau ai e mata ua aoaina le eseesea i le va o le tupe moi ma le tupe tautaaesese. O le tele ona tatou faamasani o la tatou vaai ia iloa eseesea, o le lelei saunia foi lea o le a tatou i ai e faailoa le au tautaaesese o aso nei ma tetee atu i a latou pepelo.

Aoina Mai o le Malamalama e uiga i Mea Taufaaesese a Satani

Ua saili Satani e taitai ese atu i tatou e ala i ana lava ituaiga o tautaaesese faaleagaga, ma afai tatou te le faaeteete, o le a faavaleaina i tatou. Sa lapatai mai Peresitene Iosefa F. Samita (1838–1918) e faapea: “O Satani o se tagata faataitai atamai, ma ao tuuina atu upumoni faamaoni o le talalelei i le lalolagi i se faateleina faifaipea, ua faapena foi ona ia faasalalau atu tupe tautaaesese o aooga faavae sese. Ia nofouta i ana tupe pepelo, aua e leai se mea e faatauina mai ai mo oe ae na o le faamoe, le fiafia ma le oti faaleagaga.”¹

O le puipuiga sili ona lelei e tetee atu ai i le faavaleaina e tautaaesese a

Pe a tatou feagai ma mea tautaaesese faaleagaga, e mafai ona fesoa-soani le Tusi a Mamona ia tatou iloa ai mea e moni ma mea e le moni.

Satani, o le faamasani lea i le mea e mafai ai i upumoni o le talalelei. O le loloto lava o lo tatou iloa o le upumoni, o le faigofie foi lea ona iloa o eseesea pe a tuu mai e Satani ia i tatou ana mea tautaaesese. A ia tuuina mai la, e manaomia ona tatou vaavaai mo eseesea ae le o mea e tutusa ai, pei lava ona sa ou faia i au tala pepa, aua o iina o le a faaalua ai i taimi uma ia pepelo.

Sa aoa mai e Peresitene Ezra Taft Benson (1899–1994) e faapea: “O



le Tusi a Mamona e faailoa ai fili o Keriso. . . . Na mamauina e le Atua le Tusi a Mamona, faatasi ai ma lona muai silafia le mafuatiaina ina ia mafai ona tatou iloa ai le mea sese ma iloa ai auala e faafetaiaia ai manatu sese faaleaoaoga, faaupufai, faalelotu, ma faafilosofia o o tatou aso.”²

I le taimi nei o loo tatou tau ai ma Satani. O i tatou, e pei o soo se autau, e tataua ona tatou iloa po o a mea a le fili o fai. Le iloina o le taimi ma le nofoaga o le a osofaia e le fili, mo se

faataitaiga, e mafai ona avea ma faamatalaga taua tele. O le mafuaaga lena ua taua ai le maua mai o faamatalaga faapena o le “aoina mai o le malamalama.” O le iloa o lo tatou fili, o le ia atamai atu nai lo lo tatou fili. O le Tusi a Mamona e mafai ona fesoasoani ia i tatou i le “aoina mai o malamalama” i metotia taufaasese a Satani.

O Faaupuga Faaviivii e Taufaasese

E silia ma le afa o mea taufaasese i le Tusi a Mamona ua faaoga ai

faaupuga faaviivii ma se uiga tausaaafia e ausia ai a latou sini. Mo se faataitaiga, o Selema, “sa ia te ia se malamalama atoatoa o le gagana a le nuu; o le mea lea sa mafai ai ona ia faaoga o le taufaasee tele, ma le mana tele o le tautala, e tusa ma le mana o le tiapolo” (Iakopo 7:4). Sa tautatala faitaulaga amioleaga a le Tupu o Noa “i upu lē aoga ma taufaasese” (Mosaea 11:7), o lea na mafua ai ona faia e tagata le ifo i tupua ma isi amioleaga. Na maua foi e Korioa ni taunuuga faapena i ona

vaitaimi, “taitai ese atu ai loto o le toatele” (Alema 30:18). Sa faaoga uma e Amalekia ma Katianetona lo laua masani i upu faaviivii e faatutuina ai ni autau o tagata amioleaga na mulimuli ia i laua (tagai i le Alema 46:10; Helamana 2:4).

E le faafuasei lenei mea. O upu faaviivii e papau, le faamaoni, o’o, ma faatele. Na lapatai mai Nifae e uiga ia i latou o e “o le a latou aoao atu i lenei ala mataupu faavae sese ma lē aoga ma valea, ma o le a faafefeteina i o latou loto, ma o le a latou saili loloto e nanā mai le Alii a latou taupulepulega; ma o a latou galuega o le a faia i le pouliuli” (2 Nifae 28:9).

E masani ona faaoga upu faaviivii e olegia ai; e masani lava ona i ai se faamoemoega faalilolilo po o se fuafuaga o loo natia. O upu faaviivii e faataata uma lava i le auala na fai atu ai se faaupuga, nai lo o le faaupuga moni na fai atu, ma e manaia tele i le tuinauava ma le faamaualuga o le tagata o le lalolagi i totonu [o se tagata]. Ae peitai, ua tau mai e perofeta a le Alii ia upumoni faigofie ae taua e *manaomia* ona tatou faalogo i ai.

O upu faaviivii o le gagana lea e tautala ai Satani. Na faamalalama mai e Peresitene James E. Faust (1920–2007), Fesoasoani Lua i le Au Peresitene Sili, e faapea: “O le leo o [Satani] e masani ona logo lelei ma faigofie ona taliaina ana savali. O se leo moomia, faaoleole ma le malie. E le malo pe pavale. E leai se tasi e fia faalogo i le leo o Satani pe ana malomaloā pe saua.”³



“[O le leo o Satani] o se leo moomia ma faaoleole. . . . E leai se tasi o le a faalogo i le leo o Satani pe afai e malomaloa ma saua.”

Pe a faailoa mai e le lalolagi ia i tatou se manatu, filosofia, po o se taofi lea e foliga mai e faateleina ai o tatou lagona o le tuinauava po o le faamaualuga, po o se mea ua lelei tele ma ua faigata ona talitonu i ai, e tatau ona ave lenei mea ma se lapataiga ia i tatou i le taimi lava lena. Ia taulima na manatu o ni mea taufaasese. Ia faatusatusa agai i upumoni na aoao mai e perofeta a le Alii. Vaavaai mo ese-ese, ae le o mea e tutusa ai, ma o le a oo ina iloa lelei lava o ni manatu taufaasese.

O Neoa—o se Taufaasese Lauiloa

Sa tele ina faaoga e Neoa metotia a Satani o upu faaviivii. Sei o tatou iloilo o ia e fai ma tulaga e aoao ai e uiga i se taufaasese faaleagaga. O Neoa, o ana aoaoga faavae na foliga

mai na aofia ai le manatu e uiga i se togiola, sa o se faifeau lauiloa ma tausaaafia i sa Nifae. Sa maua e Neoa ni tagata e toatele na mulimuli ia te ia e ala i le aoao atu e faapea, “ua faaolaina tagata uma i le aso mulimuli” ma “maua [e tagata uma] le ola e faavaavau” (Alema 1:4).

E mafai ona tatou iloa le mafuaaga o le a matuai manaia ai le savali a Neoa? Sa ia aoao atu e uiga i se Atua e le popole lava ma tuufau [i tagata]—o se Atua o le, ona o Lona alofa i tagata uma, o le a faaolaina ai tagata uma, e le afaina lava pe a. O lea ia fai lava le mea tou te mananao i ai, aua e lelei uma lava. O se filosofia faatosina sa taliaina tele e tagata i aso o Neoa (tagai i le Alema 1:5) e pei foi ona talia e le toatele o tagata i aso nei. O se pepa malaga fua i le lagi, o se mea

lea e manino lava le mananao i ai o tagata.

O le a la le faafitauli i le savali a Neoa? Sei o tatou toe tagai i vaega autu o ana mafuaaga:

- Na foafoaina e le Atua tagata uma—moni.
- E alofa le Atua i tagata uma—moni.
- E tatau ona tatou fefefe i le Atua—moni.
- E tatau ona tatou olioli i le manatu o le faaolataga—moni.

E oo mai i le taimi lenei, o loo tele mea e tutusa ai i le va o mea na aoa atu e Neoa ma upumoni o le talalelei. Ae ia manatua—e pei lava o tupe taufaasese, e tatau ona tatou vaavaai mo eseese, ae le o mea e tutusa ai. Sei o tatou tagai la i le manatu mulimuli a Neoa:

- O le a tuuina mai e le Atua i tagata uma le ola e faavavau—sese!

O le eseese taua lea e tau mai ai o Neoa o se taufaasese faaleagaga. O le faaolataga mai le oti faaletino e faamaonia mo tagata uma, ae o le faaolataga mai le oti faaleagaga e faalagolago i lo tatou naunau e salamo. Afai tatou te salamo, ona mafai lea ona tatou maua le ola e faavavau (tagai i le Iakopo 6:11). Ae e leai se tietie fua.

Na Iloa e Kitona ma Alema le Taufaasese

Sa aliali ae le mea leaga a Neoa i le aso na la feiloai ai ma Kitona, o se

faiaoga amiotonu i le Ekalesia a le Atua. Sa tetee malosi atu Kitona i le Tupu o Noa i tausaga na muamua atu ma sa faapea ona masani ai i taufaasese faaleagaga (tagai i le Mosaea 19:4–8). “Sa amata [e Neoa] ona ia finau malosi ma ia, ina ia mafai ona ia taitai ese tagata o le ekalesia; peitai sa tutetee malosi atu lenei tagata ia te ia, ma aoai o ia i le afiga a le Atua” (Alema 1:7). Na iloa e Kitona o Neoa o se taufaasese. O le taimi lava na faaalai ai le moni e uiga ia Neoa, sa ia faaogaina loa le isi metotia a Satani—o le fasioti tagata. Ae sa lei le aoga le oti o Kitona. Na aumai e tagata ia Neoa taufaasese i luma o Alema ina ia faamasinoina.

Sa iloa e Alema e le gata sa tausaina Neoa i le faitaulaga pepelo ma le fasioti tagata, ae faapea foi, afai e le taofia le faafaitaulaga pepelo i tagata “o le a avea ma mea e mautinoa ai le faaumatiaina atoa o i latou” (Alema 1:12). O lea na faasalaina ai Neoa i le oti, ma mafatia ai “i se oti maasiasi lava” (Alema 1:15).

O Kitona ma Alema o ni faataitaiga mo i tatou. A i ai le Agaga faatasi ma i tatou, o le a tatou vaai ma faalogo “i mea e pei ona i ai moni lava” (Iakopo 4:13). O le a tatou iloa fuafuaga ma faiga taufaasese a Satani “ma se malamalama atoatoa, e pei o le malamalama o le ao mai le pouliuli o le po” (Moronae 7:15).

E atamai lo tatou fili “taufoasese”, ae e pei o Kitona ma Alema, e mafai ona sili atu lo tatou atamamai. E pei ona sa amata ona faasolosolo malie



E FAASALALAU E SATANI IA PEPELO

“O Satani, lo tatou fili e manao ia tatou toilalo. Na te faasalalauina pepelo o se vaega o ana taumafaiga e faaumatia lo tatou talitonuga. Na te fautua mai ma le poto e faapea o le tagata masalosalo, lē talitonu, ma lē mautonu e sili ma atamai, a o latou e faatuatua i le Atua ma Ana vavega e vālea, tauaso, ma faaseseina. O le a fautua mai Satani e lelei le masalosalo i meaalofa faaleagaga ma aoaoga a perofeta moni.”

Peresitene Dieter F. Uchtdorf, Fesoasoani Lua i le Au Peresitene Sili, “Aua le Mata’u, Tau Lava Ina [Talitonu],” *Liahona*, Nov. 2015, 78.

ona ou iloa le eseese i le va o au tai tala pepa, e mafai foi ona faamasani malie o tatou mata faapea foi ma o tatou mafaufau ma agaga ia iloa le eseese i le va o mea moni ma pepelo. A o tatou faia faapea, o le a tatou iloa le au taufaasese ma tetee atu i a latou pepelo. ■

E alala le tusitala i Iuta, ISA.

FAAMATALAGA

1. Joseph F. Smith, *Gospel Doctrine*, lom. Iona 5 (1939), 376.
2. *Aoaoga a Peresitene o le Ekalesia: Ezra Taft Benson* [2014], 148.
3. James E. Faust, “O Le Malosiaga o le a Laveaiina Ai i Tatou,” *Liahona*, Ian. 2007, 4.

Fuaina o Faamanuiaga i Matakasa

Saunia e Mindy Anne Selu

Mekasini a le Ekalesia

I na ua uma ona mafatia lona toalua i le nutimomoia i se maitaga na fafano i lona maitaga muamua, sa lagona e Solofo Ravelojaona e faapea, na taliina a laua tatalo i se tausaga mulimuli ane i le la maitaga lona lua. Sa mafaufau i laua ma lona toalua o Hary Martine i le fanau mai o le la tama teine o se tasi lea o o laua faamanuiaga silisili. Na faamatala e Solofo, “Ona sa ma ole atu i le Atua ma na Ia tuuina mai o ia ia i maua, o lea na ma faaigoaina ai o ia, i se igoa e faauigaina i le [gagana] Malakasi o le ‘tali a le Atua.’”

O Solofo, o se talavou matua mai Matakasa, o loo taofi mau pea i le malamalama e faapea, e tali mai le Atua i tatalo ma faamanuia mai i e faamaoni i le taimi e tata ai. “O le olaga e faigata,” o le tala lea a Solofo, “ma a le maua e tagata mea latou te manao ai, e amata ona tuufesili isi, ‘Aisea na tupu ai lenei mea ia te au?’ Latou te ono tuua le Ekalesia pe fesiligia o latou talitonuga i le Atua. Ae a tatou ola i le talalelei ma faitau i tusitusiga paia, e sili atu ona faigofie. Pe a tatou ola moni lava i le talalelei, e mafai ona e iloa lelei ia faamanuiaga.”

O le ola ai i se atunuu e ogaoga luitau, e pei o le malosia o le mativa, le mautu i le faigamalo, o le vaivai o galuega tetele, ma faalavelave faanatura, e manino lava le pogai ua fai mai ai Solofo e faigata le olaga. Ae mo ia, o faamanuiaga e aumaia e le ola ai i le talalelei e sili mamao atu nai lo soo se faigata. “E le mafai ona ou faitaulia faamanuiaga ou te maua, pe a ou ola i le talalelei,” o lana tala lea.

Ona e fai lava si fou o le Ekalesia i Matakasa (o le paranesi muamua sa faatuina i le 1990), fai mai Solofo, o le vaega aupito faigata i le aveai ma se tagata o le ekalesia o talafeaveai ma manatu sese e uiga i le Ekalesia. Fai mai Solofo, e pei lava o le faaaliga a Liae i le laua o le ola, “atonu e le mafai ona talia atoatoa e tagata le talalelei ona latou te lagona le maasiasi i luma o a latou uo ma fefefe ina nei teina i latou e o latou aiga.” O le mea e ese ai Solofo, na ia fautua mai ai o le, “Ou te lei maasiasi lava. Ou te ola i le talalelei, ma ou te manao i taimi uma e faasoa atu i au uo, e ui o nisi o i latou e le mananoa i ai.” E masani ona ia faasoa atu lana molimau faatauva, i le tele o taimi o lea na faaigoa

**E ui lava i le fetu-
tuanai faaupufai ma
faigata o le tamao-
aiga i lona atunuu,
e faalagolago Solofo
i faamanuiaga e oo
mai mai le ola ai
i le talalelei.**

ai o ia e tagata latou te faigaluega o le “faifeau.”

I le lotolotoi o fesouaiga o le tamaoaiga ma faaupufai, o loo faalagolago ai Solofo ma Hary Martine i faamanuiaga o a laua feagaiga o le malumalu (sa laua faaipoipo i le Malumalu o Johannesburg Aferika i Saute ina ua taitasi tausaga talu ona maea a laua misiona—o Solofo i Uganda, ao Hary i Matakasa), faapea foi ma lo laua faalagolago i le Alii. “Ua ia te au le talalelei, ma ua tuu atu lava lou ola i aao o le Atua,” o le faamalalama mai lea a Solofo. E mafai ona ia faalagolago i lana molimau mausali aua ua i ai lona faatuatua i “tali a le Atua.” ■



O NISI MEA E UIGA IA SOLOFO

O a ni meaa i e te fiafia e ai?
 O meaa i matou te aai ai o le araisa—e tele le araisa. O se tasi o mea ou te fiafia lava i ai e tau o le *ravtoto*. Matou te faaaogaina se meafaigaluega faapitoa e tui ai lau kasava i ni vaega ninii ona asu faatasi lea ma le araisa ma le faspuaa.

O a ni mea e te fiafia e fai i ou taimi avanoa?

Ou te fiafia e tata le piano feaveai, pese ma faitautusi. Ona na silafia e le peresitene o le paranesi ou te fiafia e pese ma e mafai ona ou taina le piano feaveai, ina ua ou sau i le paranesi, sa ia saunoa mai, “A, lea ua maua le tagata e taitaia le aufaipese,” ma sa ou ofoina atu i ai lou taimi. Sa lei i ai muamua se latou aufaipese, ae na amata ona ou aoaoina i latou, ma o le taimi nei ua latou fiafia i ai.

O MEA MONI E UIGA IA MATAKASA

Gagana: Faa-Farani, Malagasy [Malakasi]
 Laumua: Antananarivo

E ALA I FUAINUMERA

- 22,005,222 tagata (latalata i le 2012)
- O le 80 pasene o meaola e maua i Matakasa e le maua i se isi lava mea i le lalolagi
- O le motu e lona 4 le tele i le lalolagi
- O le 60 pasene o le vanilla a le lalolagi e aumaia mai Matakasa

O LE EKALESIA I MATAKASA

- 9,190 le Au Paia o Aso e Gata Ai
- 37 uarota ma paranesi
- 2 siteki
- 1 misiona







Saunia e Elder
Dale G. Renlund

O Le Korama
a Aposetolo
e Toasefululua

MAUSALI FAALEAGAGA: FAUSLAINA O SE VAA E LE GOTO

*Tatou te manaomia le lava o le mausali faaleagaga
e faatautaia lelei ai o tatou olaga i le olaga nei ma toe foi
saogalemu atu ai i lo tatou aiga faalelagi.*

I le amataga o le seneturi lona 17, sa poloaiina ai e le tupu o Suetena o Gustav II Adolf, le fausiaina o se vaatau o le a faaigoaina o le *Vasa*. Sa anoanoai le tele o punaoa na manaomia ai, ae maise lava o le aruna lea o le a fauina ai le vaa. Sa mataituina ma le totoa e Gustav Adolf le faagasologa o le fauga, ma taumafai ia mautinoa o le a ausia atoatoa e le *Vasa* ona faamoemoega.

Ina ua amata le fauga, sa faatonu ai e Gustav Adolf ia fau faaumi atu le *Vasa*. Talu ai ona na uma ona fau ia lagolago o le lautele mai le aruna anagata, o lea na faatonu ai e le tupu le au tufuga e faaopoopo le umi o le vaa e aunoa ma le toe faaopoopoina o le lautele. E ui lava sa iloa e tufuga fauvaa atamamai o le faia o lenei mea o le a fetuunaia ai le gafatia o le folau saogalemu o le *Vasa*, ae sa mumusu e tau i le tupu se mea na latou iloa sa lei fia faalogo i ai. O lea na latou usitai ai [i le tupu]. Sa manafoi Gustav Adolf ia le na o le tasi le fogavaa o lenei vaa e i ai fana e pei ona masani ai, ae ia tuu ni fanafanua i fogavaa e tolu, ma ia tuu fanafanua aupito sili ona mamafa i le fogavaa pito i luga. Ma, sa usitai foi tufuga, ae na le tusa ai ma lo latou silafia lelei.

I le aso 10 o Aokuso, 1628, sa amata ai e le *Vasa* lana malaga muamua. Ina ua tuua e le *Vasa* le uafu, sa taia e se savili malosi ona la, ma amata ai ona malifa le vaa. E lei umi, “ae tifato ma pisi atu ai le vai i ava o fanafanua seia oo ina alu ifo malie lava i le taele o le sami ma ona la, tagavai ma mea uma.”¹ Na pe a ma le 4,200 futu (1,280 m) le mamao o le malaga muamua a le *Vasa*.

O le manafoi Gustav Adolf mo se faailoga o le maoae o lona paoa na faaleagaina ai le mamanu o se mea na semanu o se vaa folau matagofie, le vaatau sili ona malosi o lona vaitaimi. O le mumusu o tufuga fauvaa e tautatala atu—o lo latou fefefe i le toasa o le tupu—na le silafia ai e le tupu lo latou atamamai ma le mala-malama. Na aveesea le taulaiga a tagata uma na aafia ai i sini o le galuega faatino: ia puipuia Suetena ma ia faalauiloa atu ai i atunuu i fafo lona manaia. O se vaa e taumafai e tetee i tulafono o le fisiki ua na o se vaa o le a le opeopea.

Ina ia mafai ona tatou faatautaia ma le manuia o tatou olaga i le olaga nei, tatou te manaomia le lava o le mausali faaleagaga e faafetaiaia ai maagao ma maafaalavea aao, fai suiga e manaomia, ma toe foi saogalemu atu i lo tatou aiga faalelagi. O loo i ai mea e mafai ona tatou faia e faateleina ai lo tatou mausali faaleagaga. O le a ou taua ni mea se fa.

O le usitaia o Poloaiga a le Atua

O le muamua, o le usitaia o poloaiga a le Atua. E pei lava ona sa aafia le *Vasa* i tulafono faaletino, tatou te aafia uma i tulafono faaleagaga. E leai se tasi e sao ai. E tatau ona tatou usitai i nei tulafono faaleagaga, lea ua tatou taua o poloaiga a le Atua.

O le galulue ai ma tulafono faaletino i le fauina o le vaa, atonu na pei na taofiofia ai Gustav Adolf, ae na semanu e le goto le *Vasa* ao lei amataina lana misiona pe ana usitaia nei tulafono. Nai lo lona, semanu e i ai le saolotoga ma le maufetuunaia ina ia ausia ai le mea na faamoemoeina e fai.

E faapena foi la, o le usiusitai i tulafono a le Atua e faasaoina ai lo tatou saolotoga, fetuutuunai, ma le gafatia e ausia ai o tatou faamoemoe. O poloaiga e le o faamoemoe e faasasa ai i tatou. Nai lo lona, o le usiusitai e tau atu ai i le faateleina o le mausali faaleagaga ma le fiafia umi.

O le usiusitai o le tatou lava filifiliga lea. Na fetalai Iesu, “Faauta, ua ou tuu atu ia te outou poloaiga; o lea ia outou tausii au poloaiga.” (3 Nifae 15:10). E faigofie lava. Filifili loa. Filifili nei e usiusitai atoatoa. E leai se mea o le a atili faateleina ai le mausali faaleagaga. E leai se mea o le a tuuina mai ia i tatou le saolotoga sili atu e ausia ai misiona o o tatou olaga.

Faalogo i Fautuaga ma Avea ma ni Tagata Aoaoina o le Olaga Atoa

Lona lua, e tatau ona tatou gauai ma faalogo atu i fautuaga mai punavai faatuatuaina ma tautino atu i tatou lava ia avea ma ni tagata aoaoina o le olaga atoa.

O se tasi o tulaga lamatia o le mauaina o le atamai o le faausili lea e mafai ona oo mai pe a tatou mafaufau ua tele mea ua tatou iloa, ma ua leai se mea o totoe e aoaoina. Ua tatou vaai uma i lenei mea i tagata taitoatasi o e ua faalagolago tele foi i lo latou lava atamai. E faigata tele ona aoao se tagata ua manatu ua ia iloa mea uma.

O le nofouta ai i lenei mea, ma le naunau ia avea ma se tagata aoao o le olaga atoa, na saunao ai Peresitene Henry B. Eyring, Fesoasoani Muamua i le Au Peresitene Sili e faapea, “O loo pei lava au o se tamaitiiti, o le a tele ni mea e tatau ona ou aoao ai. E toetoe lava o tagata uma e mafai ona latou aoao mai se mea ia te au.”² Ina ua ia tuuina mai ai le valaauga ia te au e avea ma se Pulega Aoao, sa aoao mai e Peresitene Eyring se lesona taua ia te au. Sa ia saunao, pe a faalogo atu o ia o faamatala e se tagata se tala sa ia faalogo muamua i ai, pe faaoga se mau ua ia iloa lelei, e fesili ifo ia te ia lava, “Aisea ua faamamafa mai ai e le Alii lona mea mo au?” ma “O le a se mea ou te lei aoaoina mai lona tala po o le mau?” Afai tatou te mananao e faateleina lo tatou mausali faaleagaga, o le a tatou naunau e aoao ma o le a lava lo tatou lotomauualalo e talia ai taitaiga e tusa lava po o le a lo tatou matutua ma le poto masani.

O la tatou lava filifiliga. E mafai ona tatou faalogo atu ma usitai i fautuaga e tuuina mai ia i tatou e taitai o le Ekalesia, ae maise lava o i latou tatou te lagolagoina o ni perofeta, tagatavaai ma talifaaaliga; e matua; ma uo faatuatuaina—pe leai foi. E mafai ona tatou saili e avea ma ni tagata aoao o le olaga atoa—pe leai foi. E mafai ona tatou faateleina lo tatou mausali faaleagaga—pe leai foi. Afai tatou te le faateleina lo tatou mausali faaleagaga, o le a pei i tatou o le *Vasa*—o se vaa e le opeopea.





✦ *Auauna Atu i Isi*

Lona tolu, o le taulai atu o manatu ma taumafaiga i fafo atu, tausiga o isi, ma le auauna atu i isi, e faateleina ai lo tatou mausali faaleagaga.

E manino lo tatou iloa atu o le faavavau pe a tatou taulai atu i isi ao tatou saili e fesoasoani i fanau a le Tama Faalelagi. Na ou iloina e sili atu le faigofie ona maua o musumusuga pe a ou tatalo e fia iloa pe mafai faapefea ona ou fesoasoani atu i se isi tagata nai lo na o le tatalo mo au lava.

Atonu tatou te talitonu e i ai se taimi i le humanai o le a tatou i ai i se tulaga lelei atu e fesoasoani ai. O le mea moni, o le taimi lenei. Ua tatou sese pe afai tatou te mafaufau o le a sili atu ona faigofie pe a tele atu o tatou taimi, tele atu ni tupe, po o le tele atu o soo se mea e auauna atu ai i isi. E tusa lava po o a tulaga, o loo i ai sa tatou filifiliga. Pe o le a tatou fesoasoani atu i isi pe leai? Tatou te le pasia le suega taua o le olaga nei pe afai tatou te le filifili e fesoasoani atu ia i latou o manaomia le fesoasoani. Ma, afai tatou te fesoasoani atu, tatou te faateleina ai lo tatou lava mausali faaleagaga.

✦ *Avea Iesu Keriso ma o Tatou Faavae*

Lona fa, o le mea mulimuli, ma e sili ona taua, e faateleina lo tatou mausali faaleagaga e tusa ai ma le maualuga lea tatou te faatuina ai Iesu Keriso e aveia ma o tatou faavae.

A aunoa ma Keriso, e fetosoai i tatou e pei o se vaa e felafaiina i luga o galu. E leai so tatou malosia aua ua leai sa tatou la. Tatou te le mausali, ae maise i taimi o afa, aua ua leai se tatou taula. E leai se taitaiga po o se faamoemoega aua ua leai ni a tatou mea e uli ai. E tatau ona tatou aveia Keriso ma o tatou faavae.

Ina ia mafai ona feagai, faatoilalo, ma ia saunia mo maagao ma maafaalavea aao o le olaga, e ao ona tatou usitai i poloaiga a le Atua; ia lotomauualalo, manaio, ma naunau e aveia ma tagata aoao o le olaga atoa; auauna atu i isi; ma faatuina Iesu Keriso e aveia ma faavae o o tatou olaga. A tatou faia faapea o le a faateleina lo tatou mausali faaleagaga. E le pei o le *Vasa*, o le a mafai ona tatou toe foi atu i le uafu saogalemu, ua faataunuuna lo tatou faamoemoega. ■

Mai se faigalotu a le Iunivesite o Polika Iaga na faia i le aso 16 o Sete., 2014. Mo le tusiga atoa i le faaPeretania, asiiasi i le speeches.byu.edu.

FAAMATALAGA

1. Tusi mai le Aufono a le Malo o Suetena i le Tupu o Gustav II Adolf; faaliliuga na sii mai i le Richard O. Mason, "The *Vasa* Capsizes," virtualschool.edu/mon/CaseStudies/Vasa/vasa.html. E tele tala o le *Vasa* o loo i ai; tagai, mo se faataitaiga, vasamuseet.se/en mo le tala faasolopito ma isi sootaga.
2. Henry B. Eyring, i le Robert I. Eaton and Henry J. Eyring, *I Will Lead You Along: The Life of Henry B. Eyring* (2013), 409.

AIKONA MA ATAPUE O LE VAA © LUBUBACHKA/THINKSTOCK, MICHELEBOLERO/THINKSTOCK, DAVID HARDING/THINKSTOCK

AOAO E TA SE VIIGA *i le 10 Minute!*

Tuufaatasia ma Fetuunai e Daniel Carter

Vaega o Musika a le Ekalesia ma Faatufugaga Faaleaganuu

Afai e te lei taina muamua le piano, ae sa e manao i taimi uma e aoao, o lou avanoa lenei. Pau lava le mea e te manaomia o se piano feaveai. E tusa lava pe e le o i ai sau piano i le fale, e mafai ona e alu ma ave le tusiga lenei i se nofoaga e i ai se piano po o se piano feaveai e amata aoao ai.


O le lesona lenei e ese le faatauva ma faigofie lea o le a mafai ona e taina se viiga pe a oo ina uma.

O le mea moni, e mafai ona e taina le fati o le viiga i le lesona lenei i le pe a ma le 10 minute!

Ua sauni? Tatou amata!

Sauni e Ta le Piano

1. A o saofai i le piano ma tuu ou tamaillima i luga o le piano feaveai, ia tulei i tua le nofoa i le mamao e pipio teisi ai ou tulilima.
2. Saofai i le ogatotonu o le nofoa, i luma tonu o le ogatotonu o le piano feaveai.
3. Saofai i le faatausiusiuga pito i luma o le nofoa ma faasao lou papatua ma lou mamafa agai i luma.
4. Tuu ou vae i luga o le fola.
5. Saofai faalelei, ma faatumau lelei lou nofoa.
6. Ia mautinoa o loo malamalama lelei e te iloa ai le musika ma le piano feaveai.





7. Tu i luga. Tuu ou lima i ou autafa e faamalolo ai. Matau le otometi ona faaofuofu, e pei o loo uuina se polo. Ao e toe saofai, tuu ou tamailima i luga o le piano feaveai, ma ia faatumau ai lava le faaofuofu lena.
8. Tuu ou lima i luga ae o le piano feaveai, ma faapapai ou tamailima latalata atu i le ogatotonu o le vaega tele o ki

papae. Tuu ou alofilima i luga ae o le piano feaveai, ia aua nei papai i luga o ki po o luga foi o le laupapa i lalo ifo o ki.

9. Oomi le ki i le vaega malu o lou tamailima i lalo ae tonu o le tumutumu o le tamailima. Ia tausisia pea le faaofuofu o tamailima taitasi, sii mai i le tuelima o le tualima. Ao e oomia le ki, faapipio pea sooga o ou tamailima.




Ta e ala i Numera o Tamailima

Ina ia fesoasoani e tuu sao le tamailima i ki taitasi, ua faanumera ai tamailima e pei ona faaalii. Ua tusi numera o tamailima i autafa o nota i le itulau.

Tuu lou lima i luga ae o soo se vaega o ki tailima, e tuu tamailima taitasi i luga ae o se ki e tasi. Faatitai numera o tamailima i le taina o ki i le tamailima sao e pei ona faaalii. O nota e i ai au e o agai

i luga e mo le lima taumatau. O nota e i ai au e o agai i lalo e mo le lima agavale.



Taina o le “E I Ai se Mauga Lanu Vao”

Tuu ou lima i luga o le piano feaveai e pei ona faaalua i lalo.

Faaaoga vaega o ki uli tailua ma taitolu e fesoasoani e maua ai le tulaga sao.

Ta le viiga lenei, i le mulimuli i numeru o tamailima e pei ona faaalua. O nota e i ai au e o i luga e mo le lima taumatau, ae o nota e o i lalo au e mo le agavale. Faataitai le viiga seia oo ina e masani lelei i ai. Faaaoga mataupu faavae o le auala lelei e faataatitia ai tamailima ua lisiina i le lisi o mea e iva e fai.


Ia o lenei la ua faailoa atu oe i le taina o le piano ma ua e aoaoina se fati o se viiga faigofie. Ina ia taina isi viiga, e manaomia ona e aoaoina nisi o mataupu faavae autu e uiga i pao, aluga [o le musika], ma nota.

O le vaega sili ona lelei lenei: o le lesona na faatoa e aoaoina o le lesona muamua lea i le Church Keyboard Course, o loo maua i gagana e ono mai le faletusi a le Ekalesia.¹ O faatonuga faigofie e mulimuli ai, e fesoasoani e te aoao ai oe lava pe o ni vaega. E mafai foi ona e faaaoafia ai lou aiga atoa i le aoaoina faatasi o le piano, o se

gaoioiga o le afiafi faaleaiga. E na o le ono vaiaso e mafai ona faamaeaina ai le kosi.

E tele suesuega ua faaalua ai o lesona patino o musika e fesoasoani e alualu ai i luma le tulaia atu o tamaiti aoga, maoae i tulaga faaleaoaoga, ma tomai i talatalaga.²

E ala i le aoaoina o tomai o le musika, tatou te atiina ae ai taleni ua tuuina mai e le Alii ia i tatou, faateleina lo tatou malamalama, ma aoao ai le tele o auala eseese e mafai ona tatou faaogaina ai lo tatou malamalama ma taleni e fausia ai Lona malo. ■



FAAMATALAGA

1. Mo le okaina o le Keyboard Course Kit, alu i le store.lds.org.
2. Vaai Laura Lewis Brown, “The Benefits of Music Education,” pbs.org; Jessica Velasco, “How the Arts Can Help Students Excel,” the Science of Learning Blog, Dec. 11, 2012, scilearn.com/blog/how-arts-help-students-excel; “Music Helps Children Learn Maths,” *The Telegraph*, Mat. 22, 2012, telegraph.co.uk.

TAUTINO ATU E Togi le Solo

Sa lei aluau i luma ou tomai ta piano, e ui lava i le tele o tausaga o faataitaiga. Na fai mai ou matua faatoa mafai ona togi lau solo i le tuutuuga e tasi: E tatau ona ou aoaoina ni viiga se 50.

Saunia e Gretchen Blackburn

Sa ou matele atu i totonu o lou fale, ma le maligi o ou loimata i le maea ai o se isi lesona le lelei i le piano. O lou tausaga lona fa lea i le piano, ae sa na o le “Emo, Emo, le Fetu Laitiiti” sa tau mafai ona ou taina. Na taumafai lou faiaoga ina ia maua se mea lelei e tau mai e uiga i lau tata leagafaia, ae sa na ona atili ai o ou lagona le fiafia. Na totogi e o’u matua tupe mo ni lesona ta piano ou te lei manao ai ma sa leai se faamoemoe e aoga.

Sa ou manao i ou matua e faataga au e togi le solo. “Faamolemole,” sa ou augani atu ai. “O le a ou faia soo se mea. E mafai faapefea ona ou tauanuina oulua?”

Ina ua uma ona la talanoa e uiga i ai, sa laua faapea mai, “Afai e te aoaoina ni viiga se 50, o le a ma tuu atu oe e togi le solo.”

O le taimi lava lena na amata ai au faataitaiga. Sa matuai ou manao lava e togi lau solo, o lea sa ou naunau ai e faaalu se taimi faaopoopo i le piano. O le viiga muamua, “Ia Viia Oe Le Atua” (*Viiga*, nu. 10), na toetiiti atoa le masina na maua lelei ai le taina. Sa ou pulunaunau lava e togi le solo, o lea sa faaauau ai au faataitaiga.

Sa faapea ona tupu se mea malie, sa faapea ona faigofie atu le taina o viiga. Sa ou lagona le fiafia tele i le vaiaso atoa. Sa oo ina ou hamuina viiga i le aluga o le aso ma pese leo-tele i le sauniga faamanatuga.

Mulimuli ane, sa ou le toe faitauina pe ua fia viiga na ou iloa ta. Ao faasolo ina faateleina lou tomai i le piano, sa ou iloa ai e mafai ona ou aoaoina e toetoe lava i le lelei atoatoa se viiga i le itiiti ifo ma le 30 minute.

Ina ua iu ina ou faaopoopoina atoa ia viiga, sa ou aoaoina le silia ma le 50 o viiga. Ma sa leai se mea o le a ou togiia ai le solo i le taina o le piano. Sa oo ina sili atu ona ou toa ma talitonu i ou gafatia e ta ai [le piano] ma lagona le mana o viiga i lou olaga.

O viiga e pei lava o tusitusiga paia; latou te tau mai upumoni. Pe a ou taina viiga, ou te lagona le pei o loo ou faatofuina au lava i tusitusiga paia. O le aoaoina o le taina o viiga na avea ma tamua i le fausiaina o lau molimau ma le aoaoina o upumoni. Ou te suesue i upu o viiga eseese ina ia fesoasoani ia te au i le aluga o lou aso. O le taina o le piano ua faamalosia ai lau molimau ma ua tatalaina ai faitotoa mo au i soo se mea lava ou te alu i ai. ■

E alala le tusitala i Niu Ioka, ISA.



FAATEIA, FAANOANO, & FUAFUAGA A LE ATUA

*I le taimi o le **aafiaga aupito faataumaioia** o lou olaga, sa ou lagonaina ai **sa i ai le Tama Faalelagi ia te au** i le taimi atoa o lau malaga.*

Saunia e Paola Çajupi

Sa o se taeao po i le 2008 ina ua fafagu au e lou tina ou te alu i le aoga. Sa matuai ou fiafia lava i lena taeao, ae sa ou le iloa o le a suia i se aso sili ona leaga o lou olaga po o le taimi mulimuli lea o le a ma faatasi ai ma ia. Sa lei maea au vasega uma i lena aso, ona sa piki au e se uo a lo matou aiga ma tau mai ia te au na fasioti e lou tina o ia lava. Sa na o le 12 ou tausaga.

Sa ou mafaufau, “E mafai faapefea ona ou ola e aunoa ma lou tina?” O ia o lau uo sili.

Sa ou tagi mo ni masina. Sa ou le fiafia e alu i le aoga ona sa ese le faiga o au e isi tamaiti ma sa popole alofa ia te au. Sa matuai ou le iloina lava le mea sa tatau ona ou faia; na pau le mea na ou iloa na tatau ona ou malosi mo isi tagata uma.

I se tasi aso, pe a ma le lima po o le ono masina talu ona mavae le maliu o lou tina, sa ou i ai nao au i lou potu i talaane o le faamalama, [sa ou] tagi, ma taumafai ia malamalama po o le a le mafuaaga na ou i ai iinei. Na faafuasei lava ona ou faalogoina se leo i lou mafaufau: “O oe o lou afafine; o le a ou le tuu atu oe e puapuagatia.” Sa ou iloina o le Atua. Ae na faateia au aua sa ou le toe talitonu ia te Ia, ae maise lava ona sa ou manatu o le Atua na aveeseina lou tina mai ia te au. E ui lava ina sa ou le iloa le uiga o Lana fetalaiaga, ae na ou lagonaina le saogalemu.

E tolu tausaga mulimuli ane, sa ou alu ai i Roma, Italia, e asiasi i le tamaloa o lou aiga. Sa ia faamatala soo mai e uiga

i se lotu sa alu i ai. I se tasi Aso Sa, sa alu ai ma ave au. O le a ou manatua pea le savali agai atu i faitotoa o le falesa mo le uluai taimi ma le lagonaina o le alofa o le Tama Faalelagi ina ua ou alu atu i totonu. Sa pei lava o le aiga.

Sa amata ona ou alu i le lotu i Aso Sa taitasi uma, ma i gaoioiga uma lava i le aluga o le vaiaso. Sa ou fiafia e faatasi ma le autalavou o le Ekalesia. Sa latou faafiafiaina atili au. Sa latou manatu ma talitonu i mea lava e tasi sa ou talitonu i ai. Ona oo lea, ina ua mavae le tolu masina, na uma ou aso malolo o le taumafanafana ma na tatau ona ou toe foi atu i Alepania.

Ina ua ou toe foi atu i le fale, sa ou tau atu i lou tama e uiga i lagona na ou mauaina, ma lou fiafia na lagonaina i le aluga o lena taimi atoa. Sa lei fiafia i ai o ia. Sa ia fai mai, o le a ia le faatagaina au e faaauau pea ona alu i le lotu pe aoao atili e uiga i ai. O lea o le a tatau ai ona ou onosai mo le isi tolu tausaga e sosoo ai seia atoa lou 18 tausaga. Ona mafai lea ona ou filifili mo au lava ia ma papatisoina.


I le taimi lenei, sa faamanuiaina au i le toatele o tagata o e faamatala mai ia te au mea na latou aoaoina i Aso Sa taitasi i le lotu. O se tasi o na tagata o Sitefani. Sa nofo o ia i Italia i le taimi na auai ai le tamaloa o lou aiga i le Ekalesia, ae na toe foi atu o ia i lona aiga i le Iunaite Setete. Sa manatu le tamaloa o lou aiga o le a lelei mo i maua ona tusi atu i le tasi ma le isi, o lea na ou faaopoopoina ai o ia o se uo i luga o le Apiofoliga [Facebook].

E ui ma te lei feiloai lava faafesagai, ae o le a ou faafetai pea ia te ia mo le fesoasoani i le atiina ae o lou faatua-tua ma aoao atili e uiga i le talalelei a Iesu Keriso. Na toetoe o Aso Sa uma e tusi mai ai o ia ia te au ma tau mai mea uma sa ia aoaoina i le lotu, ona ia taliina lea o au fesili. Sa avea o ia ma se uo maoae ia te au.

Mulimuli ane, ina ua mavae tausaga o le onosai, sa papatisoina loa au i le na o le lua o aso talu ona uma lou aso fanau lona 18. Ma e le toe umi ae ou faasoa atu i lou tina le fiasia lea sa ou lagonaina i lena aso, aua o le a papatisoina au mo ia. Ou te iloa o le a mitamita o ia i le olaga ua ou filifilia.

Ou te lagona le faamanuiaina o au e le Tama Faalelagi aua sa i ai o Ia faatasi ma au i le taimi atoa o lau malaga i le tele o auala. Sa tau lava o lou faatalitali ma le onosai ona sa i ai Sana fuafuaga mo au. O Ia o lē na tuuina mai ia te au le malosi e taulima ai luitau uma sa feagai ma au. Sa i ai o Ia iina i taimi uma, e fesoasoani mai ia ou fiasia atili. ■

E alala le tusitala i Alepania.





Saunia e Elder
José A. Teixeira
O Le Fitugafulu

E TUSA

LAVA PE E TE MATAMULI

*Faalagolago i le Alii, ma o le
a la faamanuiaina oe i au taumafaiga
e faasoa atu le talalelei.*

na ua avea au ma se peresitene fou o le misiona i Pasila, sa ou faatalanoaina ai ni alii faifeautalai. Sa ou fai atu i se tasi e faamatala mai ia te au e uiga ia te ia lava.

“Ou te matamuli lava,” sa ia fai mai ai. Sa popole o ia ona sa faalavelave lona matamuli i lona mafai ona auuuna atu.

Sa ou fesili atu, “E te manatu la e mafai e le Alii ona fesoasoani ia te oe ia avea ma se faifeautalai lelei?”

“Ou te talitonu e mafai ona fai e le Alii o soo se mea.”

“Ia tuu atu la ia te Ia e fesoasoani ia te oe. Faamata e mafai ona e faia lena mea?”


“Ou te mafaia,” o lana tala lea.

E tatau ona ou tauina atu, ao savali ese atu o ia, sa ou mafau-fau, “Ia, talosia ia aoga.”

Na mavae atu vaiaso ma e lei umi ae toe o mai foi na lava faifeautalai mo faatalanoaga. O le taimi la lenei, sa fai mai le soa a le alii faifeautalai matamuli, “Peresitene, ou te le iloa po o le a le mea sa e tauina atu ia te ia, ae e mautinoa lava na faia ai se eseese. Ua matuai lelei lava o ia i le talanoa atu i tagata.” Ma o lea sa ou tulimatai ai i le ma feiloaiga ma ia.

Ina ua sau o ia i lou ofisa, sa tilotilo o ia i lalo i ona vae.

“E i ai sau tala fiafia,” o lana tala lea. “O loo ou matamuli pea, ae sa ou ole i le Alii e fesoasoani mai ia te au. Ona tatala lea o



ATA NA TUSIA E DAVID MALAN

lou gutu ma atama ona tautala. Ma e te silafia oe? O loo ou faia i taimi uma lava. Ou te le manatua mea ou te fai atu ai. Ae o le mea e ofoofogia ai e fiafia i ai tagata. Latou te lagona le Agaga. Latou te malamalama ia te au ma i mea ou te tau atu ia i latou.”

Sa ou maofa i le vaai i le suia o lenei faifeautalai ina ua ia tuu atu lona faatuatuaga i le Alii. Sa avea o ia ma se tufuga-aao maoae i le aumaia o le fiafia i tagata e toatele.

“O loo ou matamuli pea, ae sa ou ole i le Alii e fesoasoani mai ia te au.”

Faatoilaloina o le Fefe

Tatou te lagona le popole i nisi o taimi pe a tatou faasoa atu le talalelei. Ae e pei ona faaalua e lenei faifeautalai matamuli, o le a taitai i tatou e le Alii pe afai tatou te faalagolago ia te Ia. O le a fesoasoani le Agaga Paia ia tatou iloa upu e fai atu (tagai i le 2 Nifae 32:2–3), ma a lagona e tagata le Agaga, e masani ona latou tali mai i se auala lelei. E toatele tagata e faagaetiaina i mea tatou te talitonu i ai ma mana'ao ai ia iloa atili.

Olioli Tele

E i ai sau molimau o le a taiala i tatou e le Tama Faalelagi i a tatou taumafaiga e faasoa atu le talalelei, ma i lena faagasologa o le a tatou lagona ai le olioli tele. O le mea moni, o lena olioli o le a i ai faatasi ma i tatou e le mo na o le taimi nei, ae faapea foi i le lalolagi a sau. (Tagai i le MF&F 18:16.) O se mafuaaga lelei lena e aluese ai mai lou siosiomaga ua e masani ai ma faia se mea, e tusa lava pe e te matamuli. ■

O POPOLEGA E TOLU E MAFAI ONA E FAATOILALOINA

E ese mai i le matamuli, ou te iloa nisi o popolega faaopoopo e tolu lea e mafua ai ona tatou faapea, “Ou te fefe ona afai ou te talanoa e uiga i le talalelei, o le a leai ai ni au uo.” E faafetai ona, faatasi ai ma le faatuatua, e mafai ai ona faatoilalo na popolega.

1. E LE LAVA NI MEA OU TE ILOA.

Afai e le lava lou malamalama e uiga i le talalelei, e mafai ona fesoasoani atu faifeautalai faamisiona. E mafai ona latou aoao mai ia i tatou le savali o le Toefuataiga, fesoasoani e faamalolosa o tatou faatuatua i le Alii o lesu Keriso, ma fesoasoani ia tatou malamalama i le salamo ma le auala e faaoga ai i o tatou olaga, ma le mafuaaga e taua ai le papatisoga ma le meaalofa o le Agaga Paia. O le isi punavai sili o le malamalama o le *Talai Lau Talalelei*. Ou te uunaia alii talavou ma tamaitai talavou uma ia i ai se kopi ma ia faia o se vaega o a latou suesuega i aso uma faatasi ma au tusitusiga paia.

2. OU TE LEI FAIA MUAMUA LAVA LENEI MEA.

Afai e leai sou poto masani, faaitaitai i faifeautalai! E mafai ona latou fesoasoani ia te oe ia iloa faamatalaga e fai atu ma faamatalaga e aua le faia i se tulaga faapitoa. A o e faaalu se taimi faatasi ma faifeautalai, o le a e lagona lo latou alolofa i le talalelei ma mo o latou uso a tagata. Ua latou maua le lototele e faasoa atu ai le talalelei; e mafai ona latou fesoasoani atu ia e faia foi faapea.

3. OU TE FEFE E FAASOA ATU.

A faasoa atu a tatou molimau, ua tatou fesoasoani i a tatou uo ia iloa mea e sili atu ona taua, ma amata ai ona latou faaloalo ia i tatou ma alolofa ia i tatou i se malamalama e ese mai. O lenei mea e tai tupu lava i taimi uma. E toatele tagata talavou e fai mai, “Sa ou fefe lava, ae ina ua ou tautala faamaoni atu, sa amata ona faatuatuaina au e au uo ma fai mai ni isi fesili se tele.” E le tatau ona tatou fefefe i le faasoa ina atu o mea ua tatou maua. E taua aua e aumai mai le Atua. Ma o le a se isi auala sili e faaali atu ai le alofa i a tatou uo nai lo o le faasoa atu ia i latou o mea ua tatou iloa e moni?

O LA TATOU AVANOA

FAAMAONI I MEA UMA

Alivsi H., Jalisco, Mekisiko

Iamataga o semesa uma i le aoga, matou te mauafua ai se seti o ni oloa e aofia ai se api, o se api o fuafuaga fai, ma se oloa faataitai e eseese lava. I se tasi tausaga sa ou tu ai i le laina e aumai lau seti ma iloina ai, o le oloa faataitai na ou mauaina sa faapitoa le aoga mo au.

I le faaiuga o le aso, sa ou vaaia ai sa latou tuuina atu ni oloa faataitai tailua o le oloa lava lea e tasi. O le a faigofie ona ou toe oo i le laina ma aumai se seti lona lua, o lea sa ou filifili ai loa e fai. Ma le isi mea, sa tufa fua, ma sa ou manaomia lena oloa.

Sa ou afe faavave i le faleletaua, lea na ou vaaia ai se telefoni feaveai na

galo ai iina a se teine. O se tasi o ituaiga fou, ma e lei leva atu ona leiloa lau lava telefoni i le vaiaso na muamua atu. Ae sa ou lei mafaufau e tuu ai ma au. “O le gaioi le mea lena,” sa fai ai ia te au lava.

Ma, ao ou alu atu e aumai lau seti lona lua o mea mauafua, na ou iloina ai o lena mea e tutusa lava ma le faamaoni i le taofiga o le telefoni, aua o le a ou pepelo ma faapea atu e lei maua muamua sau seti.

Sa ou faafetai mo lenei aafiaga laitiiti lea na aoao mai ai ia te au se lesonea tele. Sa ou aveina le telefoni i le [ofisa]

ma ou alu i le fale ma lau api e tasi, tasi le api o fuafuaga fai, ma le oloa faataitai e tasi, ae faatasi ai ma se lagona manaia ona o le faamaoni i mea uma, e tusa lava po o le a le laitiiti. ■



FAAMANUIAINA MO LE USITAIA I LE TULAFONO O LE SEFULUAI

Sabrina T., São Paulo, Pasila

Ao ou laitiiti, ma oo ai lou aiga i le tele o tofotofoga ai mea tautupe lea na oo mai lava i le pe tusa o le 10 o ou tausaga. Sa le mafai ona maua e lou tama se isi galuega, o lea sa galue ai i le faatauina atu o ni oloa i autafa o le auala, ma e itiiti lava se tupe na maua mai ai. O lou tina sa nofo i le fale e vaai i maua ma lou tuagane laitiiti.

Ae e ui lava i le oo ai i le tele o faafitauli, ae sa i ai sa matou molimau e uiga i le totogiina o le sefuluai ma le tuuina atu o isi taulaga. Sa matou totogiina ma le faamaoni la matou sefuluai i masina taitasi ma e lei i ai se taimi na matou le mauaina ai ni mea. Matou te iloa ma le mautinoa

sa faaaauu ona faamanuiaina i matou ona o le agalelei e le mavae o le Alii ma na te tausia Ana folafologa pe a tatou usiusitai i Ana poloaiga.

Na iu lava ina faamutaina o matou aso o tofotofoga i mea tautupe. O faamanuiaga ua tuuina mai e le Alii ia i matou i nai tausaga nei ua mavae atu, e matuai ofoofoga lava.

Ou te iloa mo i latou o e totogi ma le faamaoni sefuluai ma totogi a latou taulaga i le alofa ma le sini o le faamanuiaina o olaga o isi, o le a leai se mea e le maua, ma e mafai foi ona tupu ai se mea e sili atu ona lelei, e pei foi o au ma le matou aiga. O le a faateleina faamanuiaga. Ua ou iloa lena mea. Sa ou ola ai. ■

OLELEI I LE VAAI?

Toe vaai. E manao Satani ia tatou suia le olioli moni mo nao se vaai taufaasese o le fiafia, lea o le a le faamalieina lava. Aua lava nei e tago e u.

Dieter F. Uchtdorf, "E Mafai Ona E Faia Nei Lava!" *Lichona*, Nov. 2013, 56.



“E ulagia au i le aoga ona o le aveva ma se AAG. Ua ou iloa e tatau ona ou tu atu mo ou talitonuga, ae e ese le faigata! E faapefea ona lava lou lototele?”

Esao oe, e te manaomia le lototele e faafetauia ai lenei tulaga. Manatua foi, na poloi mai Iesu Keriso, “Tutulai ia ma susulu atu, ina ia aveva lo outou malamalama ma tagavai mo atunuu” (MF&F 115:5). Ae o le i ai o le lototele e faasusulu atu ai lou malamalama, e mafai pe le mafai foi ona faaogaina i le tautala atu e faasaga ia i latou o e tauemu ia te oe.

I soo se tasi o ia tulaga, e mafai ona e faatagaina mea faafeagai e musuia oe ia sili atu ona lelei. A o e galue malosi e faamalosia lau molimau, e mafai ona e atiina ae le ituaiga o lototele filemu, lea o le a fesoasoani e te tautala atu ai, pe na o le faaauau pea ona faia le mea sao, e tusa lava pe tauemu mai isi.

O le ulagia e mafai ai ona faaosole le fiafia, ae ia manatua e mafai ona e tatalo ina ia faatumulia i le alofa mama ina ia mafai ona lagona e isi le alofa o Keriso e ala atu ia te oe (tagai i le Moronae 7:48). Talu ai e tulaga ese ia tulaga uma, ia saili le taitaiga a le Agaga ia iloa ai le ala e tali atu ai i se auala faaKeriso i mea taitasi.

E faalagolago lava i le tulaga, atonu e sili ona lelei le talanoa faalilolilo ma i latou o e na ulagia oe, ia pe tau lava o le le ano i taufaifaiga faalealofa ao faaauau pea ona e ola i ou talitonuga. Afai e le fiafia isi i mea e tatau ona e fai atu ai, o ou faataitaiga o le agalelei, lotofaamagalo, ma le faamaoni atonu o feau sili na ona lelei e mafai ona e auina atu.

Faali Atu le Lototele Moni

O i latou e ulagia oe, atonu e le tuua ona ua e toa e fai atu ia i latou e taofi, ae atonu latou te tuua pe a e faaogaina lou lototele e ala i le ola ai i le ituaiga tagata ua aveva ai oe—o se Au Paia o Aso e Gata Ai. E toetoe lava o le taimi lena, o le a susulu mai ai le faamaoniga o lou Tama Faalelagi i ou luga, ma faamoemoe e matala ai o latou mata i le talalelei toefuataiina i o latou olaga.

Bright U., 17 tausaga, Setete o Imo, Nigeria

Ia Maua le Malosi i Aoaoga Faavae Autu

O le tatalo ma le anapogi e taua aua o le a fesoasoani ina ia mafai ona e fetaiia ma tausuga ma luitau i le aoga, e pei ona sa feagai Iesu Keriso ma le tele o tauemuga ao i ai o Ia iinei i le lalolagi. O le a fesoasoani e te atiina ae ai le alofa faateleina ma le onosai i tagata.

Walter C., 15 tausaga, Jaén, Peru



Ia Taialina e ala i le Tatalo

Sa umi se taimi sa nao au ai le tagata o le Ekalesia i lau aoga. Na foliga mai na malamalama au uo mamae ia te au, ae o isi uo i le aoga sa taufaaililili ia te au. I se tasi aso sa ou tatalo ma lagona ai le tatau ona ou talanoa i se tasi o i latou o e na uunaia isi e taufaailili ia te au. Sa ou faamalamalama atu faapea, ou te lei lagonaina le ita ia te ia, ae sa ou fai atu ia te ia e aumai ia te au le faaloalo na te manao foi e maua. Ina ua uma ona

faalogo i le ma talanoaga, sa faapea ona puipuia au i taimi uma e se tasi o ou faiaoga pe a ia vaaia se mea o tupu. Ou te iloa o le a faatasi le Alii ia te oe ao e talanoa atu i nei tagata.

Shanela S., 14 tausaga, Pangasinan, Filipaina

Atinae Lau Molimau

Muamua, ia maua se molimau moni o upumoni e te manao e faasoa atu i isi. Ona alofa lea i tagata e ula [ia te oe] ma aua nei faia ni finauga, aua o finauga e le lagolagoina e le Atua (tagai i le 3 Nifae 11:29). O le mea aupito sili ona taua, ia taumafai ia faatasi e le aunoa le Agaga ia te oe. O le a fesoasoani le Agaga ia te oe ia e maua le alofa faateleina ma le lototele faateleina, ma o le a Ia faamamanaina au upu.

Julia F., 19 tausaga, o Hesse, Siamani



Alofa I E Ita Mai la Te Oe

Sa ou oo foi i ni tulaga faapena. Afai e ia te oe le faatuatua ma faamaualalo oe lava, o le a faamanuiaina oe i le malosi ma le faatuatua e te manaomia e “alolofa atu i e ua ita mai ia te outou, ia outou faamanuia atu i e ua fetuu mai ia te outou, . . . ia outou tatalo [mo i latou]” (Mataio 5:44). Ou te fautuaina outou e suesue i tusitusiga paia mo ni tali i le auala e malolosi ai. Ia tatalo pe a e lagona le tuua na o oe i lou faatuatua. Fai mai le Roma 8:31, “O lenei, se a sa tatou upu i nei mea? Afai ua au ma i tatou le Atua, o ai se faasaga tau mai

ia i tatou?” Ua i ai le Atua i lou itu! E mafaia soo se mea.

Reagan T., 15 tausaga, luta, ISA



Aua le Fefe

Talanoa soo e uiga i lau tapuaiga po o le fai ma le fuafuaina o mea e taua ai. Sa ou oo i se tulaga faapena ma sa ou tusia le, “Ou te Fiafia O Au o Se AAG” i luga o lau ato faafafa. O le faia o lena mea, sa ou tatalaina ai le faitotoa i ni nai avanoa faafaifeautalai ma faaali atu i tagata sa ou le fefe e tau atu ia i latou o au o se AAG. Soo se mea e te faia, aua nei faatagaina i latou e faapopoleina oe. Tatalo mo i latou ma mo oe lava. O le a le umi ae e iloa, afai e te tulaia atu i le laveaiina o agaga o isi, o le a e le fefe e faailoa atu ia i latou le moni o le talalelei a lo tatou Tama.

Savanna P., 14 tausaga, Texas, ISA



O LE LOTOTELE O O TATOU TALITONUGA MAUMAUTUTU

“E tele lava ina faigata le avea ma se tasi e ese ai ma tu ai na o ia i le motu o tagata. O se lagona masani le fefe i mea e manatu pe talanoa ai isi. E mafanafana lava upu a le fai salamo: ‘O leova o lou malamalama ia, ma lou olataga: o ai ea se ou te fefe ai? O leova o le malosi ia o lou ola; ou te matau ea ia te ai?’ [Salamo 27:1]. A tatou faatotonugalemuina Keriso i o tatou olaga, o le a aveesea e le lototele o o tatou talitonuga maumaututu lo tatou fefe.”

Peresitene Thomas S. Monson, “Avea ma se Faataitaiga ma se Malamalama,” Liahona, Nov. 2015, 88.

FESILI O LE A SOSOO MAI

“E mafai faapefea ona ou iloa o loo faafofoga mai le Atua i au tatalo?”

Auina mai lau tali ma se atapue sili ona manino, pe a e manao i ai, a o lei oo i le aso 1 o Me, 2016, i le liahona.lds.org, po o le imeli i le liahona@ldschurch.org, pe lafo mai i le meli (tagai i le tuatusi i le itulau e 3).

O faamatalaga nei ma le faatagaga e tatau ona aofia mai ai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) lau faatagaga tusitusia, ma, afai e i lalo ifo o le 18 ou tausaga, o le faatagaga tusitusia a ou matua (e talia foi le i-meli) e lolomiina ai lau tali ma lou ata.

E ono faapupuina tali mo le uumi po o le manino.






Saunia e Elder
David A. Bednar

O le Korama a Aposetolo
e Toasefululua

O A Mea a Aposetolo e Fai?

A stylized illustration of a globe with green and yellow continents and blue oceans. A white airplane with red accents is flying around the globe. A dashed purple arrow points from the top left towards the airplane.

O aposetolo o auaua a le Alii. Latou te malaga e asiasi i tagata o le Ekalesia i le lalolagi atoa. O le taimi muamua sa ou malaga ai o se Aposetolo, sa ou feiloai ai i se alii o le sa faigata ia te ia ona ola i le Upu o le Poto. Sa ou fai atu ia te ia, “Na auina mai au e le Alii iinei e avatu se savali faigofie lava ia te oe: ‘E mafai ona e faia lenei mea. Ou te folafola atu o le a e maua Lana fesoasoani ao e feagai ma lenei luitau.’”

Faamata e auina atu e le alii se tasi o Aposetolo e Toasefululua i le afa o le salafa o le lalolagi e fesoasoani i se tagata na o se toatasi? O le tali o le *ioe*. Na te faia i taimi uma lava. ■


Mai le faasalalauga i le lalolagi atoa Faafesagai ma Elder ma Sister Bednar.



**Saunia e
Carol F. McConkie**

Fesoasoani
Muamua i le Au
Peresitene Aoao
o Tamaitai Talavou

Toafilemu i Lou Loto



Ina ua valu ou tausaga, sa ou vaai ai i le perofeta o Peresitene David O. McKay (1873–1970). Sa susu mai o ia e faapaia se falelotu fou o le Ekalesia i Palamaira, Niu Ioka, ISA. “Na o lou aiga i le faapaiaga. E toatele isi tagata na o mai ai foi. Sa matou fiafia uma lava e vaai i le perofeta!

Sa fai si ou laititi, o lea sa faigata ai ona ou tau autilotilo solo i tagata uma. Ae na mafai lava ona ou lagonaina le alofa o Peresitene McKay. Mo na o se minute lava, na ou vaaia ai lona lauulu sinasina ma ona foliga agalelei. Sa ou faapea, “O foliga nei e foliga ai se perofeta a le Atua.” Sa ou faitau e uiga i perofeta i tusitusiga paia, ae o le taimi muamua lenei

ua ou vaaitino ai i se perofeta po o soo se Pulega Aoao. Sa ou iloaina ai o perofeta o ni tagata moi. Ma e alolofa ia i tatou! O le a ou manatua pea le alofa ma le toafilemu na ou lagonaina i lena aso.

Ina ua 11 ou tausaga, sa ou maua ai se isi aafiaga sa fesoasoani ou te lagonaina ai le toafilemu i lou loto. Sa latalata mai le konafesi a le siteki, ma sa maua sou avanoa e pese ai i le aufaipese a le siteki. Sa matuai ou fiafia lava! Ou te ofuina se ofutino paepae manaia, ma sa ou lagonaina le faapitoa. O le pese na matou usuina sa i ai upu mai i le Ioane 14:27, “Ou te tuuina atu ia te outou le manuia, o lou manuia ou te avatu

ai ia te outou: ou te le avatu ia te outou faapei ona avatu e le lalolagi. Aua le atuavale o outou loto, aua foi tou te matatau.”

Na matuai ootia lou loto i na upu, ma e oo mai lava i le taimi nei o loo ou manatuaina pea. Ina ua ou usuina na upu, sa ou iloaina ua moni. Sa ou lagonaina le tau mai e le Agaga Paia ia te au, o le mulimuli ia Iesu Keriso e fesoasoani tatou te lagona ai le toafilemu. Talu mai lena taimi, soo se taimi lava e oo mai ai ni ou luitau, ou te manatua lava lenei mau ma e aumai ai ia te au le toafilemu. O le upumoni sa ou aoaoina ao ou laititi ua faamanuaina ai lou olaga atoa. ■

O Le MOLIMAU a Ethan

Saunia e Larry Hiller

E faavae i se tala moni

“Faalogo, faalogo. O le a musumusu mai le Agaga Paia. Faalogo, faalogo i le leo malu itiiti” (Children’s Songbook, 106).

Sa saofai Ethan i le taimi o le fetu-
Sfaaiga ma tilotilo atu i luga i lana
uo mamae, o Samu, ao faasoa lana
molimau. Sa saofai lana uo o Sara i
luga o le tulaga, e faatalitali i lona
taimi. Sa talanoa Samu e uiga i se
galuega faatino na ia faia. Sa ia fai
mai e i ai sana molimau e uiga i le
auauna atu. Sa tuuina mai e Sara
lana molimau e uiga i aiga. Sa
alu atu foi le faiaoga o Ethan
ma faasoa atu lana molimau.
Sa ia talanoa e uiga i le
galuega faalemalumalu. Na
molimau uma mai i latou e
moni le Ekalesia. Sa foliga
mai sa tofu tagata uma ma se
molimau ae vagana ai Ethan.

“O le a se mea e i ai sau molimau e
uiga i ai?” O le tau mafaufau lea a Ethan.

Sa toe mafaufau o ia i tua i nai tausaga
i le taimi na latou papatiso ai ma ana
uo. Sa lauga ai lona faiaoga Peraimeri,
o Sister Calder e uiga i le Agaga Paia.

“O le Agaga Paia e mafai ona tuuina
atu ia te oe se lagona mu i lou loto. E
mafai ona fesoasoani o Ia ina ia e iloa
le mea moni,” sa ia fai mai ai. “Ma o
le auala lena e te maua ai se molimau
e uiga i mea ua e talitonu i ai.”

Sa taumafai Ethan e fai le mea sao
ina ia mafai ona ia lagona
naina le Agaga Paia.

*Sa foliga mai sa tofu
tagata uma ma se
molimau ae vagana
ai Ethan.*





Sa ia faitau i tusitusiga paia ma tatalo. Ae na te lei mauaina lava lena lagona mu lea na talanoa mai ai tagata. Pe o le uiga ea la, e lei i ai sana molimau?

Sa mau lenei fesili i le ulu o Ethan i le aso atoa na sosoo ai. Sa mafaufau pea i ai ao la tietie laupapa faasee faiuili ma Samu ina ua tuua le aoga. Sa manatunatu o ia pe faapefea ona ia fesili atu ia Samu e uiga i ai.

“E, Samu,” na iu lava ina fesili atu ai Ethan, “sa e fefe i le taimi na tuuina mai ai lau molimau ananafi?”

Sa oso ese Samu mai lana laupapa ae savali i luga o le mutia. “E leai,” sa ia fai mai ai, ma saofai i lalo. “Sa ou faasoaina atu lau molimau i le lotu a le matou aiga i le po na muamua atu.”

Sa saofai atu ai foi ma Ethan ma tuu lana laupapa faasee faiuili i luga o ona vae. “Ae na faapefea ona e iloa na i ai sau molimau?”

“Ia, sa ou tatalo ma maua ni lagona lelei e uiga i ai.”

Sa luelue lemu le ulu o Ethan ma vili se uili i lona lima. I se isi itu sa manao o ia na te maua se lagona faapena.

I lena po, ina ua pogisa ma filemu le fale, sa tootuli ai Ethan i aufata o lona moega e tatalo.

“Le Tama Faalelagi,” na ia fai atu ai, “faamolemole fesoasoani mai ia te au ia maua sau molimau. Fesoasoani mai ia ou iloa e moni le Ekalesia. O Iosefa Samita o se perofeta. Ma e moni le Tusi a Mamona.”

I le ogatotonu o lana tatalo, na taofi ai le tatalo a Ethan. Sa mafaufau o ia mo se minute. Ona ia fesili ifo lea ia te ia lava, “Ia, ua ou iloa ea la se mea?”

Ona oo mai ai lea o se lagona malie, ma filemu i ona luga. Sa le o se lagona mu malosi. Ae na iloa e Ethan, o le Agaga Paia *lena*.

Na oo mai se manatu i le mafaufau o Ethan: “Ou te iloa ua ou iloa.” Ma ao mafaufau i ai o ia, sa ia iloa ina ai, sa ia lagonaina muamua lenei lagona toafilemu.

Soo se taimi lava na ia faitauina ai le Tusi a Mamona, sa lelei ma sao le faalogona. O lenei ua ia iloa o lena lagona o le Agaga Paia ua molimau mai ia te ia. Ina ua alu o ia i le lotu ma sa lelei ma sao le faalogona iina, o le Agaga Paia foi lena. Sa ia mauaina lava se molimau!

Sa lei manaomia ona ia iloa mea uma i le taimi lenei. Ae na ia iloa e moni le Agaga Paia ma e mafai ona fesoasoani ia te ia e fausia pea lana molimau.

Sa amata ona toe tatalo Ethan. Ae o le taimi lenei, e fai atu ai faafetai lava. ■

E alala le tusitala i Iuta, ISA.

O Peso mo le Tama Faalelagi

Saunia e Angela Peña Dahle

“Tausi poloaiga. O i ai le malu ma le filemu” (Tusipese a Tamaiti, 68).

Na lamu e Ana lana fasi totila mulimuli. Sa vai-vai ma manaia tele. E ese le fiafia o Ana i totila a lona tinamatua. O le vaega sili lea ona manaia o le ti i le taeao.

Sa vaavaai atu Ana ao fufulu e lona tinamatua o Apuela ia ipu.

Sa pei lava o isi taeao. Ae e tasi le mea sa le tutusa ai.

O Apuela sa masani ona savali atu i le maketi e faatau mai ni meaai. Ae sa lei alu ananei. O nei, sa lei se tupe e faatau ai se meaai.

“Po o le a le mea o le a ma aai ai taeao?” O le manatunatu lea o Ana.

Ona manatua lea e Ana. Sa na iloa-ina le mea sa i ai se tupe! O anapo sa ia vaai atu ai o tuu e Apuela ni nai peso i se fasi ie paepae.

“Apuela, na galo ia te oe? O loo i ai lau tupe e faatau mai ai le meaai.”

“O le a le tupe?” O le fesili lea a Apuela.

Sa tamoe Ana e aumai le tupe. Sa ia luluina le tamai ato o siliva.

Kiligi! Kiligi!

Sa ataata Apuela. “Ana, o le ta sefuluai lena. O *Lana* tupe lena.”

“Ae o le a se ta meaai o taeao?” Sa fesili ai Ana.

“Aua le popole,” o le tala lea a Apuela. “Ou te faatuatua o le a fesoa-soani mai le Tama Faalelagi ia i taua.”

O le taeao na sosoo ai sa avatu ai e Apuela le totila sana mulimuli ia Ana. Ona ia saofai lea i lalo i lona nofoa. Sa ia suiina ni fuga-laa lanumumu i luga o se ofu ma



faamatala ni tala e uiga i le taimi ao laitiiti o ia. Sa lei foliga popole o ia.

Ona faalogoina lea e Ana se tuitui. Sa tamoe atu o ia e tatala le faitotoa.

“Uncle Pedro!”

“Sa ou maua se lagona e tatau ona ou asiasi mai ia oulua ia,” o le tala lea a Uncle Pedro. Sa ia tuu ni taga se tolu i luga o le laulau. O le tasi sa i ai ni falaoamata sana mo totila. O le isi sa i ai aano o manu-fasi. O le isi sa i ai fualaau faisua fou mai le maketi.

“Oi, talofa e, isi au tama,” o le tala lea a Apuela. “O le a ou faia mo oe lau supo aano manifasi e sili ona lelei!”

“O lau soup o le supo sili lea ona manaia i le lalolagi,” na fai mai ai Uncle Pedro.

Na ata Ana ma patipati ona lima.


Ona toe taofi lea. E tasi le mea sa ia fia iloaina. “Apuela, na e iloa o le a sau nei Uncle Pedro? Pe o le mafuaaga lena sa e lei popole ai?”

“E leai,” na fai mai ai Apuela.

“Pe a ou totogia lau sefuluai, ou te faatuatua o le a faamanuia au e le Tama Faalelagi. Ma sa Ia faamanuia mai!”

Na fusi e Ana ia Apuela. Sa ia lagonaina na pei o ia o le teineiti-iti ua sili ona fiafia i Mekisiko. Sa i ai lo laua faatuatua ma Apuela i le Tama Faalelagi. O lenei la ua tau le mafai ona ia faatali e ai i le supo manaia a Apuela! ■

E alala le tusitala i Karolaina i Matu, ISA.





Mulimuli i Perofeta ma Aposetolo

Saunia e Jenna Koford



Ua valaau e le Atua ia perofeta ma aposetolo e aoao i tatou i mea e finagalo le Atua tatou te iloa. I tusitusiga paia, e mafai ona tatou faitau ai e uiga i perofeta e pei o Noa, Nifae, ma Iosefa Samita, ma aposetolo e pei o Peteru ma Paulo. Ua i ai a tatou perofeta ma aposetolo i aso nei!



FAAMATALAGA MAI LE FAATAUNUU E LE ALII AVA FETALAGA UMA, SAUNIA E CLARK K. PRICE; FAAMATALAGA MAI LE IOSEFA SAMITA, LE ITITI, SAUNIA E DANQUART A. WEGELAND; FAAMATALAGA MAI LE TALIA O LE FEAGAIGA FOU, SAUNIA E PAUL MANN; FAAMATALAGA MAI LE UA TAITAI E NIFAE MA LIAE LE FAUINA O LE YAA, SAUNIA E JERRY THOMPSON; ATA NA TUSIA E GARTH BRUNER

O le a le “perofeta, tagatavaai, ma le talifaaaliga”?



O se **perofeta** e saunoa mo le Atua.

O se **tagatavaai** e mafai ona iloa le taimi ua tuanai, le taimi nei, ma le lumanai.


O se **talifaaaliga** e faaalua mai (pe faailoa) mai ia i tatou le finagalo o le Atua.

- O sui uma o le Au Peresitene Sili o ni perofeta, tagatavaai, ma talifaaaliga. E faapena foi i Aposetolo uma.
- E na o le Peresitene o le Ekalesia ua i ai le pule mai le Atua e taitai ai le Ekalesia atoa.
- E toafia faatasi a tatou perofeta soifua, tagatavaai ma talifaaaliga o loo i ai?

12 15 3 1

15 :42L

Aisea e taua ai le mulimuli i le perofeta?



O se perofeta e pei o se tagata e vaavaai mai i se olo (tagai foi i le itulau 38). E mafai ona ia iloa mea matautia o agai mai ma tau mai ia i tatou auuala e saogalemu ai. E fesoasoani o ia ia i tatou e mulimuli ia lesu Keriso.

O le a se mea ua saunoa mai lo tatou perofeta tatou te faia?



O lo tatou perofeta i le asō o Peresitene Thomas S. Monson.
O nisi nei o mea ua ia saunoa mai ia tatou faia.

- Mulimuli i faataitaiga a lesu ma le alofa i tagata uma.
- Totogi sefuluai ma foai atu i le tupe mo faifeautalai.
- Ia taumamao mai ata tifaga leaga, televise, ma isi ala o faasalalauga.
- Tuu se ata o le malumalu i potumoe uma.
- Suesue i lauga o le konafesi aoao.
- Asiasi i tagata matutua ma ia avea ma se tuaoi lelei.

Filifili se mea se tasi mai le lisi e mafai ona e faia i le masina lenei.

O le a se mea o le a e faia? ■

Na Salamo Alema

O Alema sa avea ma se faitaulaga a le Tupu amioleaga o Noa. Sa faalogo o ia i le aoao atu a le perofeta o Apinati e uiga i poloaiga. Na iloa e Alema e tatau ona ia suia lona olaga ma mulimuli i le Atua nai lo le faia o mea leaga. Na ia tusia i lalo mea na aoao atu e Apinati. Sa amata ona ia aoao atu i isi le talalelei. Mulimuli ane, sa i ai sona aiga ma faaigoa ai se tasi o ona atalii ia Alema.



Sa ou taalo o se kolokipa [goalie] ma sa lelei lava lau taalo. Ona ou manatuaina lea na manaomia ona ou salamo i lou fai atu o se upu faalealofa ananafi.

Sa manaomia ona ou faia, ae sa ou i ai i le ogatotonu o le taaloga lakapi. Ona ou manatuaina lea o se mea. E mafai ona e tatalo i soo se mea e manaomia ona e faia ai! Ina ua uma ona ou tatalo, sa ou maua se lagona lelei ona ua ou salamo.

Peter G., 8 tausaga, luta, ISA



Damon B., 8 tausaga, luta, ISA



Oti, gagau, ma teu lenei kata o le luli!

E Mafai Ona Ou Salamo!


- Tauloto le Mosaea 18:9.
- Tusitusi pe tusi se ata o se mea sa fai mai ai le perofeta i le konafesi aoao.
- Filifili se auala se tasi e mafai ona e suia ai mo le lelei. Taumafai e fai i le masina lenei.
- Ua ou luliina au lava ina ia . . .

ALEMA

O Mau o le Masina Lenei:

A uma ona e faitau se fuaitau o mau, ona valivali lea o vaega o fuainumera e tutusa i luga o Vai o Mamona!


- 1 Mosaea 21:14–16, 32–35
- 2 Mosaea 22:2, 10–16
- 3 Mosaea 24:8, 10–14
- 4 Mosaea 22:8, 11, 18–24
- 5 Mosaea 27:30–37
- 6 Mosaea 28:3, 5–15, 20
- 7 Alema 8:11–16, 18–27
- 8 Alema 11:38–46



O Vai o Mamona

Sa lafi Alema mai le Tupu amioleaga o Noa i tafatafa o se nofo-saga filemu e taua o Vai o Mamona. E toatele tagata na o mai e faalogologo ia Alema o aoao atu le talalelei. Sa latou mananao ia papatisoina. Ina ua papatisoina i latou e Alema, sa osia e tagata ia folafolaga lava ia e tasi, po o feagaiga, ia tatou te faia pe a papatisoina i tatou. E mafai ona e faitau atili e uiga i nei folafolaga i le itulau e sosoo ai. ■

Ua Papatiso e Alema le Toatele o Tagata



O Apinati o se perofeta. Sa ia aoao
atu i tagata ia talitonu ia Iesu ma ia
tuu le faia o mea leaga. Sa ita se tupu
amioleaga na igoa ia Noa ia Apinati.
Sa le manao Noa e salamo.




Na talitonu se tagata e igoa ia
Alema ia Apinati. Sa sola ese o
ia ma lafi mai le tupu toatamai.
Sa ia lagona le faanoanoa ona
o le faia o mea sese, ma sa
salamo o ia, e pei ona sa aoao
atu e Apinati.



E toatele ni tagata
na o mai e faalogo ia
Alema ao aoao atu e uiga ia
Iesu Keriso. Na aoao atu Alema e
faapea, afai latou te salamo ma mulimuli
ia Iesu, o le a mafai ona papatisoina i latou.

Sa patipati tagata i le olioli.
Sa latou folafola atu e
faamafanafana i isi. Sa latou
folafola atu e alolofa i le
Atua ma tau atu i isi tagata
e uiga ia te Ia. Sa saunia i
latou ina ia papatisoina.





Sa taitoatasi ona papatisoina e Alema le nuu. Sa latou matuai fiafia e avea ma se vaega o le Ekalesia a Iesu.

Pe a papatisoina i tatou, tatou te faia foi ia lava folafolaga e pei ona sa faia e le nuu o Alema. Ma avea ai foi i tatou ma vaega o le Ekalesia a Iesu! ■

O Le Sapati o se Aso Faapitoa





Saunia e Peresitene
George Q. Cannon
(1827–1901)

Fesoasoani Muamua
i le Au Peresitene Sili

SAILIGA O MEALOFA FAALEAGAGA

*E toafia outou o loo saili mo nei mealofa
ua folafola mai le Atua e tuuina mai?*

E mafai ona maua e alii ma tamaitai
Uma i le Ekalesia a Keriso ia meaalofa
o le Agaga o le Atua ua vaevaeina atu ia
i latou e tusa ai ma o latou faatuatua ma
e tusa ai ma le finagalo o le Atua. . . .

E toafia outou . . . o loo saili mo
nei meaalofa ua folafola mai le Atua e
tuuina mai? E toafia outou, pe a outou
ifo atu i luma o lou Tama Faalelagi i
le lio o lou aiga po o i au nofoaga lilo,
e talosaga atu mo nei meaalofa ina ia
tuuina mai ia te oe? E toafia outou e
ole atu i le Tama, i le suafa o Iesu, e
faaali mai o Ia lava ia te oe e ala i nei
mana ma nei meaalofa? Pe tou te o i
lea aso ma lea aso, e pei o se faitotoa
e feliuai i ona sooga, e aunoa ma se
manatu i ai i le mataupu, e aunoa ma
le faaaliga o se faatuatua, ua faamalie-
ina i le papatisoina ma aveia ma tagata
o le Ekalesia ona malolo ai lea iina,
ma mafaufau faapea, ua mautinoa lou
faaolataga ona ua e papatisoina? . . .

. . . Ou te iloa e finagalo le Atua e
faamalolo i e mamai, e finagalo o Ia



e tuu mai le meaalofa o le iloatino o
agaga, o le meaalofa o le potu, o le
malamalama ma valoaga, ma isi meaa-
lofa e ono manaomia. Afai e i ai se
tasi o i tatou e le atoatoa, o lo tatou
tiute le tatalo mo le meaalofa o le a
faapea ona tatou atoatoa ai. E I Ai Ni
Ou Le Atoatoa? E matuai tumu au i le
le atoatoa. O le a lou tiute?. O le tatalo
i le Atua e tuuina mai ia te au meaa-
lofa o le a faasao ai nei le atoatoa.
Afai o au o se tagata ita, o lou tiute le
tatalo mo le alofa moni, lea e onosai
ma e agalelei. Pe o au ea o se tagata
losilosivale? O lou tiute le saili mo
le alofa moni, lea e le losilosai. E faa-
pena i meaalofa uma o le talalelei. Ua

faamoemoeina mo lenei faamoemo-
ega. E leai se tasi e tatau ona faapea
mai, “Oi, e le mafai ona ou tuua lenei
mea; o lou a natura lea.” E le tauamio-
tonuina ai o ia, ona o le mafuaaga, ua
folafola mai le Atua e tuuina mai le
malosi e faasao ai nei mea, ma tuuina
mai meaalofa o le a aveesea ai i latou.
Afai e leai se potu i se tagata, o lona
tiute o le ole atu i le Atua mo le potu.
E tutusa lava ma isi mea uma. O le
fuafuaga lena a le Atua e faatatau i
Lana Ekalesia. E finagalo o Ia i Lana
Au Paia ina ia faaatoatoaina i le upu-
moni. O le faamoemoeina lenei ua Ia
tuuina mai ai nei meaalofa ma faaee
mai i luga o i latou o e saili i ai, ina ia
mafaai ona aveia i latou ma tagata atoa-
toa i luga o le fogaeleele, e ui lava i
o latou vaivaiga e tele, aua ua folafola
mai le Atua e tuuina mai meaalofa e
alagata mo lo latou atoatoaga. ■

*Mai le The Latter-day Saints Millennial Star,
Ape. 23, 1894, 258–61; ua faalaugatasia faailoga
ma mataitusi tetele.*

MALAMALAMAAGA



E faapefea ona tuputupu ae se uluai talitonuga e avea o se malamalama ma se molimau?

“Ou te le manatuaina se lē talitonu i le Tama Faalelagi ma Iesu Keriso. Na ou alofa lava ia i Laua talu mai le taimi na ou iloaia ai i Laua a o ou tootuli i talaane o lou tina pei se agelu, faitau tusitusiga paia ma tala o le talalelei. O lena uluai talitonuga ua tuputupu ae i se iloa ma se molimau e uiga i se Tama Faalelagi alofa, o Lē e faafofoga ma tali mai i a tatou tatalo.”

E I Ai Foi i le Lomiga Lenei

MO TALAVOU MATUTUA



Iloaina o Mea Taufaasese a Satani

i.44

O se tasi lenei o auala taua e iloa ai le eseesega i le va o pepelo a Satani ma upumoni a le Allii.

MO LE AUTALAVOU

E TUSA

LAVA PE E TE MATAMULI

i.60

Pe na e lagonaina le matamuli tele po o le fefe e faasoa atu le talalelei? O ni fautuaga nei se tolu.



MO TAMAITI



Mulimuli i Perofeta ma Aposetolo

i.72

O le a se mea se tasi e mafai ona e faia i le masina lenei e mulimuli ai i le perofeta, o Peresitene Thomas S. Monson?



O LE EKALESTIA A
IESU KERISO
O LE AU PAIA O ASO
E GATA AI